

muneratio insinuatur, huic aplex corona in corpore et in anima cum fructu æternæ vitæ in cœlo reservatur, quod per ducentos significatur. Adhuc loquens ad Virginem ait Christus :

*Quæ habitas in hortis, amici auscultant.*

Quasi diceret : In multis pulchritudinem tuam laudavi. In hac autem ultima allocutione hoc te moneo :

*Fac me audire vocem tuam.*

Id est orationem tuam, quia de quacunque tribulatione clamaveris ad me, exaudiam te. Et hoc est, o Virgo Maria, quæ habitas in hortis, in horto Ecclesiæ, scilicet corporaliter et in horto virtutum germinantium in vitam æternam spiritualiter. In horto qui Christus est per amorem, et in horto vitaæ æternæ per spem, consequenter habitatura per speciem. *Fac me audire vocem tuam*, id est ad me dirige vocem tuam ut eam adimpleam, quia inordinate orare non potes. Et hoc ideo quia auscultant amici tui, id est angeli qui te diligunt et custodiunt, semper parati renuntiare mihi verba tua, cogitationes et opera. Et quia monuerat Christus ut post suam ascensionem Virgo ad ipsum suam dirigeret orationem ut colloqueretur ei corde et voce, quod postea Virgo consentiens Christi ascensioni ait :

**50 Fuge, dilecte mi, et assimilare capreæ hinnuloque cervorum super montes aromatum.**

*Expositionis Alani de Insulis, in Cantica canticorum, ad laudem Deivaræ Virginis Mariæ ad preces prioris Cluniacensis editæ finis<sup>15</sup>.*

#### VARIAE LECTIIONES.

<sup>16</sup> Hæc ultima clausula additur in antiquissimo codice ms. S. Martini Tornaci.

# SUMMA MAGISTRI ALANI DOCTORIS UNIVERSALIS DE ARTE PRÆDICATORIA

In qua optimi suggeruntur conceptus ad formandas conciones in omni fere materia moralis, nunc primum in lucem edita

## 51 AD LECTOREM.

Hujus Summæ duo habui exemplaria manuscripta in pergamo, ex Bibliotheca nostra Dunensi, unum characteribus vetustissimis exaratum, et obscurissimis verborum abbreviationibus repletum; aliud recentiori nonnihil (ut appareat) manu conscriptum, et priore multo auctius, quod proinde hic secutus sui; adnotando tamen in margine verborum et sententiarum discrepantias, quibus hinc inde ab alio exemplari discrepat. Addidi (in lectorum gratiam) loca sacrae Scripturæ, ad singulas sententias quæ ex eadem hic in contextu proferuntur.

# SUMMA DE ARTE PRÆDICATORIA.

## 52 PRÆFATIO AUCTORIS.

Vidit scalam Jacob a terra usque ad cœlum attingentem, per quam ascendebant et descendebant angeli (*Gen. xxviii*). Scala est profectus viri catholici, qui congeritur <sup>19</sup> ab initio fidei, usque ad consummationem viri perfecti. In hac scala primus gradus est, confessio; secundus, oratio; tertius, gratiarum actio; quartus, Scripturarum perscrutatio; quintus, si aliquid <sup>20</sup> occurrat dubium in Scriptura, a majore inquisitio; sextus, Scripturæ expositio; septimus, prædicatio. Homo ergo pœnitens de peccato, priuio debet pedem figere in primo gradu hujus scalæ, confitendo peccatum; secundo ascendere secundum gradum, orando ad Dominum ut ei conferatur gratia. Tertius gradus ascenditur, per gratiarum actionem pro gratiæ collatione. Ad quartum gradum fit ascensus per Scripturæ scrutinium, ad gratiam collatam conservandam; sacra enim Scriptura docet quomodo gratia collata conservari possit. Consequenter occurrit quintus gradus, quando dubium occurrit, et lector intelligentiam a majore inquirit. Sextus ascenditur gradus, quando lector aliis sacram Scripturam exponit. Septimum gradum ascendit, quando in manifesto prædicat quæ ex Scriptura didicit. Sed quia de aliis gradibus, quomodo vel quando per eos ascendendum sit, varii <sup>21</sup> varium proposuere tractatum; de prædicatione vero, qualis esse debeat, et quorum, et quibus, proponenda sit, et de quo, et quomodo, et quando, et ubi; quia a paucis dicta sunt <sup>22</sup> ad præsens dignum duximus de his aliquem compingere tractatum, ad utilitatem proximorum. Primo ergo <sup>23</sup> videndum est, quid sit prædicatio, et qualis esse debeat quoad superficiem verborum, et pondus sententiæ, et quot sint ejus species; secundo, quorum debeat esse prædicatio; tertio, quibus sit proponenda; quarto, quare; quinto, ubi.

## 53 CAPUT PRIMUM.

*De prædicatione. Quid sit et qualis esse debeat, etc.*

*Prædicatio est, manifesta et publica instructio morum et fidei, informationi hominum deserviens, ex rationum semita, et auctoritatum fonte proveniens. Manifesta debet esse prædicatio, quia in manifesto proponenda est. Unde Christus ait: Quod dico vobis in aure, prædictate super tecta (*Matth. x*). Si enim prædicatio occulta esset, suspiciosa esset, et videretur redolere hæretica dogmata. In conciona-*

A bulis <sup>24</sup> enim suis, latenter hæretici prædicant, ut facilius alios decipient. Publica debet esse, quia non uni, sed pluribus proponenda est. Si enim uni tantum proponeretur, non esset prædicatio, sed doctrina. Ea enim differentia est inter prædicationem, et doctrinam, et prophetiam, et concionationem, Prædicatio enim est illa instructio quæ pluribus fit, et in manifesto, et ad morum instructionem; doctrina vero est quæ vel uni, vel pluribus fit, ad scientiæ eruditionem; prophetia, est admonitio quæ fit per revelationem futurorum; concionatio est civilis admonitio, quæ fit ad reipublicæ confirmationem <sup>25</sup>. Per hoc quod prædicatio dicitur, morum et fidei instructio, insinuantur duæ partes theologiae: rationalis, quæ de divinis scientiam prosequitur; et moralis, quæ morum instructionem <sup>26</sup> pollicetur: prædicatio enim nunc in divinis instruit, nunc in moribus; quod significatur per angelos ascendentibus et descendentes: angeli enim hi sunt prædicatores, qui tunc ascendunt cum cœlestia prædicant; descendunt, quando per moralia se inferioribus conformant. Per hoc quod sequitur: Informationi hominum deserviens, significatur causa finalis, sive utilitas prædicationis. Et quia prædicatio debet rationibus esse subnixa, et ab auctoritatibus roborata, consequenter annexitur: ex rationum semita, et auctoritatum fonte proveniens <sup>27</sup>. Prædicatio enim in se, non debet habere verba scurrilia, vel puerilia, vel rhythmorum melodias et consonantias metrorum, quæ potius flunt ad aures demulcendas, quam ad animum instruendum <sup>28</sup>, quæ prædicatio theatralis est et mimica, et ideo omnisarie contempnenda, de tali prædicatione dicitur a propheta: Caupones vestri miscent aquam vino (*Isa. i*).

In illa prædicatione est aqua vino mista, in qua puerilia et scurrilia verba, et animos quodammodo effeminantia ponuntur: prædicatio enim non debet splendere phaleris verborum, purpuramentis colorum, nec nimis exsanguibus verbis debet esse dejecta, sed

### Medium tenuere beati.

Quia, si nimis esset picturata, videretur nimio studio excogitata, et potius elaborata ad favorem hominum <sup>29</sup> quam ad utilitatem proximorum, et ita minus moveret animos auditorum. Qui sic prædicant Pharisæis comparantur, qui ampliabant flum-

### VARIÆ LECTIONES.

<sup>19</sup> Aliud exemplar habet, contextur. <sup>20</sup> Aliquod. <sup>21</sup> Aliud ex. sic: Sed quia de aliis gradibus satis patet quomodo, et quando per eos ascendendum sit, de quibus varii, etc. <sup>22</sup> Quia pauca dicta sunt. <sup>23</sup> Titulum autem hunc habet: Quid sit prædicatio, et qualis esse debeat? etc. <sup>24</sup> Aliud exemplar: conciliabilis. <sup>25</sup> Conservationem. <sup>26</sup> Infirmitatem. <sup>27</sup> In alio, hic novum incipit caput, sub hoc titulo: De prædicatione spirituali. <sup>28</sup> Informandum. <sup>29</sup> Humanum.

brias, et dilatabant phylacteria sua (*Matth. xxiii*). Talis autem prædicatio potest dici suspicosa, non tamen contemnenda, sed sustinenda. Unde Apostolus ait : Quacunque occasione prædictetur Christus, in hoc gaudeo, et gaudebo (*Phil. i*). Non debent etiam interseri, ad majorem Christi laudem <sup>50</sup> quia non minus Christus irascitur de falsa laude, quam de negata veritate. Talis autem prædicatio hæretorum solet esse, qui vera proponunt, et consequenter falsa interserunt <sup>51</sup> **54** de quibus dicitur : *Lamiae nudaverunt mammas, lactarerunt filios suos* (*Thren. iv*) <sup>52</sup>. Lamiae virginea habent facies suas, sed pedes equinos. Pedes equini ungulam non sundunt, sed firmiter terræ affligunt <sup>53</sup>. Per lamias ergo intelliguntur hæretici, qui præponunt faciem virginis, sed concludunt aculeum scorpionis. Primo enim proponunt vera, consequenter concludunt falsa . pedes vero habent equinos, quia per affectus mentis in Dei et proximi dilectione non dividuntur <sup>54</sup>, sed omnes affectus terrenis delectationibus affligunt <sup>55</sup>. Talis prædicatio omnino abjicienda est, quia vitiosa et perniciosa. In sententiis vero debet habere prædicatio pondus, ut virtute sententiarum animos auditorum emolliat <sup>56</sup>, excitet mentem, parat contritionem, compluat doctrinis, tonet minis, blandiatur promissis, et ita tota tendat ad utilitatem proximorum. Sunt enim quidam qui finem suæ prædicationis constituant terrenam mercedem; horum autem prædicatio sumptuosa est. Tales enim potius mercenarii sunt quam prædicatores, et tamen prædicatio eorum audienda et sustinenda est.

Unde Dominus : *Quod dicunt facite, quod autem faciunt, nolite facere* (*Matth. xxiii*). Sunt autem tres species prædicationis ; una quæ est in verbo, de qua dicitur : *Ite, prædictate Evangelium omni creaturæ*, etc. (*Marc. xvi*.) Alia est in scripto, unde Apostolus dicit se prædicasse Corinthis (*I Cor. v*), quia eis epistolas scripsit. Alia est in facto, unde dicitur : *Omnis Christi actio nostra est instructio*. Hæc autem debet esse forma prædicationis, ut initium sumatur ab auctoritate theologica, tanquam a suo proprio fundamento : maxime ab Evangelii, Psalmis, Epistolis Pauli et libris Salomonis. Quia in his specialiter resultat moralis instructio. De aliis ergo <sup>57</sup> D libris sacræ paginæ sumendæ sunt auctoritates, si fuerint necessariae, et ad propositum utiles.

Consequenter, prædicator debet captare benevolentiam auditorum a propria persona per humilitatem, et a rei quam proponit utilitate, dicendo, se iis proponere verbum Dei, ut fructum faciat in meisib[us] eorum, non ad terrenum emolumentum, sed ad proiectum et prospectum eorum; non quod inanibus vulgi clamoribus excitetur, non quod favo-

A rabilis aura mulceatur, non quod theatrali applausu deliniatur; sed ut eorum animi informentur, et quod ipsi considerare non debent quis loquatur, sed quid <sup>58</sup>. Non enim in spineto consideranda est spinæ asperitas, sed rosæ aïnænitæ, nam etiam in calamo fragili mel reperitur <sup>59</sup>, et ex lapide flamma excutitur. Consequenter ostendere debet quam util sit audire verbum Dei, si effectui mancipetur.

Debet etiam promittere se pauca dicturum et utilia ; nec se trahi ad hoc nisi amore auditorum, neque etiam se loqui, quod majoris sit scientiæ aut prudentiæ, vel melioris vitæ ; sed quia revelantur aliquando minori, quæ non majori : et tunc debere majorem tacere, et quia aliquando majores prædicare nolunt, non est mirum si minores quandoque balbutiunt, quia si litterati taceant, lapides loquentur vel clamabunt.

Consequenter debet accedere ad auctoritatis propositæ expositionem, et totam inflectere ad auditorum instructionem ; nec auctoritatem nimis obscuram vel difficilem proponat, ne auditores eam fastidiant, et ita minus attente audiant. Nec in auctori tatis expositione, debet nimis cito a proposito recedere, ne primum medio, medium ne discrepet imo. Debet etiam alias auctoritates inducere ad id assendum, maxime, quæ pertinent ad propositum. Poterit etiam ex occasione <sup>60</sup> interserere dicta gentilium, sicut et Paulus apostolus aliquando in Epistolis suis philosophorum auctoritates interserit, quia elegantem habebit locum **55**, si callida verbum junctura reddiderit novum.

Verba etiam commotiva interserat, quæ mentes emolliant, et lacrymas pariant. Sit autem sermo compendiosus, ne prolixitas pariat fastidium. Postquam autem prædicator perpendit animos esse mollitos, et profluere lacrymas, ac vultus humiliari, debet aliquantulum immorari, sed non nimis; quia ut dicit Lucretius : « Nihil citius arescit lacryma. »

In fine vero, debet uti exemplis, ad probandum quod intendit, quia familiaris est doctrina exemplaris. Verbi gratia :

## CAPUT II.

### *De mundi contemptu.*

Si Prædicator vult invitare auditores ad mundi contemptum, in medium banc afferat auctoritatem : *Vanitas vanitatum, et omnia vanitas*, etc. (*Eccle. i*.) Quæ enim auctoritas ita insinuat mundanarum rerum vanitatem, et hominum vilitatem, omnia esse lubrica, et nulla stabilia, sicut auctoritas ista? Juxta hanc auctoritatem, debet distinguere tripli cem mundi vanitatem. Est enim vanitas mutabilitatis, vanitas curiositatis, et vanitas falsitatis. Vanitas mutabilitatis est, secundum quam naturali-

## VARIÆ LECTIONES.

<sup>50</sup> In alio sic : ad majorem Christianæ religionis laudem. <sup>51</sup> Falsa concludunt. <sup>52</sup> Scriptura Thren. iv habet, catulos suos. <sup>53</sup> Infingunt. <sup>54</sup> Quia affectus, etc., non dividunt. <sup>55</sup> Infingunt. <sup>56</sup> In alio hic adjungitur : Ad lacrymas moveat. <sup>57</sup> Etiam. <sup>58</sup> In alio sic : Quis est qui loquitur. <sup>59</sup> Recipitur. <sup>60</sup> Ex causæ cognitione.

ter omnia mutabilitati subjacent; de qua Apostolus: *Omnis creatura vanitati subjecta est (Rom. viii).* Vanitas curiositatis est, secundum quam homo expendit omnem curam suam in mundanis. Unde: *Dominus dissipat cogitationes hominum quoniam vanæ sunt (Psal. xciii; I Cor. iii).* De qua Persius comicus ait:

*O curas hominum, o quantum in rebus inane!*  
Vanitas falsitatis, est curiositas mentiendi; de qua dicitur: *Vana locuti sunt unusquisque ad proximum suum (Psal. xi).* Sic prædictor omnem divisionem quam proponit auctoritatibus debet robore, aliter tota divisio nutans est et lubrica<sup>41</sup>. Consequenter ostendere debet, ubi vanitas, ubi vanitatum vanitas, ubi omnia vanitas<sup>42</sup> hoc liquet in omnibus mundanis; quia, si divitiae accedunt ad hominem, vanitas, quia cito prætereunt; si morantur, hominem sibi auferunt, ecce vanitatum vanitas; si recedunt, omnia vanitas. In divitiis est vanitas mutabilitatis, quia prætereunt; vanitas curiositatis, quoniam in eis homines totam curam expendunt; vanitas falsitatis quia pro divitiis acquirendis vel retinendis, homines mendacia evomunt. Ubi major vanitas quam in divitiis, quæ cum beatitudinem spondent, camdem auferunt, quæ securitatem promittunt, sed timorem inducunt? Ubi major humor quam in divitiis, qui omnia formidant ne divitias amittant? non confidunt in filiis, suspectus est amor uxoris, maiores timent, fures abhorrent; somniant falsa, discredunt vera. C

Ubi major vanitas quam in divitiis, quæ spondent satietatem et pariunt esuriem, de siti ebrietatem afferunt; quæ cupiditates non minuant, imo cupiditatibus addunt; quæ non implent mentem sed exhauiunt; quæ sunt nescio qua vacuitate plenæ, et qua plenitudine vacuæ?

Ubi vanitas nisi in honoribus<sup>43</sup> qui ad hoc homini faverint ut dejiciant, ad hoc erigunt ut destruant? ad hoc suspendunt ut gravius impellant; in quibus est vanitas vanitatum, quia importabile onus in honore, phasticus honor in onere, et in eis omnia vanitas cum funditus 56 recedunt ab homine<sup>44</sup>. Vanitas est in mundanis illecebris, cum primo blandiuntur; vanitas vanitatum cum fastidiuntur, et omnia vanitas cum per eas ad mortem perducimur. Primo melliflicant, secundo pungunt, tertio interimunt. Similiter falsitas est in veniali peccato, falsitas falsitatem in mortali delicto, et omnia falsitas in obstinato. Falsitas in poena, falsitas falsitatem in culpa, omnia falsitas in gehenna. Abhorrentes ergo vanitatem, et timentes falsitatem, cur-

#### VARIÆ LECTIONES.

<sup>41</sup>Aliud exemplar hic interserit sequentia: Membra vero divisionum debet sibi quasi per quasdam compositiones conferre, V. G: per vanitatem mutabilitatis homo præcrit, per vanitatem curiositatis homo se occidit; per vanitatem falsitatis spiritualiter interit, vanitas mutabilitatis hominem mutat, vanitas curiositatis hominem commutat, vanitas falsitatis hominem in pejus permutat, homo per vanitatem mutabilitatis fluit; per vanitatem curiositatis effluit, per vanitatem falsitatis, perefluit. <sup>42</sup>In alio hæc interponuntur: Quomodo in nativitate hominis vanitas; in vita, vanitas vanitatum; in morte, omnia vanitas. <sup>43</sup>In alio: Terrenis honoribus. <sup>44</sup>Additur: Quia summis negatur stare diu, nimioque graves in pondere lapsus. <sup>45</sup>Laxaberis spe. <sup>46</sup>Ruente.

A ramus ad suinam veritatem, id est ad Deum, in quo est veritas veritatum, per solutionem promissorum; in quo omnia veritas, quia ipse est omnia in omnibus (*I Cor. xii*) sanctis. Sic probato mundi contemptu per habitum temporalium, eundem probare debet a causa finali, quæ consistit in duobus, scilicet, in adeptione commodi et in evitacione incommodi. Per adeptionem commodi sie probatur contemptus mundi: o homo, si contempseris mundum, Deum qui mundi conditor et dominus est, in præmium habebis. Per evitacionem vero incommodi, sic potest contemptus mundi probari: O homo, si mundana et vana contempseris, non te timor concutiet, non laxabit spes<sup>47</sup>, non arctabit tristitia, non dissolvet lætitia: nulli seruies, liber eris, adversitatis non timebis insultum, serena tibi conscientia erit, pacifice mortis expectabis adventum; mors grata, post mortem expectatio beata. Si vero mundanis voluptatibus adnæseris, terrenis irretitus illecebris, erit tibi conscientia cauteriata, mors invisa, post mortem concluderis poena æterna. Quid tibi tunc animi, o homo? cum in morte ipsa apparebunt tibi dæmones, inimici horribiles, exspectantes animam tuam dela-turi in gehennam; et quos in vita habuisti blandientes, in morte senties sevientes? Ubi tunc tuæ deliciæ? ubi terrenæ amicitiae? ubi delectationes mundanæ? Ex divitiis sequetur æterna paupertas, ex honoribus dejectio, ex delectationibus perpetua amaritudo.

Post hæc, prædictor concludat admonitionem suam in exemplari doctrina, ostendens quomodo antiqui Patres contempserint mundum, et tamen mundus tunc florebat, cum in cordibus eorum arescebat; nunc vero, cum in se areat mundus, florere non debet in cordibus nostris; sed debemus fugere fugientem, et relinquere labentem, ne labamur cum labili, ne ruamus, cum mobili<sup>48</sup>.

#### CAPUT III.

##### De contemptu sui.

Si vero prædictor intendat auditores invitare ad contemptum sui, hanc afferat auctoritatem: *Memorare, fili, novissima tua, et in æternum non peccabis (Eccli. vii).* Vel hanc: *Ego sum vermis, et non homo (Psal. xxi).* Aut certe hanc: *Homo natus de muliere repletur multis misericordiis, (Job xiv), etc.* vel consimilem, in qua miseria exprimatur humana. Sic ergo procedere debet: memorare novissima tui, memorare novissima mundi, memorare novissima diei: novissima tui, considerando quia tua conceptio culpa, tua nativitas quædam poena,

tua vita poenitatis, tuum mori necessitas : quod A vita tibi abest, aut spondet absentiam, mors autem instat, aut minatur instantiam. Ergo, unde superbit homo, cuius conceptio culpa, nasci poena, labor vita, necesse mori? O homo, memorare quod fuisti sperma fluidum, quomodo sis vas stercorum, quomodo eris esca vermium. Quod post mortem de lingua nasceretur vermis, ut notetur peccatum linguæ, de stomacho *ascarides*, ut significetur peccatum gulae; de spina scorpio, ut significetur peccatum luxuria; de cerebro, bufo, ut significetur 57 peccatum superbiæ. Vermis ergo es homo de terra natus; vermis dum vivis, quia terrenis intentus; vermis dum morieris, quia vermis in escam datus. Memorare o homo quia terra es, et in terram ibis, quia cinis es, in cinerem revertaris; quia pulvis es, et in pulverem reduceris. In persona tua dixit Job : *Putredini dixi : Pater meus es; Mater mea, et soror mea, vermis (Job. xvii).* O homo, memorare novissima pulchritudinis tuæ, quomodo omnis caro fenum, et omnis gloria ejus quasi flos feni (*Isa. xl.*); quia,

*Forma bonum fragile est, quantumque accedit ad annos,*

*Fit minor, et spatio carpitur ipsa suo.*

Memorare quomodo eam mors perdit, unius acus exaratio perimit, infirmitas demolit, senium deprædatur. Si fortitudinem jactas, memorare novissima fortitudinis tuæ, quomodo senectus eam infirmat, infirmitas enervat, mors funditus extirpat. Si jactas sapientiam, audi quid dicat Dominus per Isaianum : *Perdam sapientiam sapientium, et prudentiam prudentium reprobabo (Isa. xxix; I Cor. i).* Et alibi : *Sapientia hujus mundi, stultitia est apud Deum (I Cor. iii).* Considera quomodo scientia inflat, charitas ædificat (*I Cor. viii.*). Quomodo philosophi per ea quæ facta sunt, invisibilia Dei comprehendunt, sed quoniam in cogitationibus suis evanuerunt, traditi sunt in reprobum sensum (*Rom. i.*). Si genus jactas, memorare novissima cujusque generis, quomodo :

*Omne genus hominum simili consurgit ab ortu.*

Quoniam una omnium nascendi conditio, una moriendi conclusio; quoniam melior est nobilitas facta quam nata; quia illa generalior, haec generosior.

A regula mortis non excipitur purpura regis; quoniam mors æque pulsat culmina regum, et tuguria pauperum. Si divitias jactas, et voluptates terrenas, considera quod potius insidiæ sint quam amicitiae, ad quas potius debes esse suspensus et timidis, quam securus. Considera quod nudus egressus es de utero matris tuæ, et nudus illuc reverteris (*Job 1*). Disce domum matris paupertati aperire, voluptates sub jugo rationis tenere <sup>47</sup>, fructus terrenorum bonorum superficialis est, et rutilitas <sup>48</sup> levium metallorum in superficie eminent; illa opulentissima sunt, quorum in profundo latet

vena, assidue plenius responsura fodienti. Ad hos cœlestes thesauros animum dirige, ut ubi sit et thesaurus tuus, ibi sit et cor tuum : *Noli ergo thesaurizare in terrenis, ubi fures effodiunt et furantur, sed thesauriza in cœlis thesauros quos nec ærugo nec tinea demolit (Matth. vi).* Quia ut ait Seneca : « Hæc in quibus delectatur vulgus, tenuem habent et superflusoriam voluptatem; et quodcumque viuentium gaudium est, fundamento caret. » Disce ergo, et conculta illa quæ extrinsecus splendent, quæ tibi permittuntur ab alio vel ex alio. Ad verum bonum tende, et de tuo gaude.

Noli jactare insignem habitum; quæ enim gloria in velleribus ovium, et stercoribus vermium? Quæ utilitas, lutum corporis præparare, carnis sterquilinum deaurare? memorare igitur novissima tui, in libro scientiæ, ut te legas in libro experientiæ, ut te invenias in libro conscientiæ: ut te reprehendat liber scientiæ scriptus in codice, liber experientiæ scriptus in corde. In libro scientiæ legis : « Nosce te ipsum; » in libro experientiæ legis : « Caro pugnat adversus spiritum (*Gal. v*); » in libro conscientiæ legis :

*Assiduis circumvolat alis.*

*Sæva dies animi.*

O homo! vide te in triplici speculo, et disperabis tibi. Triplex est speculum in quo te debes videre. Speculum Scripturæ, speculum naturæ, speculum creaturæ. In speculo Scripturæ legis statum tuum, in speculo creaturæ videbis te miserum, in speculo tuæ naturæ considerabis te reum. In tua autem natura triplex resultat speculum, speculum rationis, sensualitatis et carnis. Ut dicit philosophus, quedam est species speculi, in qua sinistra videtur esse sinistra, et dextera videtur esse dextera. Dextera in hoc speculo est ratio <sup>49</sup> quæ dictat 58 dextera esse appetenda, id est cœlestia; sinistra esse fugienda, id est terrena. Aliud vero est speculum, in quo dexteræ partes videntur esse sinistræ, et sinistræ videntur esse dexteræ; hoc est, sensualitas quæ dictat terrena esse appetenda, et cœlestia esse postponenda.

Aliud est speculum, in quo facies videntur inversa, hoc est caro, quæ totam humanam naturam invertit. Vide ergo te in speculo rationis, ut ei obedias: vide te in speculo sensualitatis, ut eam rationi subjicias; vide te in speculo carnis, ut eam castigando dejicias, et ut possis carnalia dehincare, in triplici specula te constitue: primo in specula providentiae, ut caveas imminentia. Secundo in specula circumspectionis, ut opposita vitia caveas; medium teneas, et medio tutissimus ibis, nam et natura mediocritatis est amica. Tertio in specula cautelæ, ne vitiosa sub pallio virtutis se obumbret, saepè enim crudelitas mentitur justitiam, remissio misericordiam; et sic per triplicem speculam pervenies ad triplices

#### VARIÆ LECTIONES.

<sup>47</sup> Aliud exemplar hic interponit sequentia: In hujus rei possessione te esse volo, ut spiritualiter gaudias: nunquam istud deficiat gaudium   <sup>48</sup> Utilitas.   <sup>49</sup> In alio legitur sic: Hoc speculum est ratio, quæ dictat, etc.

specular, puræ conscientiæ, contemplationis divinæ A sepulcrum, acervus stercorum, origo luxuriae, mater nauseæ. O homo! pro gula conquereretur stomachus si loqui posset, dicens: O homo, quod necessitatis est, exigo, quod superfluitatis est respuo: noli dare quæ mihi sunt onera, sed quæ poscenti sunt alimenta; postulo quæ natura petit, quæ necessitas exigit, quod amplius est, a malo est. Quoniam

#### CAPUT IV. Contra gulam.

Si prædictor vult invitare auditores ad gulæ fugam, hac auctoritate potest uti: *Castigo corpus meum, et in servitatem redigo* (*I Cor. ix*). Item: *Sobrie et juste, et pie vivamus in hoc seculo* (*Tit. ii*). Corpus, inquam, castigandum est ut nobis serviat, indulgendum est ei, non serviendum; oportet enim multis servire qui corpori servit, qui pro illo nimium timet qui ad illud omnia refert. Illi vile, est honestum, cui corpus est nimis charum. Dominus dicit in Evangelio: *Videte ne graventur corda vestra in crapula et ebrietate, et curis hujus vitæ* (*Luc. xxi*). Paulus etiam ait: *Nolite inebriari vino, in quo est luxuria* (*Ephes. v*). Salomon etiam ait: *Luxuriosa res est vinum et tumultuosa ebrietas: quicunque in his delectatur, non est sapiens* (*Prov. xx*). Jesus filius Sirac: *Operarius ebriosus non locupletabitur. Vnum et mulieres apostatae faciunt sapientes, et arguunt sensatos* (*Eccli. xix*). *Sufficiens est homini sapienti et eruditio vnum exiguum, in dormiendo non laborabis ab illo, nec senties laborem. Vinum moderate potatum sanitas est corporis et animæ* (*Eccli. xxxi*). <sup>59</sup> Dicit Isidors: « Ubicunque saturitas et ebrietas fuerit, ibi libido dominatur. » <sup>60</sup> Sic ergo te debes gerere, o homo, ut non propter corpus vivere videaris, sed tanquam sine corpore vivere possis te ipso utere, et tui optima parte, carnem et flagis crede necessariam rem quam magnam; ex qua perfectorie nascuntur voluptates, breves, pœnitendæ, et (nisi temperentur) immoderatæ, et in contrarium abituræ. <sup>61</sup> Castiga ergo carnem, quæ similis est cani, servo, jumento.

Quanto autem magis indulgetur servo, tanto magis dissolvitur otio; quanto magis canis percutitur, tanto magis latratibus indulget: quanto magis nutritur jumentum, tanto magis recalcitrat in dominum. Quanto ergo studio fugienda est gula, quæ corporis domicilium, spiritus et animæ receptaculum reducit ad sterquilinium, et carnis nostræ massam reduceat in lutum: quæ animam, veram virtutem scholam, rationis regulam, templum Deitatis, fundamentum immortalitatis, inclinat in vitorum pompam, in criminum cœnam, in lutum peccati, theatrum immunditiae.

Hæc est gula, pro qua interes causis, laboras in castris, divitibus servis, eorum **59** supercilia patris, pallias adulacionem, demulces sermonem. Vitans ergo gulam, non carni servias; sed indulgeas; sustentes, non nutrias; regas, non erigas. O homo, scis tu quid sit gula? Certe gula est mentis

B sepulcrum, acervus stercorum, origo luxuriae, mater nauseæ. O homo! pro gula conquereretur stomachus si loqui posset, dicens: O homo, quod necessitatis est, exigo, quod superfluitatis est respuo: noli dare quæ mihi sunt onera, sed quæ poscenti sunt alimenta; postulo quæ natura petit, quæ necessitas exigit, quod amplius est, a malo est. Quoniam

*Satis est populo, fluviusque ceresque.*

O homo, quæ cura unde consificantur stercora, et unde augmententur sterquilinia? considera tui naturam, intuere stomachi mensuram. Scis unde proveniant corporis infirmitates, mentis alienationes? certo ex cibi impendio, ex potus diluvio, vel profluvio. Unde procedit febris, nisi ex gula: unde morbus caducus, nisi ex crapula: nonne ex ebrietate nascitur paralysis, et ex violentia hydropisis? Quid est ebrietas, nisi mentis alienatio, virtutum deprædatio, imago mortis, similitudo furoris? Per ebrietatem crescit insolenti superbia, crudelitas servo, malignitas invido. Ebrietas implicat verba, obliquat lumina, degradare facit errantem, stomachi tormenta efficit, viscera ipsa distendit, capitis operatur vertiginem; ipsam verecundiam inentis, et oris custodiam expellit, pudoris characterem ejicit, sigillum castitatis frangit. Hæc est ebrietas, per quam, quidquid mali latebat emergit, postquam nimia vini animum possederit; et sicut musio testante rumpitur dolium, et quod in vino est energet ad summum: sic inundante ebrietate, secretum quod in mente latet, ab imo cordis exit ad summitem oris; quia sicut a stomacho corporis usque ad os vinum exit, sic a stomacho mentis in verba prodit secretum, ut, sicut vinum non potest retinere ebrios, sic secrete non evomit exterius.

Hæc est una idolatriæ filia, cui deus venter est (*Phil. iii*), quæ latratiæ exhibet Baccho, unde et bacchilatria vocari potest, ficto vocabulo.

Ille enim satis idololatra est, qui ventrem Deo præponit, qui Bacchum magis quam Deum colit, qui in crapula sua putrescit, et tanquam jumentum in stercore suo sordescit.

O homo, considera divitem (*Luc. xvi*) qui quotidie epulabatur splendide; considera ex opposito Lazarum, qui jacet ante januam ejus ulceribus plenus! Dives gaudebat in convivio, consequenter sepultus est in inferno; epulabatur in vita splendide, post vitam sitiebat stillam aquæ: primo induitus fuit purpura, consequenter vallatus est gehennali flamma: Lazarus vero in vita mendicus, post vitam in sinu Abrahæ est collocatus; hic pauper, ibi dives, hic ulceribus plenus, ibi beata spes consolatus <sup>62</sup>.

#### VARIE LECTIONES.

<sup>59</sup> Aliud exemplar interponit sequentia: Isaías (cap. v): Væ qui potentes estis ad bibendum vinum, et viri fortes ad miscendam ebrietatem. <sup>60</sup> In omnibus te exhibe sobrium, ut te sobrietas exhibeat purum. <sup>61</sup> Sequitur: Quæ ex præcipiti ad dolorem vergunt, nisi modum teneant; difficile est autem eas aliter sub modo tenere. <sup>62</sup> In alio exemplari, hæc subjunguntur: Profecto, per sumnam miserian ad jilum deberemus aspirare cœlestem liquorem sapientiæ, qui haustus, dat inentis sobrietatem, non illum qui dat menti ebrietatem. Fugiendus est potus qui sapientiam aufert.

Considera, o homo, quomodo Adam per gulam perdidit paradisum; Elias per abstinentiam ascendit in cœlum; Noe per gulam denudavit semora; Moyses per abstinentiam meruit Dei colloquia; Loth per ebrietatem decidit in incestum; David per abstinentiam poenitentiae consecutus est remedium. O homo, consule naturam, illa tibi dicet quæ debeat esse lex vivendi. Lex naturæ est ut saniem sitimque deellas, ad hoc necesse non est ut transfretes maria, ut sequareis castra, parabile est et appositum quod desiderat natura. Assume ergo arma contra gulam, muni te contra crapulam. Assume medicamenta jejunii contra insultus tanti morbi, jejuna a cibo, ne caro lasciviat; jejuna a temporali voluptate, ne mens languescat: jejuna a peccato, ne animus torpeat. Hoc triplici jejunio castigare debemus jumentum nostrum, id est carnem nostram, ne erigit contra nos calcaneum: corrigendum est jumentum nostrum fusile, calcaribus, freno, aculeo.

**60** Si enim caro nostra vult deviare in illicita, freno discretionis est retardanda, jejunii quasi quibusdam calcaribus est corrígenda; vigiliis quasi quibusdam fustibus est castiganda; timoris aculeo est excitanda.

#### CAPUT V.

##### Contra luxuriam.

Si prædicator ad fugam luxuriæ auditores vult instruere, ab hac auctoritate potest initium sumere; fugite fornicationem. Dominus dicit in Evangelio: *Sint lumbi vestri præcincti, et lucernæ ardentes in manibus vestris* (Luc. xi). Paulus ait: *Fornicatores et adulteros judicabit Deus* (Hebr. xiii). Salomon: *Fovea profunda est meretrix, insidiatur in via quasi latro; quos incautos videt interficit* (Prov. xxiiii). Jesus filius Sirac: *Non des mulieri potestatem animæ tuæ, ne ingrediatur in virtute tua, et confundaris* (Eccli. ix). Hieronymus: « Væ illi, qui tunc habuit terminum luxuriæ, quando vitae. Difficile enim inter divitias servatur pudicitia: nitens cutis sordidum ostendit animum; et in sericis et in pannis libido dominatur. Qui luxuriatur, vivens mortuus est, et qui inebriatur, mortuus et sepultus. » Gregorius: « Dum satietate venter extenditur, aculeus libidinis excitatur. » Qui delectationem refrenat libidinosæ suggestionis, non transit ad consensum libidinis. Si plus oblectat delectatio fornicationis mentein quam amor castitatis, 'adhuc in homine regnat peccatum. Onnis immunda pollutio, fornicatio dicitur: melius est mori quam fornicari; melius est mori, quam libidine maculari. Libido hominem in infernum mergit. Gravius libido urit quem otiosum repererit; magis approxima igni ardenti quam mulieri juveni, cum et ipse sis juvenis. Cum materialia monstra fu-

A gienda sint et horrenda, multo magis spiritualia monstra fugienda sunt, et fuganda. Quod monstruosius est monstrum luxuria quæ in capite suo gerit faciem virginis et imaginem voluptatis, in medio capram foetosæ libidinis <sup>54</sup>, in fine lupam, deprædatione virtutis. Hæc est pestis illa, quæ familiarem habet cum gehenna similitudinem. In gehenna tria sunt, odor fetens, vermis conscientiæ urens, flamma perurens; sic luxuria fetet per infamiam, urit per conscientiam, perurit per concupiscentiam <sup>55</sup>. Hæc est pestis omni monstro damnosior, quæ bursam evacuat, corpus enervat, animum inebriat, statum mentis effeminat, animum commaculat, famam perdit, proximum offendit, Deum amittit. Hæc est pestis illa, in qua cito præterit quod delectat, permanet sine fine quod cruciat; cuius appetitus anxietatis est et vecordiæ, actus abominationis et ignominiae, exitus poenitundinis et verecundiæ. In peste ista, tria sunt exsecranda, ardor in accessione, labor in executione, fetor in expletione. Ecce quam vilia, plena stercoribus luxuriæ contubernia! saturies famelica, delectatio poenitentiae plena, delectatio momentanea, amaritudo æterna. Hæc est pestis quæ lucem odit, tenebras appetit, velamen querit, janitorem in porta ponit. Hæc est musca, quæ perdit suavitatem unguenti, musca ex sterquilino nascitur, et in immundis moratur; locus cui insidet inficitur. Hæc est luxuria, quæ est filia gulae <sup>56</sup>, fetor natus ex sterquilino carnis, odor genitus ex luto corporis. Hæc immundis pascitur, et carnalitate delectatur. Unguentum vero est castitas, in qua species quasi aromaticæ sunt, puritas mentis, munditia corporis, modestia in **61** gestu, pudicitia in habitu, abstinentia in cibo, verecundia in verbo. Illoc unguentum corruptit luxuria, quia mentem incestat, corpus commaculat, laxat gestum, effeminat habitum, ampliat cibum, dissolvit verbum; sique castitatem expugnat armis suis luxuria, quæ sunt: *Visus et alloquium, contactus et oscula, factum.* Cum primo luxuria hominem per visum ad concupiscendum allicit, castitatem impedit; secundo, castitati per alloquium contumelias ingerit; tertio, per osculum iu faciem pudicitiae conspuit; quarto, per tactum pudicitiam percutit; quinto, per factum interficit. More Parthorum ineunda est pugna contra luxuriam: ut sicuti Parthi fugiendo fugant, terga vertendo superant; sic fugiendo fuganda est luxuria, et recedendo cedenda. Hæc est illa pestis, que illa tria complectitur per quæ homo a domo ejicitur; scilicet, fumum, stillicidium et uxorem. Uxor est carnalitas, stillicidium luxuriæ fluxibilitas, fumus infamiae enormitas. Hæc tria ejiciunt animam a pace pectoris, a serenitate men-

#### VARIÆ LECTIÖNES.

<sup>54</sup> *In alio exemplari sic:* Imaginem voluptatis, in medio capram fetore libidinis. <sup>55</sup> *Additur:* O miserabilis ignis luxuriæ! ubi gula materia, flamma concupiscentia, fumus infamia, cinis inundatio. O horrenda pestis luxuriæ, quæ in sinu hominis dormiens, adulando illum decipit, et in lapidem verit.

<sup>56</sup> *Additur in alio:* Proles culæ.

tis, a tranquillitate cordis. O homo! lege in exemplis, quid conferat luxuriae vitium, ut aliorum actio tua sit lectio. David per luxuriam decidit in homicidium; Ammon per incestum sensit Absalonis gladium; Daniel per castitatem meruit intelligentiam somniorum, Joseph per castitatem Ægypti primatum, Jesabel per meretricium sensit mortis ruinam: beata Virgo per virginitatem Dei meruit genitaram. Vis vitare luxuriam? cave gulam, quæ est ad luxuriam fomentum, prologus ad incestum, pons ad impudicitiam, præfatio ad incontinentiam.

O homo, hæc est luxuria per quam imaginatio torpet, sensus hebetatur, intellectus tenebratur: imo, ut plus loquar, hominem in pecudem mutat; imo, homo per eam infra pecudem degenerat, cum pecus servet concupiscendi tempora, tu concupiscis omni hora; pecus servat naturam, tu debaccharis in eam; pecus servat unitatem paris, tu ad plures discurris.

#### CAPUT VI.

##### *Contra avaritiam.*

Si ad fugam avaritiae et cupiditatis prædicator voluerit auditorum animos inclinare, sumat initium sermonis ab illa auctoritate quæ dicit « avaritiam esse idolorum servitutem (*Gal. v.*); » vel ab illa, quæ dicit « tria esse insatiabilia, quartum vero quod nunquam dicit: Sufficit (*Prov. xxx.*), quia :

*Quo plus sunt potæ, plus sitiuntur aquæ.*  
O pestis, qua nihil instructius ad facinus, cum habendi sitis incanduit! quia :

*Quid non mortalia pectora cogis,  
Auri sacra fumes?*

(*Vinc. Æn. iii, 56.*)

Cum cætera certis terminis claudantur, avaritia nullo termino concluditur. Terra suis limitibus terminatur, aqua suis finibus limitatur, aer suo sine concluditur; cœlum suis terminis arctatur; sola avaritia mensura non sistitur<sup>77</sup>. O homo! pro avaritia multa contra te argantur, multa de te conqueruntur, fortuna, natura, caro propria, charitas, proximus, mundus et Deus. Audi quid contra te dicat fortuna: O homo, cur meam familiaritatem quæris? cur meam benevolentiam appetis? si tibi do divitias, ad hoc do ut auferam, ad hoc largior ut eripiam; ad hoc blandior ut gravius torqueam; ad hoc serena flo, ut terribilis fulminem.<sup>78</sup> Tu qui in tuto es, cur mecum quæris turbidum? Qui in plano es, cur aspiras ad meum præcipitium? Qui in portu es, cur ad meum anhelias naufragium?

Audi quid contra te dicat natura! O homo, sine honoribus te genui, sine honoribus redeas; sine divitiis te **62** peperi, sine divitiis ad me ve-

B nias; sine mundana gloria intrasti, sine illa exes. O homo, quæris facere tua quæ sunt aliena? certe a te aliena sunt, quæ tecum nata non sunt; tua esse nequeunt, tecum diu vel semper esse non possunt<sup>79</sup>. Considera illud philosophi: « Honestæ res est, læta paupertas. » Illa vero non est paupertas si læta est. Cui cum paupertate bene convenit, dives est; non qui parum habet, sed qui plus cupit, pauper est. Si ad naturam vivas, nunquam pauper eris; si ad opinionem, nunquam dives. Exiguum natura desiderat, opinio imminens. Naturalia desideria sunt finita, ex falsa opinione nascientia, ubi desinant non habent.

Nullus enim terminus falsæ opinionis est. Re trahē ergo te a vanis, et cum voles scire utrum habeant naturalem cupiditatem an cæcān, considera si possunt alicubi consistere; si longe progresso, semper aliquid longius restat, innaturale est. O quantum appetenda est honesta paupertas! Multis ad bene agendum obstiterunt divitiae! paupertas expedita est, secura est. Si vis servire Deo, aut pauper sis oportet, aut pauperi similis. Audi, homo, quid contra te dicat caro propria! O homo, quid contra me conquereris, quid contra me querimoniā deponis? me vocas peccati somitem, tyrannum in membris sævientem, languorem naturæ, stimulum Satanæ? Cur mihi imputas quod avaritia affligeris, cupiditate laxaris? plures possem querelas contra te deponere, plures rationes afferre, C cum sine somite jaceo, sine incentivo langueo; tu ad cupiditatem irritas, tu ad avaritiam excitas, tu mihi das arma quibus contra te pugnam, tu das instrumenta quibus decertem; tu incitas ut feriam, tu invitas ut sæviam.

Audi quid dicat contra te charitas! O homo, cur ditas te his quibus indiget proximus? Cur tibi approprias quæ communicanda sunt pauperibus? cur cibas his tineas et vermes, quibus cibandi sunt pauperes? Vis esse mercator optimus, fœnerator egregius et prudens mercenarius? Da quæ non potes retinere, ut consequaris ea quæ non potes amittere, da modicum ut consequaris centuplum; da alienam possessionem, ut consequaris æternam hæreditatem.

D Audi quid contra te dicat proximus: O homo, cur mibi injuriaris, cur mihi pro meis mortem moliris? cur imponis falsa, et commentaris crimina, ut meam evacues bursam, ut emungas pecuniam? Si injuriaris mihi, vindicta de te sumetur in instanti; si me deprædaveris pecunia, prius te deprædaberis in anima; si me vulneraberis in mente, prius vulneraberis in mente.

Audi quid contra te dicant elementa, et maxime

#### VARLÆ LECTIONES.

<sup>77</sup> In alio exemplari sequebantur hæc: O pestis crudelior dæmone! Dæmon voluit esse tanquam Deus, illa vult esse plus quam Deus: hæc est avaritia, pro qua, o homo, te perdis, ad mendacium curris, sacerda rumpis, amicum fallis, mutas regna, pateris naufragia! <sup>78</sup> Additur: Ad hoc illumino, ut profundius obtenebrem. <sup>79</sup> Omissa sunt in nostro exemplari: Quid enim illi resert, quantum sibi in arca,

tellus, mater tua : Cur injuriaris matri tua, cur infers violentiam mihi, quæ de visceribus meis te produxi? Cur me vexas aratro, ut scenus reddam centuplum, cur vexas matrem ut evomam aurum? non sufficient ea quæ tibi largior spontanea voluntate, nisi extorqueas violentia? veniet tempus quando proprios reverteris in ortus, quando te recipiam et in visceribus claudam; quando te exposnam vermibus, qui me exposuisti verberibus.

Audi quid contra te dicat mare: O homo, cur me sulcas navibus, remis verberas, scrutaris viscera retibus? Non mirum si te mergam, si naufragium inferam, si impugnem procellis et verberibus variis.

Audi quid contra te dicat Deus? Quid est, o homo, quod Creatorem **63** tuum postponis creaturæ? præfers ei nummum, creataram Deo, terram cœlo, cœlesti caducum, æterno transitorium? considera quod de luto te produxi, ad imaginem meam te formavi; considera quod manus meæ te fecerunt, totum in circuitu te plasmaverunt<sup>64</sup>. Gratus eses pro pecunia homini, ingratus es mihi pro vita? Si non sis gratus pro datis, saltem esto gratius pro dandis, ut, si te non moveat quod dedi, saltem moveat quod promitto; et si te non moveat spes vitæ æternæ, moveat te timor gehennæ.

His monitus homo, avaritiam devitet, divitiis animum non apponat,<sup>65</sup> quia dicit auctoritas: Quam difficile est camelō per foramen acus transire, tam difficile est confidentes in pecuniis, regnum Dei introire (*Matth. xix.*). Paulus etiam ait: *Radix omnium malorum cupiditas. Quam quidam appetentes erraverunt, et inseruerunt se doloribus multis* (*I Tim. vi.*). Nihil prodest ei cupiditas, cui inest cupiditas. Omni peccato pejor est avaritia, et pecuniarum amor. Hinc Dominus in Evangelio: *Cavete ab omni avaritia* (*Luc. xii.*). Et Paulus: *Omnis fornicator aut immundus, aut avarus, non habet hæreditatem in regno Dei* (*Ephes. v.*). Item Salomon: *Avarus non impletur pecunia* (*Eccle. v.*). Et: *Qui amat divitiias, non capiet fructus ex eis* (*ibid.*). Item Cyprianus ait: « Avarus vir similis est inferno. » Quidam etiam dixit: « Avaro tam deest quod habet quam quod non habet. » Multa, fratres, relinquitis, si desideriis renuntiaveritis, cor namque Deus postulat, et non sudaria pensat.

## CAPUT VII.

### *Contra acediam.*

Si prædicator vult hominem contra acediam minuire, bis utatur auctoritatibus. *Piger lapidabitur stercoribus bovis* (*Eccli. xxii.*). Item: *Surge qui dormis, et illuminabit te Christus* (*Ephes. v.*). Item:

« Vos qui jactetis in sepulcris, surgite et occurrite ad judicium Salvatoris. » Seneca etiam ait: « Maxima jactura est, quæ per negligentiam sit. » Ab his, sic procedat prædicator: Fratres charissimi, ecce qualiter contra acediam sive pigritiam nos munit Scriptura; hæc est acedia quæ Christiani manum ab aratro retrahit, quæ cum uxore Loth in Sodomam respicit, quæ cum Loth timet montem ascendere, quæ cum Ruth non vult in terram Bethleem redire. Hæc est acedia quæ facit in monacho votum tepescere, per quam claustralitatis ordinis rigorem fastidit; quæ delicatioribus vult uti cibariis, mollioribus accumbere stratis; paucioribus interesse vigiliis, pauciori vel nullo uti silentio. Hæc est acedia, quæ timet aggredi magna, fastidit incepta, cui quodlibet onerosum, quodlibet difficile, nihil leve. Hæc est quæ clericum arcet a studio, claustralem excludit a claustro, vitia nutrit, virtutes secludit. Hæc enim parit luxuriam, nutrit gulam, detractiones seminat, jurgia procreat. Unde poeta:

*Quæritur Ægisthus quare sit factus adulter?*

*In promptu causa est: desidiosus erat.*

(OVID. i *De remedio amoris.*)

Tali pigro dicitur: *Surge qui dormis.* Dormit, inquam, piger clausis oculis mentis, qui nec ad bona intuitum dirigit, nec ad videndum necessaria oculum mentis aperit. Sed dum se in terrena appetendo incurvat, in somno mentis positus, quasi phantasmata somniat. Sunt autem tres species somni. Primum et præcipuum est contemplationis, per quod rapitur homo ad videndum cœlestia. Secundum est, imaginationis, per quod imaginatur visibilia. Tertium autem est, pigritiæ, per quod somniat stulta. De primo dicitur: *Immisit Dominus soporem in Adam* (*Gen. ii*). De secundo dicitur: *Quod in somniis dedit Deus sapientiam Salomonis* (*III Reg. iii*). De tertio dicitur contra pigrum: *Exsurge qui dormis*, etc. (*Ephes. v.*) Per primum somnum fit homo **64** deus, per secundum fit homo spiritus, per tertium fit pecus. In primo apparet Deus, in secundo spiritus, in tertio diabolus: hoc somno torpebat Isbosheth in meridi (*II Reg. iv*), quando dormiente ostiaria, latronum principes ingressi illum dormientem capite minuerunt. Isbosheth dormiens est anima somno desidiose soporata; ad hanc ut eam interficiant, ingreduntur latronum principes, id est dæmones, quia dum rationis circumspectio minus provide mentis januam servat, diabolus callide ad interficiendam animam per hoc ostium intrat. Hic autem somnus torporis introducitur, susurrio, vel levi aura, umbra, vel fatiga-

## VARIÆ LECTIONES.

quantum in horreis jaceat, quantum pascat aut sceneret, si alieno inhiet, si non acquisita, sed querenda computet? Quis sit divitiarum modus queris? primus habet quod necesse est; secundus, quod sat est. Considera quod ista bona fortunæ minima sunt, insidiæ sunt. Quisquis tutam vitam agere volet illa viscata beneficia devitet. Ille solus beatus est, qui se fruitur, et qui ex alieno non pendet. <sup>66</sup> Sequitur: Attende quod pelle et carnibus vestivi te, ossibus et nervis compagi te. Quid est quod me contennis, et laute ingratitudinis redargueris? <sup>67</sup> Cupiditatem fugiat, ambitum deponat.

tione nimia. Sicut enim levi susurrio fontis vel auræ lenis, vel dulcedine carminis materialis somnus, introducitur : sic instinctu prosperitatis quasi flatu auræ lenis, vel susurrio carnalis delectationis, inducitur mens in somnum torporis. Umbra etiam ignorantiae hunc somnum parit ; honesti etiam laboris desfatigatio hunc somnum gignit. Ad quem dormientem clamat Scriptura : *Surge, qui dormis* (*Ephes.* v). Surge, inquam, per rationis circumspectionem, surge per mali aspernationem, surge per boni operationem ; et illuminabit te Christus (*ibid.*). Quia nox abiit, dies autem appropinquat. <sup>11</sup> Vos ergo qui jacetis in sepulcris negligenter, dealbatis exterius, quo ad exteriorem justitiae superficiem, sed interius fœ idi per mentis torporem, et in vermes resoluti per pravarum cogitationum multitudinem ; surgite a terra in cœlum, ab otio ad exercitium, a perniciose torpore ad virtutis negotium, et occurrite ad judicium Salvatoris <sup>12</sup>. Audite quid Scriptura dicat : *Piger lapidabitur stercoribus bovis* (*Eccli.* xxii). Bos est ille qui laborat in area Domini, qui sacram Scripturam spirituali sensu quasi dentibus atterit, spiritualeunque intelligentiam a sacra Scriptura elicit, eamque in mentis delectationem quasi in stomachum trajicit. Ab hoc spirituali cibo quasi stercus ejicitur litteralis superficies, quæ aliquando hæresim sapit, quæ illum qui ad intelligendum Scripturas pigrescit, per torporem interficit. O homo, quid est quod cæteræ creaturæ deputatis sibi officiis indulgent, sol annum cursum perficit, luna menstruis vicissitudinibus discurrit, et cæteræ stellæ officia sibi deputata exercent, bruta animalia ad suæ naturæ exercitia non torrent, tu solus, desidia soporatus, a tuo officio devias, imaginem Dei in te deformatas, vivens morieris et moriens vivis ? Saltem te ad erubesceniam moveat minimi et dejecti animalis industria, id est formicæ cautela, quæ in æstate magna sollicitudine grana colligit quibus vivat cum hiemis austeritas ingruerit. Sic in præsenti vita, fructus bonorum operum deberes acquirere, ut adveniente die hiemali, id est in die judicii habeas fructum bonorum operum, qui te reliquant in æternum.

Vide ergo quam perniciosa sit seguities ! Quandiu David se exercuit in militia, ei non insultavit luxuria, sed postquam desedit in palatio, laboravit adulterio. Samson quandiu pugnam habuit cum Philistæis, tandem non est captus ab hostibus, sed dormiens in sinu Dalilæ, excæcatur ab hoste. Salomon

A laborans in structura templi, non sensit luxuriæ jacturam, sed seriatu a labore, expertus est insultus lasciviae. Hæc est ignavia quæ hominem offert diabolo inermem, nudum exponit suggestioni, debilem tentationi. Hæc privat hominem spiritualibus bonis <sup>13</sup> virtutum vestimentis. Hæc diabolum vocat ad pugnam, carnem ad lasciviam, os ad gulam, mentem ad negligentiam. Sis ergo honesto **65** occupatus negotio, ut quod perdidisti per præteritum redimas per futurum. Omnem horam completere, omne momentum tuæ utilitati facias deseruire, ut saltem Deo offeras senectutis fæcem, qui diabolo obtulisti juventutis florem ; ut saltem in senectute fias miles Christi, qui in juventute fuisti servus dialboli.

B

## CAPUT VIII.

*Contra invidiam.*

Contra invidiam, his auctoritatibus potest prædicator munire auditores; Dominus ait in Evangelio : *Nolite invidere invicem.* Item Petrus ait : *Deponentes omnem malitiam, et omnem dolum, et simulationes, et detractiones, et omnem invidiam* (*I Petr.* ii) <sup>14</sup>. Salomon ait : *Vita carnium, sanitas cordis; putredo ossium invidia* (*Prov.* xiv). Item Augustinus ait <sup>15</sup> : « Invidia omnes virtutes concremat. Invidus certe est, qui alienum bonum suum facit, invidendo, supplicium. » De eadem ait Isidorus : « Unde bonus proficit, inde malus vel invidus contabescit. » De eadem alia auctoritas : « Invidia diaboli mors intravit in orbem terrarum (*Sap.* ii). »

Item poeta :

*Ritus abest, nisi quem visi fecere dolores.*

Item :

*Invidia Siculi non invenere tyranni Majus tormentum.*(HORAT. *Ep.* I, ii, 5-8.)

Juxta has auctoritates, sic procedat prædicator : Audistis, fratres charissimi, qualiter sacra Scriptura invidiæ pestem persecutur, qualiter malum livoris exsecratur. Unde maxime vitanda est pestis invidiæ, quæ primo se vexat et suum possessorem infestat, primo sibi nocet quam alium vulneret, et in se sua vulnera revertuntur. Hæc est quæ in alterius prosperis dolet, et in alterius lætis luget, in alterius adversitate lætatur. O vitium, omni vitio despiciens, omni peste dejeclius ! quod virtus molestat, infestat felicitas, beatitudo vexat, lætitia cruciat ! Cum cætera vitia quamdam habeant perfunctoriam delectationem, lætitiae umbram, felicitatiæ

D

## VARIÆ LECTIONES.

<sup>11</sup> *In alio exemplari sic* : Ille ergo qui dormit accidæ somno clamet ad Dominum : *Custos quid de nocte, custos quid de nocte?* O Deus, qui es verus Samaritanus, verus animæ et corporis custos, quid me non eripis de morte ignaviae, de tenebris accidæ ? Si hoc clamaverit homo tota mentis intentione, audiet Dominum dicentem : *Venit mane, et nox recedit, quasi dicat* : cum ad me vigilare et torpore excutere contendas, ecce tibi offero mane æternæ illuminationis, auroram gratiarum coelestis ; et sic recedat nox negligentiæ, si tamen in vigiliis niteris perseverare. <sup>12</sup> *In alio hæc* : Ut ille qui vos judicat judicio discretionis, nis, operantes inveniat, et sic in futuro, a vobis judicium damnationis excludat. <sup>13</sup> *Pro bonis habetur armis.* <sup>14</sup> *Cap. 8. In alio exemplari hic interseritur.* Paulus etiam ait : *Charitas non æmulatur.* (*I Cor.* xiii). <sup>15</sup> *S Prosper lib. iii, De vita contemp., cap. 5.*

tis imaginem, pestis ista est tormentum sine refri-  
gerio, morbus sine remedio, labor sine respiratio-  
ne, pœna sine interpolatione. Hoc est peccatum  
quod se ipsum punit, se impunitum non relinquit;  
simul maculat et cruciat, simul punit et vitiat; hic  
est vermis qui ex manna nascitur; hic est vermis  
quo Jonæ (cap. iv) hedera desiccatur; hic est igni-  
tus serpens quo filii Israel punguntur; hic est bru-  
chus quo fructus terræ depascuntur.

Legimus filiis Israel cœlitus in manna datum (*Exod. xvi*), ex quo servato scaterebat pluralitas vermium: sic ex cœlesti gratia collata fidelis, occasionaliter in animo superbi nascitur invidia; et quanto magis fidelis in manna cœlestis gratiae solidatur, tanto magis superbi mens in invidiæ vermem resolvitur. Legimus vermem ex hedera natum, cuius umbra Jonas (cap. iv) a caloris insultu defendebatur, hedera funditus corroßisse; sic invidia quasi vermis ex nitore virtutis nata, puritatem conscientiæ qua se homo contra æstus vitiorum debet defendere, funditus corredit; et caput Jonæ, id est mem-  
tem hominis æstibus vitiorum exponit. Filios Is-  
rael in deserto peregrinantes legimus serpentes igneos pupugisse (*Num. xxi*); sic claustrales in hujus mundi deserto exsulantes, qui debent esse  
veri filii Israel, frequenter invidia laborant, vermis enim iste habitat in cinere et cilicio, et in pulvere latitans, pungit usque ad mortem. Hæc est tinea quæ purpuramenta virtutum demolitur. Hæc est ærugo quæ thesaurum sapientiæ deprædatur. Bru-  
chus iste terræ virentia consumit, quia si quid boni operis viret in homine, perdit.

Hæc est pestis, quæ angelum ejecit de coelo, hominem proscriptis a paradiſo. **66** Hæc filios Israel in deserto percussit; hæc contra Joseph fratres armavit; hæc Danielem in lacum leonum detrusit; hæc tandem Caput nostrum patibulo crucis affixit. O homo, quod tibi emolumen-  
tum si invides, quod lucrum si leves? Tu laqueum aperis, et illum effodi-  
s, et ipsem in soveam cadis quam facis? dum alios labores tenere, ipse teneris; dum alios de-  
raudare, deciperis. O homo, naturam impugnas,  
charitatem debellas, te ipsum molestas, erras in proximum, offendis Deum. Cum deberes alterius gaudia tua facere congaudo, alterius dolorem tuum facere condolendo, cum in alterius miseriam tuam deberes miseriam legere, in te ipso statum proximi cognoscere. Quo tendit livor! quo prosilit zelus! quo fertur invidia! Quæ rumpit vinculum amicitiæ, charitatis glutinum, fœdus amoris, legem naturalis justitiæ.

## CAPUT IX.

## Contra iram.

Si prædicator vult hominem armare contra iram, his utatur auctoritatibus: *Omnis qui irascitur fratri suo, reus erit iudicio* (*Matth. v*). Et Paulus ait: *Sol non occidat super iracundiam vestram* (*Ephes.*

## VARIAE LECTIÖNES.

<sup>“</sup> In alio exemplari habentur sic sequentia: Quia si perseveraverit ira, cadet super eam Sol justitia, Digitized by Google

A iv). Et Jacobus: *Ira viri justitiam non operatur* (*Jac. 1*). Et Salomon: *Fatui statim indicant iram suam; qui autem dissimulat iram suum, callidus est* (*Prov. xii*). *Vir iracundus provocat rixas, qui patiens est, mitigat suscitatas* (*Prov. xv*). *Ira in sinu stulti quiescit* (*Eccle. vii*). Gregorius: « *Spiritu ad irascendum facilem quis poterit sustinere?* » Et in Psalmo: *Irascimiri et nolite veccare* (*Psal. iv*); poeta etiam ait:

*Ira brevis furor est, animum rege, qui nisi paret, Imperat; hunc frenis, hunc tu compesce catenis.*

Et Claudianus:

*Si metu, si prava cupis, si duceris ira, Servitii patiere jugum.*

B Ecce auctoritates, quibus quasi spiritualibus armis contra iram se munire debet catholicus. Vide, homo, quam pravæ sobolis secunda sit ira. Ab ira procedit odii rancor. Quid enim est odium, nisi ira inveterata? Ex ea nascitur homicidium, contumelia, detractio, injuria. O homo, si irasperis, si proximum odis, tibi ipsi contradicis, qui in oratione camas ad Dominum: *Dimitte nobis debita nostra, sicut et nos dimittimus debitoribus nostris* (*Matth. vi*). Quia fronte debita dimitti possis, qui proximo rancorem animi non dimittis?

C Tres autem sunt species iræ; quædam in animo nascitur, sed usque ad exteriorem iram non perducitur; haec est de qua dicitur: *Qui irascitur fratri suo, reus est iudicio* (*Matth. v*). Quia qui interius iram retinens concipit, æternæ damnationis iudicium non evadet. Hæc ira significatur per filiam archisynagogi defunctam in thalamo. Est alia ira quæ procedit usque ad generales contumelias, quæ gravior est, et geheunæ vicinior, de qua dicitur: *Qui dixerit fratri suo, racha, id est generales contumelias ei ingesserit, reus erit concilio* (*ibid.*), id est graviori iudicio reus erit. Hæc autem significatur per filium viduæ (*Luc. vii*). Quia cum quis extra mentem ad actum ira provocatur, anima extra septa mentis usque ad exercitium pravæ operacionis mortua desertur. Quando vero usque ad speciales nequitias contumelia prorumpit, gravius furt. De qua dicitur: *Qui dixerit fratri suo, Fatue, reus erit gehennæ ignis* (*Matth. v*).

D Quia, quanto graviores sunt contumelias, tanto ille qui contumelias ingerit, cum infamia fetore corruptit. Si ira in animo oritur, in instanti refrenetur, quia allidendi sunt parvuli ad petram antequam crescant; vulpeculae capiendæ, antequam vineam corrodant; et mōne primogenita interficienda; et Chananaeus de terra promissionis ejicienda; et sic non occidat sol suver iracundiam vestram (*Ephes. iv*).

Quia sic est irascendum primis motibus, ut per consensum non peccemus. Humanum est enim in ira surgere, sed diabolicum est perseverare. Non pudet irasci, sed non incidere **67** culpam <sup>“</sup>. O

*homo, audi quid dieat doctrina cœlestis Magistri : Si offers munus tuum ad altare, et ibi recordatus fueris quod frater tuus habet aliquid adversum te, relinque ibi munus tuum, etc.* (Matth. v). Ibi habes, quia si velis materiale munus tuum offerre ad altare, quod prius te debeas reconciliare fratri tuo, si rancorem teneas in animo; quia nihil prodest exterioris muneris oblatio, nisi interius mentis tranquillitas offeratur Deo. Similiter, in altari fidei vis offerre hostiam bonæ operationis, prius exclude ab animo nubila rancoris. Quia si peccaverit in te frater tuus, non solum debes ei dimittere septies, sed septuagies septies (Matth. xviii). Caput nostrum Jesus Christus in passionis articulo, pro suis oravit persecutoribus, et primicerius martyrum Stephanus pro suis intercessit lapidatoribus (Act. vii); et si hujus perfectionis non sumus ut bonum pro malo solvamus, saltem pro malo minime mali talionem reddamus.

Illud frequenter ad memoriam debemus reducere, quod nobis insinuat doctrina evangelica parabolæ, ubi legitur de illo, cui dominus dimisit debitum, nec ille suo debitori voluit dimittere suum, et ideo detrusus est in carcerem, et coactus reddere usque ad novissimum quadrantem (Matth. xviii). Similiter qui proximo non remiserit injurias, ab eo summus exactor de singulis culpis exiget pœnas.<sup>67</sup> Cum rancorem in animo detines, inimico non noces, sed te in anima perdis, et te in animo per rancorem punis, dum alii cupis adversari. Quæ est ista malitia? quæ vindicta? ubi dum vis tenere hostem, teneris? dum vis percutere inimicum, te permis? Illud præceptum diligenter attende, cautius intellige : *Diligite inimicos vestros, et benefacite his qui oderunt vos* (Matth. v).

#### CAPUT X.

##### *Contra superbiam.*

Si ad fugam superbiae prædicator auditores intendit excitare, his utatur auctoritatibus : *Omnis qui se exaltat, humiliabitur* (Luc. xiv). Item : *Quod hominibus altum est, abominatio est apud Deum* (Luc. xvi). Item Paulus : *Noli altum sapere, sed time* (Rom. ii). Item Jesus, filius Sirach : *Initium omnis peccati superbia* (Eccli. x). Item : *Deposuit potentes de sede, et exaltavit humiles* (Luc. i). Item Petrus : *Deus superbis resistit, humiliibus autem dat gratiam* (I Petr. v; Jacob. iv). O homo, considera quid superbia auferat, quid humilitas alumna virtutum conserat. Superbia ex angelis dæmones fecit;

A humilitas autem homines sanctis angelis similes facit. Superbia cœlestis est natione, et tamen latitat in cinere et cilicio. Caveat claustralne ne dicat cum Pharisæo : *Non sum sicut cæteri hominum* (Luc. xviii). Sed potius clamet : *Ego sum vermis et non homo, opprobrium hominum, et abjectio plebis* (Psal. xxi). Si litteratus est, non intonet cum Pharisæo : *Labia nostra a nobis sunt, quis noster dominus est* (Psal. xi)? sed potius clamet cum publicano : *Deus, esto propitius mihi peccatori* (Luc. xviii). O homo, tuum est ponere locum in imo, periculosum est stare in præcipitio, ad 68 humilem dicit Dominus : *Ego sum ros, et germinabit Israel sicut lilyum* (Osee xiv). Lilyum melius crescit in valle quam in monte; quia ibi magis secundatur irriguo, diutius retinet viredinem, diuturniorem conservat candorem. Unde dicitur : *Lilyum convallium* (Cant. ii). Sic ille qui est verus Israel, vere Dominum videns, in valle humilitatis plantatus, majore irriguo gratiæ cœlestis secundatur, melius spiritualiter germinat.

Magis retinet charitatis nitorem, et innocentiae candorem.<sup>68</sup> Tanto ergo quisque esse humilior debet ex munere, quanto obligatiorem se conspicit in reddenda ratione. Quævis enim opera merito privantur, nisi humilitatis dulcedine condiantur. Nam<sup>69</sup> qui sine humilitate virtutes congregat, quasi in ventum pulverem portat. Hæc est humilitas quæ clamat : *Qui major est fiat sicut minister* (Luc. xxii). Et alibi : *Quanto major es, humiliante in omnibus* (Eccli. iii). Hæc est quæ Filium Dei de sinu Patris descendere fecit in uterum Virginis; hæc est quæ cum involvit vilibus pannis, ut nos indueret virtutum ornamenti; hæc est quæ eam circumcidit in carne, ut nos circumcidere in mente; hæc est quæ eum permisit corporaliter flagellari, ut nos liberaret a flagello peccati; hæc est quæ regem nostrum coronavit spinis, ut nos servos coronaret æternæ beatitudinis rosis.

O quam humilitati dissimilis est superbia! quæ Luciferum de cœlo ejecit, Adam paradiso privavit, Nabuchodonosorem in bestiam transformavit. Hæc est superbia, quæ dum supra se insolenter se erigit, infra se ruinose descendit. Hæc est quæ dum se extra se querit, se intra se non invenit. Hæc est quæ hominem in generalitate facit specialem, et in universitate facit singularem, in publico solitarium, et in conventu privatum. Hæc prima fuit quæ hominem dejecit, et ultima est quæ ei ad Dominum redeundi se objicit.

#### VARIÆ LECTIONES.

Christus, qui operatur in nobis mane, quando nobis gratia infunditur, tunc enim aurora gratiæ in nobis surgit, dum in nobis per justificationis lucem diescit; tunc vero ad meridiem sol tendit, cum major in mente charitas incandescit; tunc vero tendit ad vesperam, quando charitas sentit corporis nubeculam; sed quando iræ nubeculae surgunt, tunc radii cœlestis solis humanæ menti se subtrahunt. O homo, iram fuge, quæ est hostis sapientiæ, degenerat a ratione; excedit mensuram justitiæ, amicitiam et concordiam rumpit, auferit pacem pectoris, Sabbathum æternitatis.<sup>70</sup> Nec tamen per negligientiam, ut dicit philosophus, sunt remittendæ injuriæ, sed potius per sapientiam. O quanta labes fraternali odii, per quod peccata redunt, vitium pullulat, homo morbi patitur recidivum! O homo, cogita ne facias alii quod tibi nolles fieri (Tob. iv).<sup>71</sup> S. Greg. in Matth. xxv. S. Greg. super Psal. iii, penit.

*Cum bene pugnabis, cum cuncta subacta putabis.  
Quæ mala tunc præstat, vincenda superbia restat.*

Hæc est quæ effeminat habitum, extra regulam ponit gestum, per quam verba inundant, minæ fulminant, arrogatur quod deest, absentatur quod instat. Hæc philosophos tradidit in reprobum sensum, excœavit Judæum, perimit obstinatum, dejicit exaltatum.

<sup>10</sup> Hæc designatur per aquilonem, dum dicitur : *Surge, aquilo, et veni, auster* (*Cant. iv*). Aquilo iniamicatur floribus, grama deprædatur, aquas gelicidio ligat; sic superbia novocatur bonis, fructum operis perdit, mentem ligat gelicidio perversitatis, de qua dicitur : *Omne malum panditur ab aquilone* (*Jerem. i*); quia superbia mater est omnis nequitiae. De hac etiam dicitur : *Quid tu vides, Jheremia? Ollam succensam ab aquilone ego video* (*ibid.*). Hæc olla est servorum superbiæ, in qua decoquuntur filii tenebrarum, sectatores honorum, venatores divitiarum, qui appetunt primas cathedras, qui volunt in foro salutari, et vocari ab hominibus rabbi. Hanc ollam succedit Nabuchodonosor, id est diabolus, huic flamnam præstat superbiæ fastus, in hac decoquitur superbus, decetum comedit Ægyptus, id est immundus spiritus trahit in corpus suum, consequenter egerit in infernum. Superbia ventus est, qui projicit pulverem a facie terræ; quia superbium ejicit a stabilitate vitæ æternæ. Hic est tumor, qui infusa medicamina depellit, quia superbia oblatam gratiam non recipit. Quatuor autem sunt species superbiæ, quæ quasi quatuor venti totum mundum perflant, quia mundanos tumoribus inflant. Arrogantia scilicet, quæ sibi ascribit quod non hahet : insolentia, quæ sibi appropriat quod aliis debet; fastus, qui multa credit de se ultra verum; contumacia, quæ se erigit in prælatum. Ili sunt quatuor fabri qui totum orbem concutunt **69** et varia phantasmata hominibus offerunt.

## CAPUT XI.

### *De contemptu mundani timoris.*

Volens prædicator invitare auditores ad contemptum mundani timoris, et ad appetitum timoris superni, his utatur auctoritatibus : *Nolite timere eos qui occidunt corpus, animam autem non possunt occidere, sed eum timete, qui potest et animam et corpus perdere in gehennam* (*Matth. x*). In libro Sapientiæ legitur : *Deum time, et mandata ejus observa* (*Eccle. xii*). Item alibi : *Beatus est qui semper est pavidus* (*Prov. xxviii*). Et iterum : *Initium sapientiae timor Domini. Timentibus Deum bene erit in extremis, et in die desensionis ejus benedicuntur* (*Eccli. i*).

## VARIAE LECTIONES.

<sup>10</sup> In alio exemplari interjecta hic erant : Hæc prælatos percutit, divites in tumorem erigit, religiosos decipit. Hæc hominem excœbat ne se cognoscere valeat, et quasi quodam præstigio fallit, ut nec de se credat quod est, et de se opinetur quod non est. <sup>71</sup> Additur in alio : Et indura. <sup>72</sup> Additur : Ut dicere possis, Mandata tua meditatio mea est. Observa ore ut clames ad Dominum, Doccebo iniquos vias tuas : observa opere ut dicas, Mandata tua exquisivi nimis. <sup>73</sup> Quaris, o homo, quid altissimum vitæ spatium exigat? usque ad sapientiam timere : qui ad finem illum pervenit, attigit finem non longissimum, sed maximum.

**A** Qui timent Dominum, custodiunt mandata ejus, et patientiam habebunt usque ad inspectionem illius (*Eccli. ii*). Et Hieronymus ait : Nulla res est quæ sic servet nos a peccato immunes, sicut timor supplicii, et amor Dei. Et Gregorius ait : Deum timere est, nulla quæ facienda sunt bona præterire. Ex his auctoritatibus sic procedendum est : O homo, specialiter est vitandus omnis timor mundanus : Qui tribulationes fugit ante quam veniant, qui in tormentis dolorem exaggerat, qui in prosperitate parit adversitatem, in gaudio tristitiam et mortem ; qui est pessimus augur in dubiis, mendax in veris, abundans in falsis. Nullum bonum adjuvat habentem, nisi ad ejus amissionem præparatus est animus.

Ergo adversus omnia quæ accidere possunt, etiam potentissimus adhortare te <sup>74</sup>. Cupiditatum finis etiam ad timoris remedia proficit, et ut Seneca dicit : « Spem metus sequitur. » Providentia maximum bonum conditionis humanae, in malum versa est; feræ pericula quæ vident fugiunt, cum effugere sicure possunt : nos et venturo torquemur et præterito. Multa bona nostra nobis nocent. Timor enim tormentum memoria reducit, providentia anticipat, nemo tantum præsentibus miser est. O homo, vince timorem omnium victorem ; si viceris eum, adversitas erit prospera, tribulatio dulcis, dolor flet delectabilis. O homo, vis timorem fugere, terrena postponere? non adhæreas terrenis, non indulgeas caducis, si terrena diligis, times offendere, times amittere; si vis timorem vincere, time Deum. Sic ars deludit arte, sic clavus clavo retunditur. Deum time ne timeas, Deo servi ne servias, et mandata ejus observa mente <sup>75</sup>, hoc est omnis homo, id est ad hoc factus est omnis homo, ut in se legat omnem Dei potentiam. Constitue te, o homo, inter duas molas, molam timoris et spei. Sic spera ne laxetur animus, sic time ne dilatetur cogitatus. O homo, noli timere mortis instantiam, nec recuses vitæ militiam ! hæc dat viro justo amplius meritum, illa largitur stipendium. Noli considerare quantum vivas, sed quomodo. Non ut diu vivas curandum est, sed ut satis bene; diu vivere pertinet ad eventum, satis bene ad animum. Longa est vita si plena est; impletur autem animus, cum se virtutibus plenum reddit, et a propria sui potestate non resilit. Quid prodest illi si octoginta annos exigerit cum torpore inertiae? non vixit iste, sed in vita moratus est, nec sero mortuus est, sed diu. Ille autem plenus dierum moritur, qui senium pensat gravitate virtutis, qui coactam ætatem extendit meritis; quia licet ejus ætas sit imperfecta, tamen vita est consummata <sup>76</sup>. Obsecro, o homo, ut

sic vivas, ut quemadmodum **70** rerum pretiosa ex casu pendere putas, sic spatiū vitæ in pendulo esse non ambigas. Actu illam metiamur, non tempore. Recuperet in bono actu quod amisit in fluxu. Non repente nos in mortem dejicimus, sed minutatim procedimus: quotidie morimur, quotidie aliquid vitæ demimus. Faciamus, ut quantum decrescit de temporali vita, tantum crescat de æterna. Sit detrimentum temporalis vitæ, in augmentum vitæ æternæ.

Armemus nos patientia ad vitæ cursum, ad mortis insultum: ad utrumque enim monendi et firmandi sumus, ut nec vitam nimis amemus, nec nimis mortis impetum timeamus, sed libra rationis pensemus utrumque; est enim ad moriendum aliquin inconsulta animi inclinatio, nam quidam gravati desidia, morte volunt finire fastidium. Non ad mortem adversitas importunitatis mundanæ debet impellere, sed potius ardor charitatis divinæ, ut homo non constituant finem desiderii in mortis articulo, sed potius, in æternæ beatitudinis dispendio.

### CAPUT XII.

*De spe cœlestium, et contemptu terrenorum.*

Si prædicator vult auditores invitare ad spem cœlestium, et arcere a spe terrenorum, uti debet auctoritatibus, quæ ad hanc spem faciant, et ab illo spe animum retrabant. Verbi gratia: *Maledictus homo qui sperat in homine, et carnem ponit brachium suum* (*Jer. xvii.*). Item: *Quam difficile est C in pecuniis confidentes, intrare in regnum cœlorum?* (*Marc. x.*) Et alibi: *Bonum est sperare in Domino, quam sperare in principibus*<sup>71</sup> (*Psal. cxvii.*). Item: *Jacta cogitatum tuum in Domino, et ipse te enutriet* (*Psal. liv.*). Item: *Spera in Domino, et fac bonum* (*Psal. xxxvi.*). Ex his auctoritatibus ita procedendum est: Spes terrenorum ad vota futura tendit, et antequam veniant gaudia consumit. Hæc per nimiam sollicitudinem mentem corrodit, quia, spem timor offendit, venturaque gaudia vendit, et cupiditatem in infinitum extendit. O homo, qui incumbis terrenis, confidens in incertis, baculo arundineo inniteris, qui facile frangitur! noli ergo credere illi qui fragilis est et lubricus, cito decidit, et te interimit. Potius constitue animum in adversitatis nubilo, quam in prosperitatis sereno. Si spem in prosperitate terrenoru[m] constituis, fallax est et seductoria; cum tenueris, non invenies quod sperabas. Disces ex prænuntio, non esse spem ponendam in lubrico: cur speras quod diu obtinere non poteris, ubi non invenies quod credis, ubi minor delectatio in experientia? nec solum in eis quod sperabas non invenies, sed potius somitem culpæ, somitem ruinæ, decipulam animæ, fermentum justitiae. Potius spem dirige in tribulationibus, quæ

A quamvis exterius prætendant amaritudinem, tamen in constantis animo pariunt cœlestis spei dulcedinem. nec fructur patientie fructus dulcedine, qui non fuerit punctus tribulationis amaritudine. Tribulatio etenim est fornax quæ decoquit aurum, lima quæ expolit ferrum, flagellum quo a palea separatur granum. In hac tribulationis militia, patientia exercetur, militat fortitudo, roboratur constantia, spes ad cœlestia invitatur. Potius ergo anchora spei desigatur in portu salutis, in misericordia Salvatoris. Hæc enim spes non confundit sed resicit, illuminat, non excæcat, ubi plus invenitur quam quod quæritur, vel quam spes possit capere; ubi plus sit, quam spes possit intelligere; ubi spes gaudium non consumit, ubi votum gaudium non minuit: propter B quod votum nihil exspectat, ubi spes figit gressum.

**71** O quam felix spes illa cœlestis, quam timor non expugnat, in qua timor non auguratur falsa, ubi cupiditas non somniat inaudita, sed *charitas omnia suffert, omnia credit, omnia sperat* (*I Cor. xiii.*), ad quæ credenda vel speranda limes rationis invit. Quis timor humanam mentem infirmare valeat, si pro ea apud Deum spes cœlestis allegat? In quo nocebunt tyrannorum fulmina, fortunæ præcipitia, infirmitates corporis, strepitus paupertatis, si mens fuerit spe cœlesti vallata? hæc est spes quæ congregations regit; actiones dirigit. Hæc est quæ in charitate altitudinem ponit, ut actiones dirigamus in Deum: hæc est quæ in charitate latitudinem expendit, ut eam extendamus ad inimicum. Hæc est quæ in charitate longitudinem porrigit, ut in ea perseveremus usque ad vitæ terminum. Inter hanc et timorem, velut inter duas molas moli debet Christianus, suavis et delicatus. Unde in Deuteronomio dicitur (*cap. xxiv.*): *Non accipies loco pignoris superiorum vel inferiorem molam.* Superior mola est spes; inferior, timor; non enim illa sine ista accipienda est. Qui enim sperat et non timet, negligens est; qui autem timet et non sperat, depresso est.

### CAPUT XIII.

*De spirituali luctu.*

His auctoritatibus et rationibus potest aliquis invitare ad spiritualem luctum: *Beati qui lugent, quoniam ipsi consolabuntur* (*Matth. v.*). Et alibi: *Væ vobis qui ridetis nunc, quia lugebitis et flebitis* (*Luc. vi.*). Jacobus ait: *Miseri estote et lugete, et plorate: Ritus vester in luctum convertatur, et gaudium in mœrem* (*Jac. iv.*). Salomon ait: *Melius est ire ad domum luctus, quam ad domum convivii* (*Eccle. vii.*). Gregorius: *Præsentia gaudia sequuntur perpetua lamenta. Nemo potest hic gaudere cum sæculo, et illic regnare cum Deo.* Tres sunt luctus, quibus mentem suam tenetur irrigare homo; luctus pro proprio peccato, luctus pro alieno, luctus pro

### VARIÆ LECTIONES.

<sup>71</sup> In alio exemplari adduntur bic sequentia: *Et poeta: Maxima mortalibus addita est cura, spes ubi longa venit. Idem ait: Longo consumit gaudia voto, econtra, de spe cœlestium dicitur: Jacta, etc.*

dilatione beatitudinis æternæ. Primus luctus fit ad se ipsum, secundus ad proximum, tertius ad Deum. De primo dicitur : *Fuerunt mihi lacrymæ panes die ac nocte* (*Psal. xl*). De secundo dicitur : *Quis infirmatur, et ego non infirmor? quis scandalizatur, et ego non uror?* (*II Cor. xi*). Hoc fletu flexit etiam Jesus super Jerusalem, dicens : *Quia si cognovisses et tu!* (*Luc. xix*). De tertio fletu legitur in Psalmo : *Super flumina Babylonis illie sedimus et flevimus*, etc. (*Psal. cxxxvi*). Hi sunt Threni Jeremiæ, quibus plangit peccatum animæ, plangit insultum miseriæ et dilationem patriæ. Horum fletuum imbribus debet homo irrigare terram mentis suæ, ut pariat fructus bonorum operum, diverses flores virtutum. Illi suot imber matutinus et serotinus; matutinus, id est fletus pro propriis peccatis, cuius irrigatione in mente surgit germen boni operis; sed postquam ad maturitatem perfectæ iustitiae porvenit germen pœnitentiae, adesse debet imber serotinus, id est fletus pro dilatione patriæ, ut tali lamentationis condimento congruentius metamus fructus bonorum operum. Hi sunt gratiæ fluctus per quos transierunt filii Israel ascendentis in terram promissionis; peccatores enim de *Egypto* viatorum exeuntes, primo per mare Rubrum transeunt, in quo submerguntur hostes, id est primo pœnitentiae fluctus subeunt, ubi delentur vitiorum errores. Unde per fletum hic cantare debemus *canticum Moysi*, dicentes : *Cantemus Domino, gloriouse enim magnificatus est, equum et ascensorem dejecit in mare* (*Exod. xv*).

Consequenter enim veniunt filii Israel ad torrentem Hemon, et inclinantur scopuli, quando fideles in deserto animi positi, et a curis sæculi eruti, ac in throno virtutum locati, flent pro alienis peccatis, compatiuntur proximis, alienum errorem iudicant suum, et sic scopuli inclinantur. Tandem perveniunt filii Israel ad Jordanem, **72** et pede sicco pertranseunt, cum fideles in cumulo perfectionis constituti, a fluxibus carnalium cogitationum purgatis affectibus animi, ingrediuntur lamentum, propter præsentis miseriæ dispendium. Primus, fletus est pœnitentiae, secundus ex compassione proximi, tertius ex propria compassione. O homo, fac ut mens tua sit ille liber quem vedit Ezechiel (cap. ii), in quo erat scriptum : *Væ, lamentationes et carmina*. Ut, si peccato irretitus fueris, ad pœnitentiam convertaris; ut, si præcesserit vœ mortali culpe, sequatur lamentatio pœnitentiae; imo, tres lamentationes : lamentatio pœnitentiae, lamentatio compassionis alienæ, lamentatio pro dilatione patriæ. O homo, ad hos gemitus te converte. Hos dolores amplexere, ab aliis terrenis doloribus te averte. Si tibi inimicatur fortuna, propter ejus inimicitias, dolorem non auges; non habet quid in te laedat, nisi ei vires præbeas. Certe, tibi non nocet nisi

A tibi noceas, ei præbuisti arma si doleas. Quid tristariis de ammissione illorum, quæ in mediis voluntatibus causam habent doloris? quæ in media pace causam habent dissensionis? quæ cum deberent esse securitatis somentum, vertuntur in metum? Si pro morte amici doleas, magis doleas pro periculo animæ, quoniam pro seclusione hujus vitæ temporalis; si pro ipso fles, potius effundas lacrymas mentis pro eo ad Deum, quam exteriorem ululatum ad mundum. Si naturalis infirmitas te invitat ad luctum, non luctui tradas animum. Non prohibeo lacrymas quas naturaliter necessitas exprimit, quas infirmitas humana expellit; quia hæ lacrymæ per elisionem cadunt, nobis nolentibus. Sæpe salva sapientis auctoritate flixerunt tanto tempore pro amico lacrymæ, ut illis non humanitas nec dignitas deesset; licet enim, servata gravitate, naturæ obsequi; sed quamvis natura te invitat ad luctum animi, non tamen lacrymæ suffocent animum, sed in mediis lacrymis animus constans et immobilis, miseriam suam legat, vincatur ab animo luctus, absorbeat infirmitatem mens, extenuet spiritus carnem, ratio sensualitatem. Si mors immineat, noli dolere, sed præpara te ad mortis instantiam per mentis constantiam. Talem te præpara ut mortem timere non possis; ut post mortem vivere incipias, qui ante mortem moriendo vivebas. Non tamen dico quod desidia victus, ad mortem fugias, quia tam turpe est aliquando ad mortem confugere, quam mortem fugere. Desiderium vitæ æternæ te invitat ad mortem : desiderium majoris meriti te in vita detineat <sup>73</sup>. Noli dissolvi prosperis, noli suffocari adversis. Ne sis de illis mulieribus quas vidit Ezechiel (cap. viii) plangentes Adonidem. Per Adonidem qui legitur suis mortuis, consequenter redivivus, de quo mortuo videbantur lugere mulieres, de redivivo gaudere, intelligitur temporalis prosperitas, quæ in momento desinit, ad momentum resurgit, quia semper est in fluxu, et nunquam in eodem statu permanet. Hunc mortuum lugent, hunc redivivum gaudent mulieres, id est homines effeminati, qui ad fortunæ ludum semper variantur; qui cum lugente fortuna lugent, cum gaudente gaudent. Qui tot habent mentis vivissitudines, quot habet fortuna varietates. Non iste temporalis amplectendus est luctus sed æternus præcordialiter est cavendus, ubi erit fletus sine remissione, dolor sine intermissione, labor sine quiete: ubi tota anima erit in fletu conscientiae, totum corpus in luctu miseriæ, quia a prima porta erit clamor, a secunda miseria.

B

C

D

### 73 CAPUT XIV.

*De gaudio spirituali.*

Ad spirituale gaudium, hæ auctoritates et rationes possunt hominem invitare : *Lætamini in Domino et exultate, justi* (*Psal. xxxi*). Item : *Gaudete*

### VARIAE LECTIÖNES.

<sup>73</sup> In alio exemplari sequuntur hæc : Non tædio doloris appetas mortem, non amore blandimenti appetas vitam. Hanc fer patienter, illam exspecta constanter.

*quia nomina vestra scripta sunt in cælis (Luc. x.). A*

*Item : Exultabimus et lætabimur in te (Isai. xxv).*

*Item : Gaudete in Domino semper, iterum dico : Gaudete (Philipp. iv). Item : Jubilate Deo omnis terra, servote Domino in lætitia (Psalm. lxxv). His auctoritatibus monemur ad spirituale mentis lætitiam, quam non operatur divitiarum copia, non fallax mundi gloria, non potestas sæculi, non prolixus secunditas, non corporis sanitas, sed puritas conscientiae, munditia vitae. Hoc gaudium nulla interrupit miseria, hanc prosperitatem nulla demolitur adversitas, huic dulcedini nulla se miscet amaritudo. O felix puræ conscientiae jucunditas! quæ vermem interiorem excludit, a carcere doloris liberat rationem, ab immunditia purgat mentem.*

*Hæc est paradisus deliciarum, variis arboribus bonorum operum consita, variis virtutum floribus picturata, fonte cœlestis gratiae irrigata<sup>70</sup>. Hæc puritas conscientiae vita æternæ est imago, et regni cœlestis præfatio. Contra hanc mentis serenitatem, nihil potest turbo fortunæ : contra hæc mentis propugnacula nihil valent mundi instrumenta. Qui habet puritatem conscientiae, in mediis doloribus gaudet, in mediis lamentationibus ridet, felix est in adversis.*

*Hæc est domus Salomonis variis referta unguentis, quia in puritate cordis dulcia redolent dona charismatis. Hæc est thalamus Dei, palatum Christi, lectus cœlestis sponsi. Ibi sponsa, id est anima, requiescit cum Christo sponso suo. Ibi occurrit Rebecca Isaac venienti de agro. Ibi Jacob deliciosis delectatur amplexibus Rachelis. Ibi Maria Magdalene Christo pretiosissima offert unguenta. O, si tanta est felicitas puræ conscientiae, quanta est miseria mentis cauteriatæ? qua judice nemo absolvitur nocens, ubi vermis conscientiae mentem assidue demolitur. Ubi assiduis circumvolat alis, sœva dies animi. Ubi occurunt inonstra, bellua peccatorum. Hic est liber diaboli manuscriptus, notis terrimis deturpatus, ibi charta est mens conscientiae mali; ubi calamus, libertas arbitrii, ubi incaustum<sup>71</sup>, enormitas peccati. Ibi, o homo, miserrime recolis quidquid ab ineunte ætate scripsisti, per quod Deum offendisti, in quo proximo obviasti, in quo tibimet nocuisti. O liber damnabilis, in quo non sunt scripta carmina, sed lamentationes et vœ. Sed jam, o homo, dele per confessionem quod scripsisti per falsam locutionem; dele per contritionem quod scripsisti per malam cogitationem; dele per satisfactionem, quod scripsisti per pravam operationem; dele librum perversæ conscientiae ne ibi legit ratio unde te damnet, ne ibi inveniat diabolus unde te accuset; ne ibi videat Deus unde te judicet, ut sic redeas ad spirituale mentis gaudium, ut revertaris ad te ipsum, ut recursas ad Deum.*

#### VARIE LECTIONES.

*<sup>70</sup> In alio exemplari sequitur : Hæc est paradisus in qua plantatur arbor vitae, id est viror cœlestis sapientiae : ubi viret lignum scientiae boni et mali, id est libertas arbitrii. In hac constituitur bono, ut perenni felicitate lætelur. <sup>71</sup> In alio habetur, incaustum.*

#### 74 CAPUT XV.

##### *De patientia.*

*Si ad patientiam vis auditores informare, his utere auctoritatibus : Patientia opus perfectum habet (Jacob. iv). Item : Beati qui persecutionem patiuntur propter justitiam (Matth. v). Item : Doctrina viri per patientiam dignoscitur (Prov. xix). Et philosophus ait : Morum patientia summa, hæc est per quam martyr moriendo superat viventem, patiente triumphat, in tribulatione invenit dulcedinem, in labore quietem. De felle elicit favum, de aceto mellitum ; contumelias sagittas patientiae clypeus frangit, injuriarum jacula tolerantiae virtus expellit. Quatuor sunt injuriarum species quas patientia victrix expugnat, quibus resistendo, superat. Prima est injuria verborum quam patientia aut per silentii tranquillitatem absorbet, aut molitie verborum demulcit. Secunda injuria est odio quam patientia remittit, et pro odio charitatem reddit. Tertia est injuria rerum quam patientia superat, modico contenta viatico. Quarta est injuria corporis proprii quam repellit castigatio carnis. Multi leguntur habuisse patientiae umbram, multos legimus mentitos suisse constantiam, ut prosperitatem consequerentur mundanam. Miramur quædam animalia quæ per medios ignes sine noxa corporis transeunt; sed multo magis mirari debemus eos qui per ferrum et ruinas et ignes illæsi et indemnes animo transeunt. Turpe est cedere passioni, turpius est succumbere : luctare contra eam, si semel victa fuerit, rixam non iterabit. Auge animalium, amplia virtutem, non est vir fortis aut strenuus, qui labore fugit; his, inquam, negotiis locum debet habere patientia, ubi se ingerit cœlestis negotii causa; aliquin, sordido te continue fatigabis labore. Quare, si vides gravia insistere, noli terga vertere, sed pedetentim in tutum recede; facile est per patientiam tribulationum aculeos evadere, facile est per patientiam bona temporalia contemnere. Quid turpius, quam in ipso securitatis limine esse sollicitum? Causa hæc est quæ nos facit impatientes, quod sumus boni cœlestis inanes. Sunt autem septem patientiae species, quæ in septem petitionibus Dominicæ orationis comprehendoruntur. |*

*Prima est, contra mundi insultum, contra vanæ gloriæ appetitum, contra terreni laboris desiderium, contra cupiditatis retinaculum; quæ petitur cum dicitur : Libera nos a malo (Matth. vi), quasi diceret fidelis : confer patientiam contra malum sæculi, contra mundi insultum. De hac eadem patientia fit sermo, cum dicitur in catalogo beatitudinum : Beati pauperes spiritu (Matth. v). Patientia enim prima species consistit in spirituali paupertate, quæ est in abdicatione rerum exteriorum, in*

i. abdicatione naturallium donorum , cum homo A allicit gustum , lenitas rei quæ provocat tactum. pro naturalibus animæ dotibus non intumescit, in abdicatione eorum quæ pertinent ad dotes corporis, ut fortitudinis , pulchritudinis, etc.

Secunda patientia est contra insultus diaboli. Quæ species patientiæ petitur, cum dicitur : *Et ne nos inducas in temptationem* (Matth. vi). Non petit homo ne tentetur, sed, ne in temptationem ducatur; tentatur enim quis, et non in temptationem ducitur ; ut justus, qui resistit diabolo ; tentatur, et in temptationem ducitur, qui peccando, maligno subjicitur; de hac patientia dicitur : *Beati mites*, etc. (Matth. v). In hac enim patientia, summa mansuetudo resultat, quod homo malignantì dæmoni assensum non præstat.

Tertia patientia est contra injurias proximi, quando homo patienter sustinet contumelias; hæc petitur cum dicitur : *Dimitte nobis debita nostra, sicut et nos dimittimus debitoribus nostris* (Matth. vi). De eadem dicitur : *Beati misericordes*, etc. (Matth. v).

**75** Spiritualis enim misericordiæ effetus est in injuriarum remissione.

Quarta species patientiæ est contra naturali pau-pertatis instantiam cum aliquis constanti animo egestatis sustinet ingruentiam. Hæc petitur cum dicitur : *Panem nostrum quotidianum da nobis hodie* (Matth. vi). Quis est iste panis quotidianus, nisi patientia contra paupertatem in hujus vite dis-pendio? Hæc enim patientia est quæ viatici modi-cum computat immensuni, quæ abundanter cibat C mentem, quamvis non implet ventrem. Hæc pa-vientia fructuosa facit jejunia; hæc in milio invenit similam, in gobione salmonem, in aquis pigmen-tum; de hac dicitur : *Beati qui esuriunt et sitiunt justitiam* (Matth. v). Patientia enim quæ in mate-riali jejunio satietatem invenit, justitiam sitit et esurit ; et quanto magis cibum materialem fastidit, tanto magis spiritualem appetit.

Quinta patientia est contra insultum carnis , quando homo viriliter refrenat insultum carnis , et castigat jumentum, ut sensualitas famuletur rationi, caro spiritui, quando spiritus super carnem tenet imperium, quando contra carnem ratio obtinet regnum. Hoc regnum petitur in dominica oratione, cum dicitur : *Adveniat regnum tuum* (Matth. vi), id est fac ut sicut omnia obediunt tibi, ita in nobis sensualitas pareat rationi. Ut, sicut omnia in regno tuo sunt pacifica, ita in regno nostræ mentis omnia sint tranquilla. O quam timendum est hoc duel-lum inter carnem et spiritum, ubi caro contra spi-ritum armatur , illecebris sensuum, jucunditate carnalium delectationum. Vide exercitum carnis, qui militat in ejus castris, et cum carne venit ad bellum ; pulchritudo rei quæ decipit visum , blan-dimentum soni quod seducit auditum, odoramenta rerum quæ suspendunt olfactum, sapor cibi qui

allicit gustum , lenitas rei quæ provocat tactum. Contra hunc exercitum armat patientia mentem, quæ sola hostes istos valet expugnare, sola litera terminare, sola exsulanten rationem in suo regno restituere. Istud bellum plus quam civile est, et ideo magis cavendum. Est bellum externum inter hominem et diabolum, de quo dicitur : *Non est nobis collectatio adversus carnem et sanguinem, sed adver-sus principes et potestates aeris hujus* (Ephes. vi). Est civile bellum inter hominem et proximum, de quo dicitur : *Filiæ matris meæ pugnaverunt contra me* (Cant. i). Est bellum plus quam civile, inter carnem et spiritum, de quo dicitur : *Militat caro aduersus spiritum, et spiritus aduersus carnem* (Gal. v). Hoc bellum sedari potest spirituali luctu, si B lugeat quis absentiam sponsi, si fleat pro ingruentia peccati, si doleat abstinendo a desiderio carnali, si ploret cessando ab amore mundi. De quo luctu dicitur : *Beati qui lugent, quoniam ipsi consolabuntur* (Matth. v).

Sexta patientia est contra miseras corporis, quæ attenduntur in labore, languore , frigore , aestu, fame, siti. Hæc vulnera intulerunt latrones homini descendenti a Jerusalem in Jericho (Luc. x), id est dæmones Adæ peccanti, qui descendit a Jerusalem coelestis visionis in Jericho, id est in defectum nostræ mortalitatis. Contra hæc patientia est, quando animus superat virtutem morbi in languore gratias agens Deo, et ita in infirmitate carnis invenit sanitatem mentis ; quando etiam in labore mens invenit requiem, pœnam referens ad debitum finem , ut quæ sunt languores corporum, sint medicamina mentium. Contra has miseras corporis , petitur patientia cum dicitur : *Fiat voluntas tua sicut in cœlo et in terra* (Matth. vi), id est fac ut, sicut in cœlo, id est in humana Christi natura nutu tuæ voluntatis fuit firma tua patientia, contra has mi-serias carnis , sic et in terra, id est in nobis terrenis hominibus, sit patientia contra infirmitates corporis. De hac dicitur : *Beati mundo corde, quoniam ipsi Deum videbunt* (Matth. v). Per hanc patientiam oculus rationis purgatur, ne per languorem in desperationem cadat, vel per laborem in torpore ruat.

**76** Septima vero patientia est contra flagella Dei, quæ justum examinat, servum probat, filium demonstrat. Hæc petitur, cum dicitur : *Sanctificetur nomen tuum* (Matth. vi). Per hoc enim quod aliquis patiens est in Dei flagellis , sanctificatur in eo nomen filiationis ; et quanto patientius sustinet flagella Dei, tanto magis in eo sanctificatur nomen paternum, quia *Flagellat Pater*, per pœnam, *om-nem filium quem recipit per patientiam* (Hebr. xii). De hac patientia dicitur : *Beati pacifici, quoniam filii Dei vocabuntur* (Matth. v). Illi enim qui pacem retinent pectoris per patientiam dum a Patre fla-gellantur, recte filii Dei esse probantur <sup>10</sup>. Si quis

#### VARIAE LECTIONES.

<sup>10</sup> In alio exemplari, hic additur : Iste septenarius patientiæ resultat in Job, quem amissio terreni ho-

ergo patiens esse desiderat, Job patientiam, Christi finem, martyrum constantiam diligenter attendat, et sic omnibus mundanis insultibus patientiae virtute illudat. Ut legitur in libro Macrobi : « Vinculo patientiae obligandi sunt impetus animi; magna est illius gloria, qui nullius laudibus crescit, nullius vituperationibus decrescit. » Plato de patientia ait : « Congrediendum est cum voluptariis rebus, ut adversus eas non fuga nec absentia simus tuti, sed vigore animi et constanti praesentia moderato-que usu continentiam temperantiamque tueamur, et calefacto simulque refecto animo, si quid in eo vel frigide tristitia, vel torpentis recordia fuerit, diluamus. » Ait etiam Aristoteles : « Quis habens aliquid humani pudoris, voluptates cum sue et asino communes se habere gratulatur? » Similiter et Socrates dicebat multos homines propterea velle vivere ut ederent et biberent, non bibere et edere ut viverent. Gregorius etiam ait : « Nulli imponas quod pati ipse non possis. » Et iterum Socrates : « Sapientis est, ne in cassem cadat, cavere, et si quis forte ceciderit, fortiter ferre. Fortis enim non potest judicari, nisi et sapiens fuerit, virtus enim sine sapientia temeritas periculosa putanda est. » Item Socrates : « Viri boni est scire pati, nec facere injuriam. » Item, idem : « Patientia miseriarum portus est. »

## CAPUT XVI.

### De obedientia.

His auctoritatibus possunt auditores ad patientem informari : *Christus factus est pro nobis obedientis usque ad mortem, mortem autem crucis (Philipp. ii).* Samuel etiam ait : *Melior est obedientia quam victimæ (I Reg. xv).* Item apostolus : *Servi, obedite præpositis et dominis vestris, non tantum bonis et modestis, sed etiam dyscolis (I Petr. ii).* Et : *Qui potestati resistit, Dei ordinationi resistit (Rom. xiii).* Ex his auctoritatibus procedendum : O homo, Filius Dei factus est pro nobis obediens usque ad contumeliam patibuli; tu non vis obedire præceptis Evangelii? Cum angelus in omnibus obediatur Deo, tu qui lutum es et cinis, contradicis Dei præcepto? Insensibilia obediunt Deo, tu qui solus præditus es ratione, impugnas Dei voluntatem? Sol a sua semita non deviat, luna a suo tramite non aberrat, stellæ suis indulgent officiis, ad nutum Dei, campus floribus amoenatur, imbris terra irrigatur, fronde crispatur silva, in nemore citharizat avicula, sic Deo obediunt cuncta; tu solus impugnas ejus præcepta! Considera, o homo, quod melior est obedientia quam victimæ (I Reg. xv),

A quia per victimas aliena caro immolatur, per obedientiam vero propria voluntas mactatur. Tanto ergo Deum quisque placat citius, quanto represa arbitrii sui superbia, gladio præceptis immolat. Pecatum vero ariolandii inobedientia dicitur (*ibid.*) **77** ut, quanta sit virtus obedientiae, ex adverso monstretur. De hac obedientia dicit Salomon : *Vir obedientis loquitur victorias (Prov. xii).* Dum enim alienæ voci humiliter subdimur, nosmetipso in cordibus superamus.

Sciendum est etiam quod obedientia aliquando de suo nihil habere debet; cum enim locus superior imperatur, obedientiae sibi virtutem evacuat, qui ad hunc proprio desiderio anhelat; aliquando vero, obedientia aliquid de suo habere debet ut, cum contumeliae et probra imperantur, nisi haec animus ex eometipso appetat, obedientiae sibi bonum minuit, qui ad hoc invitus descendit. Debet ergo obedientia et in adversis suum aliquid habere, et rursum in prosperis, de suo nihil habere. Hinc Moyses principatum populi humiliiter recusat (*Exod. iii*). Paulus audacter dicit : *Ego non solum ligari in Ierusalem, sed et mori paratus sum (Act. xxii).* Sed cendum est ne in obedientia erres **80**. Scias ergo quod vera obedientia est animi deliberantis honesta, justæ jussionis effectus cum discretione. Ecco quos comites beat habere obedientia : scilicet justitiam, ut justum sit quod præcipitur; unde dicitur : *Justæ jussionis effectus, 2º ut sit honestum quod deliberatur, ut dictum est : Deliberantis honesta; 3º ut ex discretione procedat; unde additur : Cum discretione.* Illa ergo obedientia quæ sine discretione est, cassa est; illa quæ sine honestate, supina est; quia qui obedit in honestis ex nimia obedientiae ampliatione, superbiam mentis significat. Si vero non fuerit cum justitia, irregularis est, anomala est. Sciendum autem quod per obedientiam nunquam debet malum fieri, sed aliquando bonum quod agitur intermitti. Non enim erat mala arbor in paradyso, quam Deus contingere vetuit, ut per obedientiae meritum homo benedictus crescere; dignum tamen fuit ut hunc a bono prohiberet. Notandum vero quod ibi dicitur : *Ex omni ligno paradiſi comedere (Gen. ii), etc., qui enim ab uno bono subditos vetat, necesse est ut multa concedat, ne mens ab omnibus repulsa, quasi jejuna intereat.* Quatuor ergo rationabilem comitantur obedientiam, discretio, honestas, justitia, humilitas **81**. Sunt autem tres regularis obedientiae species : sufficiens, qua quis obedit majori; perfecta, qua obedit pari; abundans, qua servit minori. Prima est quasi po-

### VARIÆ LECTIONES.

**noris non fregit;** quem Satan tentavit, nec vicit; qui uxori injurianti viriliter restitit; qui omnibus temporalibus privatus, egestati non succubuit; quem carnalis filiorum dilectio non dejecit; qui in virtute animi, carnis ulcera absorbut; qui flagella Dei patienter sustinuit. **80 Additur :** Nullum sibi unquam aut continentem porsus, aut temperatum satis visum esse, cui vita non inter ipsa errorum pericula, in mediis voluptatum illecebris explorata sit. **Et postea :** Itaque congregendum, etc. **81 Hic interponuntur sequentia :** Hic enim potest latere fel sub specie mellis, lupus sub vellere ovis, in potu venenum, in cibo mortiferum. **81 Additur hic iterum in alio :** Quæ ipsam obedientiam ita constibant, ut a modo ruere, vel in modico vacillare non valeat.

sativa, secunda comparativa, tertia superlativa. Prima est præcepti, secunda supererogationis, tertia consilii<sup>82</sup>; has in se complevit Christus, majori obediens, cum Patri obedivit, minor eo secundum humanitatem; et pari, quando Patri æqualis secundum divinitatem; obedivit minori, quando obedivit matri. Præterea, est quædam obedientia quæ est directa, quæ sit sine debito et officio congruo; ut quando bona intentione obedimus Deo. Alia recta, sed non directa, ut quando obedimus Deo, sed incongruo officio, qualem obedientiam exhibet Iudeus Deo creatori suo, sed caret forma officii, id est regula charitatis et fidei. Indirecta vero obedientia est, quando obedimus Creatori intuitu favoris humani. Retrogradata autem est, quando dæmones obediunt Deo. Quia sic obediunt agentes quod nolunt.

Prima est meritoria, secunda introductoria, tertia quaestuosa, quarta perniciosa. Prima est efficiens, secunda, faciens; tertia, deliciens; quarta, insificiens.

O quam efficax est regula obedientiæ, quæ cordiam servat in angelis, quæ pacem nutrit in claustris, sine qua nec res publica stare, nec minima familia regi potest. Quæ et brutis jus naturale suggerit; quam pro lege res inanimata custodit. Hac ligantur cœlestibus terrena, humanis divina; hæc est scala per quam fit ascensus in cœlum. Hæc insuper obedientia humilitatem nutrit, patientiam probat, mansuetudinem examinat. Studeat hanc claustralculi ulnis charitatis amplecti ut, quod 78 est Dei solvat Deo, et quod est proximi proximo. Hæc est obedientia, quæ juxta regulam justitiae, singulis reddit quod suum est: et sicut ex obedientia omne bonum procedit, ita ex inobedientia malum omne exoritur; dum scilicet per peccatum homo Creatori suo contemnit obedire.

### CAPUT XVII.

#### *De perseverantia.*

His auctoritatibus commonetur quis ad perseverantiam: *Qui perseveraverit usque in finem, hic salvus erit (Matth. x).* Item alibi: *Si perseveraverit pulsans, dico vobis, et si non dabit ei eo quod amicus ejus sit, propter improbitatem tamen ejus, surget et dabit ei quotquot habet necessarios (Luc. xi).* D Et Apostolus ait: *Omnes in stadio currunt, sed unus accipit bravium (I Cor. ix).* Et: *Qui legitime certaverit, coronabitur (II Tim. ii).* Item alibi dicitur, *quod Dominus judicabit fines terræ (Psal. ix).* Et: *Ubi ceciderit arbor, sive ad austrum, sive ad aquilonem, ibi erit (Eccl. xi).* Et alibi: « Finis, non pugna coronat. »

Multi aggrediuntur magna, sed deficiunt in via. Multi Sodomam exeunt, sed cito retro respiciunt.

#### VARIAE LECTIONES.

<sup>82</sup> Additur: Prima est mensura bona, secunda conferta, tertia superefluens. <sup>83</sup> In alio exemplari sic: O homo, per perseverantiam brevitatem redimis vitæ, nullum opus incassum transire permittis, omnes horas complectaris, ut ex crastino minus pendas.

A Multi egrediuntur Babylonem, sed moriuntur in via, nec pervenient ad æternæ pacis civitatem, Jerusalēm cœlestem. Perseverantia informat meritum, colorat boni propositum, remunerat currentem, coronat pugnantem. Hæc dicit ad bravum, dicit ad portum, dat formam operi, regulam actioni. Hæc est tunica talaris Joseph, finem vitæ contingens; hæc est tunica sacerdotalis usque ad pedes perveniens, hæc est cauda hostiæ quam Deo tenebunt offerre.

B Hic est calcaneus bonæ operationis, quam contra morsus serpentis debemus observare. Hæc est virtus quæ omne bonum volum informat, qua laureantur martyres, qua coronantur virgines. Hæc est quæ res difficiles reducit ad facultatem, et omnem vincit difficultatem. Hæc est vestis sine ruga, tunica sine mæula. Hæc est quæ bonam actionem facit unicolorum, virtutem uniformem. Et notandum quod quædam perseverantia est quasi fenalis, quæ, instar leni, ad tempus viret, et in tempore adversitatis flaccescit. Hæc quasi flos egreditur, et contriterit, et fugit velut umbra, et nunquam in eodem statu permanet; finalis vero perseverantia est quæ perdurat usque ad finem. Hæc est fons vivus, horbus signatus, cui non communicat alienus, qui semper fluit, semper scaturit. Laborent fideles ut hanc habeant, claustrales ut hanc retineant, virgines ut hac se informent, viduae ut in hac perseverent.

C Diabolus quandoque irritat hominem ad bonum, ut de bono gravius malum eliciat. Contra hunc dæmonum insultum valet perseverantia, ut bono sine bona concludantur initia:

*Ne primo medium, medio ne discrepet imum. Bonum enim inchoare, et malo sine concludere, est monstruosa confidere.*

Illa namque actio est quasi chinera, quæ initium habet a ratione, finem in sensualitate. Cum sic agitur:

*Jangit. Humano capiti cervicem pictor equinam*

D Et sic varias inducit infructuositatis plumas. Sunt quidam quorum vita monstrum mirabile facit, cuius initium bonum, quasi caput hominis prætendit, medium vero in luxuriam descendens, ventrem capræ ostentat, ad ultimum in rapacitatem devians, lupæ pedes habet. O homo, quid prodest tibi bonum inchoare, et non recte sine concludere? *Melius est viam veritatis non agnoscerre, quam post agnitam retro ire (II Petr. ii).* Per hanc inconstantiam levitatis argueris, apostasiam incurris, mentis stabilitatem postponis<sup>83</sup>. Seneca ait: « Compositæ mentis est posse consistere et in bono morari. » Nihil tam utile est quod in transitu possit prodesse. Perseverantia bonum 79 educat, tenerum ad maturitatem perducit. Nec querit pue-

rilem animum, sed adulitum : maturos quererit mons, non teneros nec enormes <sup>41</sup>. Si totam vitam perseverantia non illustrat, saltem finem perseverantia finalis concludat. Si obtulisti florem juventutis diabolo, saltem faciem senectutis offer Christo. In vespere laudatur serenitas diei, in fine status operis boni. Vide a quanto bono Judas cecidit, qui in bono noui perseveravit.

Vide quid Salomon per animi instabilitatem perdidit, in quantam calamitatem Saul decidit. Quantus meritus sit perseverantia ex flagitio oppositi vitii, scilicet impenitentiae conjectare possumus. De impenitentia enim dicitur, quod tanta sit labes hujus peccati, quod humilitatem postulandi veniam subire non possit. Haec est enim peccatum in Spiritum sanctum, haec est peccatum ad mortem, de quo Joannes ait : *Est peccatum ad mortem, non dico ut pro eo oret quis (I Joan. v).* Impenitentia autem ex desperatione nascitur, aut ex presumptione oritur, et quantum in ipsa est, aut derogat Dei justitiae, aut detrahit ejus misericordiae. Felix ergo perseverantia, quae impenitentiam excludit, obstinationem expellit, contemptum eliminat, obdurationem expugnat.

### CAPUT XVIII.

#### *De misericordia.*

Ad misericordiam haec possunt auctoritates hominem invitare : *Beati misericordes, quoniam ipsi misericordiam consequentur (Matth. v).* Misericordiam volo, et non sacrificium (*Matth. ix, xii*). Item : *Beatus homo qui miseretur et commodat (Psal. xxxvi)*. Et Jacobus in Epistola canonica : *Misericordia superexaltat judicium (Jac. ii)*. Item Salomon : *Misericordia et veritas custodiunt regem, et roboratur clementia thronus ejus (Prov. xx)*. Et in Evangelio : *Omnia quaecunque vultis ut faciant vobis homines, et vos facite illis; haec est lex et prophetæ (Matth. vii)*. O homo, si diligenter considerares Dei misericordiam, in te posses habere misericordi formam. Quid incarnavit Christum, nisi misericordia ? quid subjecit eum nostræ miseriae, nisi sua clementia : haec est sola via hominis ad Deum, Dei ad hominem. O beata via, quæ sola commercium nostræ salutis agnoscit, quæ sola ad Deum dirigit hominem, et Deum deducit ad hominem ! Ipsa sola mediatrix aversos concilians, disjunctos socians, disparem quodammodo coæquans, Deum humilians, nos sublimans, illum ad ima trahens, nos ad summa erigens ; ita tamen, ut non abjecta sit ejus descendens, nec superba sed glorioosa sit nostra exaltatio. Magnam enim vim habuit misericordia, quæ sola potuit Deum de celo trahere ad terram, et hominem de exilio reducere ad patriam. O magnum misericordiae vinculum, quo Deus ligari potuit, et homo ligatus vincula iniquitatis dirupit ! O homo, si tuam considerares miseriam, in opere Dei eras

A te, non invenires nisi misericordiam. Misericordia est, si peccante sustinet, si flagellat ut emendet, si a peccato liberet, si in justitia conservet : misericordia quoque si aeternaliter punit, quia circa merita, misericordia si aeternaliter remunerat, quia supra merita praemiat. Nec in hoc detrahitur ejus justitiae, quia ejus justitia exigit usum misericordia. Justitia namque semper debet habere comitem misericordiam, quia justitia veritas in severitatem vertitur, nisi dulcedine misericordiae conditatur. Unde dicitur : quod *Misericordia et veritas obviaverunt sibi, justitia et pax osculatae sunt (Psal. lxxxiv)*. Debet enim justitia misericordiam quodammodo osculari, ut ipsa a tramite **80** misericordiae non recedat, et misericordia justitiae lineam non evadat.

Unde et misericordiae dicitur super altare iudicium, quia justitia in crudelitatis abyssum deprimitur, nisi misericordiae gratia relaxetur. Est misericordia justitia condimentum, judicii medicamentum. Nec tamen pro miseria vel vulgaris debet esse misericordia vel absissa, nam ut ait Seneca : « Tam omnibus ignoscere crudelitas est, quam nulli. » Disciplina enim vel misericordia multum destruitur, si una sine altera teneatur, sed haec circa subditos debet inesse rectoribus, et juste consolans misericordia, et pie saeviens disciplina. Pensemus quantum Moyses populum amavit, pro cuius vita deleri se petiit, et quanto zelo rectitudinis, cum veniam obtinuissest, ad populum ait : *Ponat vir gladium super semur suum, etc. (Exod. xxxii.)* Ecce, quippe vitam hominum cum sua morte, paucorum vitam gladio extinxit ; intus amoris igne, foris accusus est zelo severitatis apud Deum. Utrobique fortis legatus, causam populi precibus apud Deum, causam Dei apud populum gladiis allegavit.

O homo, misericordiam sectoris in proximo, non intuitu fortunæ, sed causæ ; non ægritudi animi sed charitas Dei clementiam excitet ; multi enim sunt, qui nocentissimorum lacrymis moventur, qui, si liceret, carcerem effringerent ; quos nou mouet charitas, sed animi insurmitas. Reddat ergo charitas compassionem homini, puniat æquitas enormitatem vitii. Maxime autem studendum est in operibus misericordiae, ut cibetur esuriens, reficiatur sitiens, vestiatur nudus, recipiatur peregrinus, consoletur pupillus, visitetur ægrotus. Haec sunt opera misericordiae, quæ justus disponet in iudicio (*Psal. xxxvi*), quæ allegabunt in die iudicij pro eo. Sola enim misericordiae opera perorabunt pro homine in causa finali ; quia *Judicium fiet sine misericordia ei qui non fecerit misericordiam (Jac. ii)*. O homo, in alterius miseria te ipsum recognosce, in alia, miseriam tuam lege. Si justus es, cadere potes ; si dives es, donum fortunæ est, non naturæ. Si sanus es, infirmitas vel instat, vel minatur in-

### VARIÆ LECTIOINES.

<sup>41</sup> Hic habebantur sequentia : Si vis consequi perseverantiam, stude acquiescere bonis, ut consuetudo quæ est altera natura, in te perseverantiam gignat, convictus bonorum, vite longanimitatem pariat.

stantiam. Si sapiens, sapientia hominis non habet constantiam. O homo, si devias a tramite clementiae, quantum in te est, turbas fontem misericordiae; tu qui in Deo expertus es fontem misericordiae et pietatis, saltem in proximum sinas rivulum misericordiae emanare. Quid erit si Salvator tuus clemens et pius sit, et tu in proximum immisericors, et austerus? Tu a Domino recepisti misericordiam et in proximum patras malitiam. Tu in Dei misericordia legere potes quid agere debeas, quam clementiae regulam tenere valeas. Et certe, potius misericordiam quam justitiam teneris amplecti. Applicabilius enim debet esse omnis homo naturaliter ad misericordiam quam ad justitiam; quia misericordia parit amorem, justitia timorem; quia charitas excludit timorem, timore autem dignior est dilectio. Multa etiam sunt quae nos monent de justitia aliquid relaxare; humanæ naturæ infirmitas, rei utilitas, misericordiae etiam dignitas, quæ superexaltat judicium. Nascatur ergo misericordia non ex negligencia, non ex pusillanimitate, non ex indiscretione, non ex animi infirmitate, sed omnibus modis sit circumscripta, ut sic suum retineat proprium, nec justitiae auferat debitum. Vide, o homo, in Joseph misericordiam, quæ fratrum obliterata est injuriam (*Gen. xliii*). Lege in David clementiae gratiam, qui filii persequentes deflebat dementiam (*II Reg. xviii*). Hæc et his similia tibi exempla propone, si vis recta sectari tramitem misericordiae. Si claudis vesceri misericordiae indigenti, claudis tibi januam C misericordiae Christi. Misericordia etenim clavis est qua reseratur cœlum, quæ solvit reatum. Hæc est porta Domini, justi intrabunt in eam. Hæc est misericordia, quæ Novum illuminat Testamentum, et rigorem veteris legis extenuat. Hæc est lignum quod aias Mara dulcorat (*Exod. xv*). Hoc sale Eliseus aquarum amaritudinem exterminavit (*IV Reg. ii*). Ilac farina Eliseus olla mortem extirpavit (*IV Reg. iv*). Hoc oleum insufflat Samaritanus **81** vulnerati vulneribus (*Luc. x*). Clementia non tantum hominem reddit honestum, sed etiam tutum. Principum ornamentum est clementia, et lux certissima. Hæc sola dividit inter crudelēm et pium, inter regem et tyrannum. Rex armatur clementia, tyrannus armis provocat odia. O homo, ubi pareres, nisi tibi clementia subveniret? Si tecum ageret Deus districta justitia, non posset excogitari poena quæ responderet meritis, suppicia quæ æquipollent delictis. Omnia ergo attribue Dei misericordiae, et a simili expendas misericordiam in proximum; non sis avarus in miserendo, quia expertus es misericordiae largitatem in Deo.

## CAPUT XIX.

*De justitia.*

Hæc auctoritates ad justitiam commentant: *Diligite justitiam qui iudicatis terram* (*Sap. i*); item: *Feci*

## VARIA LECTIONES.

<sup>80</sup> In aīo exemplari interponitur: Hæc est Virga Aaron quæ floruit et frondet dum in mente concipiatur, floret dum materialiter exercetur, fructificat dum subdūtus corrigitur.

A *Judicium et justitiam, non tradas me calumniantibus me* (*Psalm. cxviii*). Item: *Beatus vir qui in sapientia morabitur, et qui in justitia meditabitur* (*Ecclesi. xiv*). Item: *Judicate pupillo et humili, ut non apponat ultra magnificare se homo super terram* (*Psalm. ix*). Cavendum est tibi, o homo, ad quod inspectas judicium, ne judicium odio exasperes, ne crudelitate inflames, ne amore pecuniae emollias, ne timore recidas. Non te moveat purpura divitis, non saccus pauperis; regia via incede, non declines ad dextram, emolliendo judicium, nec ad sinistram, exasperando supplicium. Non est crudelitas punire reatum, sed justitia; non est tyrannicum, sed divinæ rectitudinis judicium. Sed cave, ne sic ab alterius oculo festucam ejicias, ut in oculo tuo trabem non videas. Nec sic alterius velis revelare lopsum, ut tuum negligas casum; nec sic cures alterius morbum, ut te postponas ægrotum; dicaturque tibi: *Medice cura te ipsum* (*Luc. iv*). Audi quid Dominus dicat Phariseis accusantibus adulteram: *Qui sine peccato est, primus mittat in eam lapidem* (*Joan. viii*). Si peccator alium peccatorem judicas, te ipsum condemnas. O homo, qua fronte in alio arguis, quod in te ipso gravius invenis? qua facie judicas proximum, cum te ipsum scias gravius judicandum. Decet principem justitia, ab omni vitio circumveisa, terminis circumscripta debitum, comitibus vallata: ut eam comitetur rectitudo, ne judicando a recto deviet; discretio, ne errore exorbitet; charitas, ut non odii rancore sed zelo justitiae gladium vindictæ exerceat; debet uti misericordia, ne justitia in crudelitatem evadat; deliberatione, ut de pena diu apud se tractet vel liberaret. Unde Seneca ait: « Prope est ut condemnes libenter, qui cito; prope est ut inique puniat subditos, qui nimis; moderate imperare, laudabile est. » Natura convincat esse regem, quod ex aliis animalibus licet cognoscere quibus natura præficit regem, ut apibus, eum tamen natura nec savum esse voluit, nec ultionem magno constantem petere. Zelum quoque ejus retrahit et inermem relinquit, quia, ut ait Seneca, iracundissimæ et pro capitu corporis pugnacissimæ sunt apes, et aculeos in vulnere relinquunt, rex ipse sine aculeo est, exemplar magnis rebus existens.

D Pudeat ab istis animalibus non trahere mores, cum tanto moderationis animus hominum esse debeat, quanto vehementius nocere potest. Qui justitia præditus fuerit, cum Moyse mare mundi vitiorum sanguine rubricatum sicco vestigio pertransibit. Hæc est virga qua petra percussa in fluenta emanat, quæ subditorum lapidea corda in virtutum flumina exuberare facit <sup>81</sup>. **82** Hæc est ventilabrum quo dividitur granum a palea, fornax in qua separatur argentum a scoria, gladius quo separatur vivus a mortuo, ferrum quo dividitur sanus a morbido; quia contra morbum peccati, apponendum est mordax emplastrum, ne nimia vitiorum ta-

bes exuberet incurata, et in augmentum facinorum redivivat <sup>66</sup> iniqitas impunita. Hæc est mensura qua debemus metiri pœnas, ponderare merita. Hæc est quæ unicuique jus suum tribuit, communis utilitate servata. Aliquando enim de pœnæ relaxandum propter aliorum scandalum; aliquando pœna exageranda est, ut sit aliorum cautela. Hæc est medicina vitiiorum, antidotum peccatorum. Hæc est gladius qui utramque partem hominis defendit; corpus ab exterioribus injuriis, animam ab interioribus inoletiis. Hæc est lapis quo David Goliam percussit, et Israel a servitute liberavit. Hæc, sine discretione, est gladius in manu furiosi; hæc, sine potentia, est gladius in manu contracti; hæc, sine misericordia, est gladius in manu tyranni. Cum summa discretione tenendum est exercitium justitiae, ut non judicemus ex suspicione, sed potius ex rectitudine <sup>67</sup>. Nullum condennes ante iudicium; ante proba et sic judica; non enim qui accusatur, sed qui convincitur reus erit.

#### CAPUT XX.

##### *De dilectione Dei.*

Hæc auctoritates formam præserunt charitatis: *Diliges Dominum Deum ex toto corde tuo et ex tota anima tua (Matth. xxii).* Joannes ait: *Deus charitas est, et qui manet in charitate, in Deo manet; et Deus in eo (I Joan. iv).* Item Petrus: *Ante omnia in vobis-metipsis mutuam charitatem habentes, quia charitas operit multitudinem peccatorum (I Petr. iv).*

Item Paulus: *Charitas patiens est, benigna est, etc. (I Cor. xiii.)* Item Augustinus: « Omnia quæcumque sine charitate facimus, nihil nobis prodest facere, et inane studium expendimus, si non habemus charitatem quæ est Deus. » Item Gregorius: « Tanto amplius peccatorum rubigo consumitur, quanto peccatoris cor charitatis igne crematur. » Ex his, sic procedendum est: Quis Tulliana prædictus eloquentia, quis omni formatu sapientia sufficit laudes charitatis exprimere et ejus virtutes expouere? Hæc est charitas quæ docet illecebras fugere, voluntates calcare, carnis concupiscentiam cohibere, honores contemnere, desideria illicita frangere; postremò, universa præsentis vitæ blandimenta respuere. De hac sponsus in Canticis admonet, dicens: *Pone me ut signaculum super cor tuum, pone me ut signaculum super brachium tuum; quia fortis est ut mors dilectio, dura sicut infernus æmulatio (Cant. viii).* Mors enim viventes extinguit, infernus autem nec mortuis parcit. *Dilectio ergo ut mors,* quia sicut illa sensum carnis, sic ista affectum concupiscentiæ carnalis punit. **83** *Dura est sicut infernus æmulatio,* quia hos quos intus trahit desiderium aeternorum, non solum foris blanda respuere, sed adversa quidem

#### VARIÆ LECTI.

<sup>66</sup> *In alio, pro redativat, habetur recidivit.* <sup>67</sup> *Unde auctoritas:* Nolite judicare et non judicemini, et nolite judicare secundum faciem, sed justum iudicium judecate. <sup>68</sup> *In alio exemplari hæc adiuntur:* Hæc est Charitas quæ Abel martyrem fecit, hæc est quæ Abraham de terra sua eduxit. Hæc Joseph in Ægypto servavit. Hæc in fornace tribus pueris flammæ extinxit. Hæc omnium bonorum maxima est; nihil sapit extra eam, nihil in ea asperum, nihil durum. <sup>69</sup> *Pro evanescit, habetur defraudatur fructibus.* <sup>70</sup> *In alio sic:* Qua homo se diligit.

A et aspera pro eo quod diligunt adipiscendo, cogit tolerare <sup>71</sup>. Charitas virtutes cæteras munimine suæ perfectionis solidat. Quisquis in ejus radice se inservit, nec a viriditate deficit, nec a fructibus evanescit <sup>72</sup>; quia opus efficax non amittit. De hoc etiam dicit Isidorus: *Nullum præmium compensatur sine charitatis amore; quantumvis quisque recte eredat, sine charitate ad beatitudinem pervenire non potest.* Quia tanta est charitatis virtus, ut etiam prophetæ et martyrum sine ipsa non prosint. Charitas omnium virtutum obtinet principatum. Unde et vinculum perfectionis ab Apostolo dicitur (*Col. iii*): *quia universæ virtutes ejus vinculo religantur.* Dilige ergo Deum ut diligaris ab eo; et esse cum eo citius ad ipsum pervenies, nam dilectione apprehendes, possidebis, frueris. Hæc est via superexcellens, via supereminens, vias distortas dirigens, vias rectas ostendens.

B Hæc est charitas quæ tantum in Deum prævaluit, quod eum de supernæ majestatis sede ad infirmæ mortalitatis adduxit; vulneravit impassibilem, traxit incommutabilem, ligavit insuperabilem, aeternum fecit mortalem.

Si tantum potuit charitas in Deum, quantum, o homo, debet posse in te ipsum? Si Deus propter hominem tanta pertulit, quid homo propter Deum tolerare recusabit? Pudeat autem hominem non subiici charitati, quæ sibi subiecti auctorem mundi. Hæc non æmulatur, non agit perperam, sed ab illo in quo habitat vitiiorum radicem extirpat. Charitas omnium virtutum origo est, mentem illuminat, conscientiam mundat, animam lætificat, Deum demonstrat. Animam in qua charitas habitat, superbia non inflat, invidia non devastat, ira non dissipat, tristitia mala non vexat, avaritia non excrecat, gula non inflamat, luxuria non coquinat.

Item Semper casta est, semper munda, semper quieta, semper benigna. In adversis secura, in prosperis temperata. Hæc est crux spiritualis, quam quilibet portare tenet, ut tollendo hanc crucem, Christi vestigia sequatur; cuius altitudo erigitur ad Deum, latitudo extenditur ad inimicum, longitudine usque ad vitæ terminum, profunditas divinæ gratiæ sapit immensum. Hæc est charitas quæ pugnanti est D scutum, triumphanti præmium; quæ sic inchoatur in via, ut consummetur in patria. Est enim ignis in Sion, et caminus in Jerusalem (*Isai. xxxi*). Charitas quasi trinitatem parit creatam; in qua trinitate quasi Pater est dilectio Dei, a qua procedit dilectio qua homo ipse diligitur tanquam proles a patre <sup>73</sup>: ab utroque vero procedit dilectio proximi, quasi Spiritus sanctus ab utroque. Item tres distinctiones sunt in una charitatis substantia, sed di-

verso sunt pro sua propria. Cave ergo, homo, si dilectionem sectari velis, ne dilectionis umbra falsaris; est enim dilectio fortunæ, quæ cum prosperitate accedit<sup>91</sup>. Hac diligit homo carnalis Deum, cum bene fecerit ei. Est dilectio naturæ, qua quodlibet rationale Deum diligit. Ut enim ait beatus Augustinus: « Nullius mens unquam Deum odire potuit. » Est dilectio gratiæ, quæ sola habet meritum; qua Deus diligitur ut habeatur in præmium.

Prima est desciens, secunda faciens, tertia persiciens. Prima carnis, secunda sensualitatis, tertia rationis. Prima falsi fratris, secunda humilis peccatoris, tertia justificati hominis. O homo, considera quam dulcis amor Dei, quam impurus sit **84** amor hujus sæculi! Amor Dei mater est omnium virtutum, amor sæculi mater est omnium vitiorum. Apud istum amorem omnia sunt imperfecta, apud illum consummantur universa; per charitatem Deus toto corde exquisitus, super omnia quæritur, extra omnia inventur, plus omnibus diligitur; hic est ignis quem Deus venit mittere in terram (*Luc. xii*), ut comburat rubiginem peccatorum, ut exurat paleas vitiorum. In alto constituit charitas tribunal suum, quod non expugnat timor mundanus, nec amor terrenus, spes carnalium, aut tristitia adversitatum. Quis enim ejus latitudinem investigare potest quæ usque ad hostem extenditur? Quis comprehendet altitudinem ejus quæ usque ad Deum erigitur? Quis scrutari posset profunditatem quæ usque ad abyssum divinae sapientiae dimittitur. **C** *Charitas Deus est, et qui manet in charitate in Deo manet, et Deus in eo* (*I Joan. iv*). Audi, o homo, et ne amplius parum reputes si charitatem habeas, audi quia charitas Deus est, nunquid parum est in se Deum manentem habere? magnum profecto est in se charitatem habere, quia Deus est charitas. Hoc privilegium sola charitas habet, ut dicatur Deus, et etiam sit, ita quod nulli alteri conveni e possit. Quia cum omnis virtus donum Dei sit, nulla praeter solam charitatem hoc habet, ut non solum donum Dei, sed etiam ipse Deus dici possit.

#### CAPUT XXI.

##### *De dilectione proximi.*

His auctoritatibus informatur homo ad dilectionem proximi: *Diliges proximum tuum sicut te ipsum* (*Matth. xii*). *Quæcumque vultis ut faciant vobis homines, et vos facite illis* (*Marc. xi*). *Diligite inimicos vestros, bene facite his qui oderunt vos* (*Matth. vii*; *Luc. vi*). Sextus etiam ait: « Fundamentum et initium est Dei cultus amare homines. » S. Gregorius: « Charitas vera est, si et in Deo diligitur amicus, et propter Deum diligitur inimicus. » Non ipse Deus diligitur sine proximo, nec ipse proximus sine Deo. Iterum Beda: « Dilectio dicitur, eo quod duos liget, Doum et hominem, vel unumquemque proximum cum alio coniugat. » Quamvis enim

**A** dilectio Dei major sit in dignitate charitatis, tamen dilectio proximi major est in operatione, quia per dilectionem proximi pervenitur ad dilectionem Dei. O homo, dilige proximum tuum sicut te ipsum; bona quæ optas tibi non invideas alii; si majus optas tibi quam alii, invidus es; si majus alii quam tibi, fatuus es. Consule naturam, illa te docebit diligere proximum tuum sicut te ipsum. Ipsa etenim fecit omnia communia, unum fecit omnibus ortum, quia

*Omnis genus hominum simili descendit ab ortu.*

Si alii negas quod tibi via fieri, naturam impugnas, jus commune enervas.

Nulli imponas quod ipse pati non possis; haec exhibe aliis, quæ tibi optas exhiberi. Quomodo iu B alio tuam potes aspernari naturam, qui in te ipso eamdem amplecteris? Omne animal sibi simile diligit, sic omnis homo diligere deberet proximum suum. Omnis caro conjungitur ad sui similem societatem. Samaritanus evangelicus, tametsi alienus esset a vulnerato, tameu curavit ægrotum, et quomodo tu non potes diligere proximum tuum? Sis ergo omni proximo amicus persecutionis tempore et non tantum prosperitatis; noli esse amicus mensæ aut fortunæ sed tribulationis, ut ejus adversitates tuas facias compatiendo, ut ejus dolorem tuum facias condolendo; ejus passionem tuam facias compatiendo, quæ est major charitas quam animam ponere pro amicis suis, et charitatem extendere ad inimicos. Haec sunt mirabilia in lege Domini. Sicut Deus misericordia tuae creaturæ, sic miserere in proximo tuae naturæ. Quam laudanda est charitas quæ proximos ligat, diversos compaginat, pluralitatem ad unitatem reducit, diversitatem in identitatem redigit? Haec est concors dissonantia, pluralitas unita, dissensus consentiens, varietas conjugens. Haec **85** est tunica Christi desuper contexta per totum (*Joan. xix*).

Haec est tunica Joseph distincta secundum opus plumarium (*Gen. xxxvii*). Haec est varietas qua legitur circumambicta regina de qua dicitur: *Astitit regina a dextris tuis in vestitu deaurato, circumdata varietate* (*Psal. xliv*). De hac unitate charitatis dicitur: *Ecce, quam bonum et quam jucundum, habitare fratres in unum!* (*ibid.*) *In unum*, non tam quoad locum quam quoad animum. Nam in uno loco habitare, et non esse animo uno, pœna est et non delectatio. Haec unitas ad cœlestem perducit unitatem, de qua dicitur: *Unam petiū a Domino, hanc requiram* (*Psal. xxvi*), etc. Haec unitas hominem in proximo ditat, in alterius felicitate lætitiat, haec bonum speciale in commune deducit, bonum alterius ampliat, non extinguit. Pudeat Christianos vinculo charitatis invicem non astringi, cum ethnicos pares in amicitia ex ipso naturalis amoris nexu legimus fuisse ligatos! Cum tempora-

#### VARIAE LECTIONES.

<sup>91</sup> Additur: Sed in adversitate recedit.

lis amor multos uuum in amicitia fecerit, celestis amore fideles vinculo charitatis non ligabit? Si frivola cause in multis amicitiam pariunt, æterna præmia idem non poterunt? O quanta suavitas in vera proximi dilectione, quam non parit favor humanus, non terrena commoditas, non humana carnis, sed sola charitas! Haec est quæ in Samuele orat pro Saule (*I Reg. xv.*). Haec est quæ pro populo ad Deum allegat in Moyse (*Gen. xxxii.*), haec sicut in David (*II Reg. i.*) pro Jonatha, pro Jerusalem in Jeremias. Certe a dilectione Dei deviat qui se ab amore proximi alienat, quia: *Qui proximum quem videt non diligit, Deum quem non vidit quomodo diligere potest?* (*I Joan. iv.*) O homo, nonne vis ut proximus te diligat propter Deum? eum dilige propter te ipsum: Ut ait moralis philosophus Seneca: « Si vis amari, ama. » O felix amor, quem non externæ causæ impellunt, verum insita summi forma boni, livore carens se contentus est. Talis amor in se suam habet dilectionem, non auxiliatur; in tranquillo posita est, non per ludibria defluit. O quam jucundum est in altero invenire te ipsum! Torporis est et negligentiae, charitatis usum obsoletum relinquere, et nobilissimæ virtutis non habere exercitium.

Gloriosum est veræ amicitiae esse artificem quæ superficialis dilectionis purgat fecem. Habeas amicum non ut te viset ægrotum, non ut famelicum cibet, non ut consoletur incarceratum, sed ut eum in carcere visites, esurientem cibes, potes sitiensem, recipias errantem. Si pauperem proximum diligis, ex sola dilectione cleemosynam facis, elemosyna enim cordis multo major est quam corporis; charitas enim in elemosyna sufficit, sine terrena substantia. Illa quoque quæ corporaliter datur, non sufficit, nisi benigno animo tribuatur. Tene igitur ordinem charitatis. Dilige Deum super omnia, te infra, proximum juxta, carnem infra. Dilige carnem tuam non ut ei servias, sed ut eam disciplinaliter corrigas, dilige eam ad bonum non ad sæculi luxum. Non separaris ejus voluntatem, sed eam cogas sequi voluntatem tuam. Tanquam bonus medicus, cura in ea quod infirmum est, quod factum, quod morbidum; sic ad tempus doleat ut in æternum congaudeat, ad tempus sentiat acrimoniam medicinæ, ut consequatur commodum sanitatis æternæ.

### CAPUT XXII.

#### *De pace.*

Ad pacem informant auctoritates sequentes: *Pacem relinquo vobis, pacem mean do vobis* (*Joan. xiv.*). Item: *Pacem habete inter vos* (*Marc. ix.*). Item: *Beati pacifici, quoniam filii Dei vocabuntur* (*Matth. v.*).

De pace etiam dicitur: *Pax qua exsuperat om-*

*A nem sensum* (*Phil. iv.*). Et: *Gloria in excelsis Deo, et in terra pax hominibus bonæ voluntatis* (*Luc. ii.*). Et Gregorius: « Si, quam sit magna pacis virtus ostendimus, quo a nobis sit studio colenda, cognoscimus, etc.; » hujus autem virtutis dignitatem ex eo satis cognoscimus, quod Dominus ac Redemptor noster eam pro magno munere discipulis suis relinquere dignatus est, ut **¶6** per banc sibi pacificarent in pacificatione consortes. Hanc itaque lex naturæ dictat, et elementa, planetæ, cæteraque insensibilia ulnis pacifice amplectuntur <sup>10</sup>.

Sunt autem tres species pacis, pax temporis, pax pectoris et pax æternitatis. Prima est pacis umbra; secunda pacis circumstantia; tertia pacis substantia. In prima sunt pacis faces; in secunda pacis reliquæ; in tertia dapes delicatae. Prima est imaginaria, secunda invitatoria, tertia substantiva. Prima pax in temporalium prosperitate consistit, secunda ex mentis tranquillitate provenit, tertia in jucunditate vita celestis existit. Prima pax <sup>11</sup> appetenda non est, quia fallax est et lubrica et transitoria, quæ cum teneri putatur, fugit. Haec est mulieris tempestas, prospera adversitas, deliciæ amaritudines, amaræ dulcedines. Haec pax in serenitate parit nubilum, in tranquillitate tumultum; ad similitudinem auræ inundans blanditur, tunc sœvit ad similitudinem maris, nunc tranquilla est, tunc statim exercitur et, ut dicit Seneca, eadem die ubi fluxerint navigia, sorbentur. His pacis voluptates experti sunt principes, experti sunt mediocres, experti sunt et pauperes. Qui hanc sperat, in lubrico pedem ponit, in naufragio locat navem, stat in præcipitio, seminat in arenoso.

Secunda pax longe excellentior est quam ista, quæ exterioris pacis lubricum non timet, quæ fortunæ nubilum non horret, quæ mentem purgat a vitiis; quam non demolitur conscientiæ vermis. Haec non possunt destruere fulmina principum, non excludere insultus hostium. Haec sola comite homo dives est, hac sola contentus est sapiens, hac comite tutus est in adversis, securus in periculis. Haec hominem filium Dei facit. Hanc parit virtutum conventus, vitiorum egressus. De hac dicitur: *In pace in idipsum dormiam et requiescam* (*Psal. iv.*).

In hac pace mentis est somnus tranquillus, quies pacifica, visio ve:a. Cujus mens ab exterioribus bonis pendet, hanc pacem non habet.

Qui sui contentus non est, ei talis pax deest. Qui in se pacem tenet, eamdem cum proximo retinet.

Non potest eam claudere intus qui eam non exercet forinsecus. Pax vero æternitatis est illa quæ exsuperat omnem pacem, ubi Deus est omnia in omnibus, unum omnia et omnia unum velle et

### VARIÆ LECTIONES.

<sup>10</sup> *In alio exemplari adduntur sequentia:* Haec est quæ in celis angelorum ordinat hierarchias. Haec in hominibus fluctus cogitationum sedat, mentem fluctuantem serenat, conscientiam purgat, et ab animo tumultum relegat. <sup>11</sup> *Additur:* Prima dat fortunam, secunda conscientiam, tertia vitam æternam.

unum nolle. Ubi contra rationem caro non obstrebit, ubi omnis voluntas Dei voluntati se subjicit, ubi homo pacem habet cum Deo, pacem cum se ipso. Ubi Simon magus non decipit, ubi Pharisæus phylacteria sua non dilatat, ubi Judæus non murmurat, ubi tantum gaudet Linus de bono Petri, quantum de proprio, ubi amor relativus, ubi affectus vicarius; ubi pacem non disruptit disordia, ubi fraus non facit in pace divortia, ubi omnia succedunt ad votum, ubi nihil impugnat affectum, ubi voluntatem comitatur effectus, ubi effectum affectus non præcedit<sup>16</sup>. Ad hanc pacem non veniet, nisi qui prius ordinaverit pacem in animo, nisi prius tumultus sedaverit in se ipso: nisi prius carnalium cogitationum rixam a se excluderit, nisi prius sui rector extiterit. Triplex pax prædicta olim variis est figuris signata. Per requiem quam habuerunt filii Israel in terra pronissionis significata est pax temporis, quia, sicut requies illa variis adversitatibus fuit respersa, sic pax temporis multis turbatur adversis. Per Sabbatum vero solemne in veteri lege, significatur pax nostræ conscientiæ; quia sicut in Sabbatho feriabantur homines ab opere servili, sic in pace pectoris feriatur a servitute peccati. Per **87** illam vero requiem qua sepius die requievit Deus ab opere suo (*Gen. ii*), significatur pax æterna, in qua quiescendum est ab omni labore. Prima pax calcanda, secunda tenenda, tertia appetenda. Si Cain pacem habuisset in pectore, non irruisset in fratrem (*Gen. iv*). Si Absalon mentis pacem tenuisset, non irruisset in patrem (*II Reg. xv*). Si animum Judæ serenasset conscientiæ tranquillitas, non confugisset ad laqueum (*Matth. xxvii*). O quam tuto locatur in throno, cui tranquillitas mentis blanditur, quam eleganter stravit lectum suum, qui in pace pectoris ordinat animum, quam secure cubat in lecto, qui pacem disponit in animo! In hac singulariter debet homo esse donec transeat. In hac tendens dormiat et requiescat.

### CAPUT XXIII.

#### *De prudentia.*

Si quis de prudentia doctrinam habere cupit, bac via procedat: *Estote prudentes sicut serpentes, et simplices sicut columbae* (*Matth. x*). Item: *Sapientia vincit malitiam* (*Sap. vii*). Et alibi: *Beatus vir qui in sapientia morabitur* (*Ecli. xiv*). Item: *Stultus suscitat rixas, sed et sapiens suscitatas mitigat* (*Prov. xv*). Seneca ait: « Quisquis prudentiam sequi desiderat, ductu rationis bene vivere incipiat, et non dignitatem rebus ex opinione, sed ex earum natura constitutam. » Prudentia est rerum bonarum et malorum, et utrarumque discretio, cum fuga mali et electione boni. Dicitur utrarumque, quia non suf-

A sicut bona et mala a se invicem dividere, sed etiam bona a se invicem, et mala similiter; et bona a melioribus et minus bonis; et mala a pejoribus et minus malis. Non sufficit illa discernere, nisi sequatur boni electio et mali aspernatio. Prudentia docet que videantur esse bona, et non sunt; et que non videantur esse bona et sunt. O homo, prudentia te docet, ut non mireris de rebus transitoriis que possides, nec quod caducum est magnum existimes. Prudentia te decebat, ut ea que tanquam aliena possides prudenter dispenses, et que non potes perpetuo tenere fructuose permittas abire. Si amplecteris prudentiam, ubique idem permanes, in nulla patieris jacturam, et prout rerum vel temporum varietas exigit, ita te accommodabis temporis, loco, personæ, causa, nec te in aliquibus mutabis, sed potius in omnibus adaptabis; sicut manus, que eadem est et cum in palmam extenditur, et cum in pugnum constringitur. Prudentia nec fallere vult, nec falli potest. Prudentia laudat parce, vituperat parcus; nam similiter reprehensibilis est nimia laudatio, quam immoderata vituperatio; illa siquidem adulatione, ista suspecta est malignitate. Prudentia testimonium veritati non amicitiae reddit. Cum discretione promittit, promissum accelerat, plenius quam promiserat præstat. Prudentia tribus temporibus dispensatur, præsentia ordinat, prævidet futura, præteriorum recordatur; nam qui nihil de præterito cogitat, vitam perdit; qui nihil

B de futuro præmeditatur, in omnia incautus incedit. Prudens proponit in animo et mala futura et bona, ut illa possit sustinere, et ista temperare. Non semper in actu est, sed interdum animum recreat pausatione quietis. Et requies ipsa plena est sapientiæ studiis et cogitationibus bonis; nam prudens nunquam otio marcat, nunquam desidia torpet, animum aliquando remissum habet, nunquam resolutum, accelerat tarda, expedit perplexa, emollit dura, aggreditur ardua<sup>17</sup>. Sapientem non movet dicentis auctoritas, non generis sublimitas, nec quid dicat vel agat, nec quam multum, sed qualibus placet cogitat. Id optat **88** et petit, quod optari coram omnibus possit. Nec altiori se imponit in quo vel stanti tremendum, vel descendenti cadendum.

D Tunc sibi salubria consilia advocat, cum sibi aliquid vitae prosperitas, secularis dignitas, tunc velut inlubrico pedem retinet et sistit; nec impetuose, sed circumscripte gressum procedere sinit. Ad prudentiam pertinent, circumspectio et cautio. Prudentia metitur futura secundum præterita; ut, si prudens aliquem videt cecidisse in tale vitium, tali occasione, secundum hoc metitur futurum, ne ex simili occasione decidat in consimile peccatum. O quantæ prudentiæ est, ex præteritis metiri futura!

### VARIE LECTIONES.

<sup>16</sup> Quis potest esse tumultus, ubi ipsa sapientia regnat? ubi una disponit misericordia? ubi principatur iustitia? <sup>17</sup> In alio exemplari sic: Scit enim quia via egredi debeat, et tuto singula destinat, ex aperitis obscuris exstimat, ex obscuris aperta pronuntiat, ex parvis magna, ex proximis remota, ex partibus tota, ex malis bona, ex otiosis seria.

ex ante factis instantia, ex similibus similia, ex si-  
gnis consequentia! Ad eamdem prudentiam per-  
nit circumspectio, quæ nihil aliud est, quam cau-  
tela contrariorum vitiorum, qua ita fugimus unum  
vitium, quod non incurramus in contrarium. Verbi  
gratia: sic avaritiam cavemus, quod non incurra-  
mus prodigalitatem, hanc virtutem Salomon per-  
suadebat, dicens: *Omnis custodia serva cor tuum* (Prov. iv). Dicturus *custodia*, præmisit *omni*, ne si  
huic ostio seras claudas, alia ex parte aditum pan-  
das. Sunt enim multi, qui sic unius vitii eva-  
dunt insultum, quod in alterius retinaculum labun-  
tur. Sic enim vitia sibi invicem subministrant, ut  
dum quis latenter effugit unum, aliud vicaria vi-  
cissitudine retinet fugitivum. Ad eamdem pruden-  
tiæ pertinet cautio, qua prudentia discernit vitia  
virtutum speciem præferentia. Unde ait Isidorus:  
« *Vitia virtutum præferunt speciem, unde perni-*  
*ciosius sectatores suos decipiunt, quia sub vela-*  
*magine se virtutis tegunt; nam sub prætextu justitiae*  
*crudelitas agitur, et remissa segnities mansuetudo*  
*creditur: Plerumque hoc agit torporis negligentia*  
*quod agere creditur indulgentia. Ex his liquet quod*  
*se contentus est pruens ad beatæ vivendum. Unde*  
*Crispus ait, « Sapientem nulla re egere, » summum*  
*enim in se bonum habet, et ideo extrinsecus instru-*  
*menta bonitatis queri non oportet. Intus in mente*  
*colitur summum bonum, intus totum complectitur,*  
*quia exterius formam<sup>10</sup> non amplectitur. Incipit*  
*enim fortunæ esse subjectus, qui aliquam partem bo-*  
*nitatis querit extrinsecus. Prudens vero intra se omne*  
*bonum terminat, et si omne bonum fortunæ amittat,*  
*clamabit: Omnia mea mecum sunt, scilicet prudentia,*  
*justitia, fortitudo, temperantia. Omnia quæ eripi*  
*possunt, bona non putat. Imprudenti nihil sufficit,*  
*sed non est contentus, sibi relinqu non debet. Si*  
*nulla res opus est, nulla re scit uti, sed eget omniibus.*

#### C A P U T X X I V.

##### *De fortitudine.*

Ad fortitudinem invitant hæc auctoritates: « *Estote*  
*fortes in bello, et pugnate cum antiquo serpente*<sup>11</sup>. »  
Seneca ait: « *Si magnanimus fueris, nunquam ju-*  
*dicabis tibi contumeliam fieri: de inimico dices:*  
*non nocuit mihi, sed animum nocendi habuit.* » O  
quam generosa magnanimitas quæ, cum inimicum  
babet in potestate, vindictam judicat vindicare po-  
tuisse. Honestum et summum genus vindictæ judi-  
cat ignoscere, neminem ex improviso impedit, pa-  
lam aggreditur; non gerit conflictum nisi indixerit;  
adversa non deprimit, prospera non extollunt.  
Fortis pericula non appetit velut temerarius, nec  
formidat ut pavidus<sup>12</sup>. Hæc est quæ fecit Vincen-

##### VARIAE SECTIONES.

<sup>10</sup> *In alio, pro formam, legitur fortunam.* <sup>11</sup> *Aliud exemplar habet: pugnate contra antiqua*  
vitia. Et Claudius ait: *Quid enim generosam humanitatem vela aggredi pigeat cœptum fatiget?* <sup>12</sup> *Miramur quædam animalia quæ per medios ignes sine noxa corporis transeunt; quanto mirabilior est vir fortis, qui per ferrum, prunas et ignes, illæsus et indemnis animo evadit?* <sup>13</sup> *In alio*  
*exemplari habetur: In tribulatione spirituales delectationes invenit.* <sup>14</sup> *Additur: Equuleum am-*  
*pletectitur, optat vincula, et spontaneæ currit ad mortem.* <sup>15</sup> *Additur: Si hanc Petrus habuisset, non*  
*ad vocem ancillæ a fide deviasset; si hac filii Israel præfici, ad aquas contradictionis non murmurasset.*

A tium plus posse dum torqueretur, quam ille qui torquebat.

**B** 89 O homo, si virtutem hanc complexus fueris, fortunæ jaculum non timebis; deridebis blandam, contemnes iratam. Qui fortis est liber est, non servit fortunæ, non varietati mundanæ. Vide, quanta fuerit in martyribus fortitudo, qui tormenta vicerunt, qui sua magnanimitate ipsis illusere ty-  
rannis, qui projecti corpore, non sunt projecti mente; qui adversitatì terga non verterunt, sed magna-  
nanimiter restiterunt. Est autem triplex fortitudo: fortitudo hypocrite dealbati, fortitudo philosophi, fortitudo justi. Prima venatur vanam gloriam, sed venando meretur æternæ damnationis ignominiam. Hæc sic trahit gloriam, quod non sit in gloria. Hæc potius imbecillitas est quam magnanimitas, potius infirmitas quam valetudo. Hanc prætendunt hæretici, hanc præsumunt fratres falsi. Secunda est, qua philosophi spernebant fortunam mundi, asper-  
nabantur gloriam, respuebant divitias, abdicabant potestates humanas. Sed hæc fortitudo insufficiens erat ad meritum, impotens ad vitæ præmium; quia carebat forma, id est charitate quæ est forma omnis affectionis bonæ. Secundum hanc fortitudinem dicitur rigor fuisse in Catone, magnanimitas in Socrate, mundi contemptus in Diogene.

**C** Sed quia hæc fideli fundamentum non habuit, eam spes non erexit, charitas non perficit, virtutis meritum amisit. Fortitudo vero justi est quæ sine constituit Deum, debitum non omittit officium. Hæc fortitudo est quæ mortem contemnit, quæ domum paupertati spirituali aperit, voluptates sub freno rationis jacere cogit. Tria sunt fortitorum incommodorum genera: paupertas, morbus, ty-  
ranni violentia. Contra paupertatem valet fortitudo ut non frangatur animus, sed amplior sit interior, et tanto magis ditescat in mente, quanto minus abundat in rebus fortunæ. Valet fortitudo contra morbi insultum; hæc enim in dolore gratias Deo agit, spirituales delicias invenit in tribulatione<sup>13</sup>, ut potius cedant morbi in mentis commodum quam in corporis detrimentum. Sicque morbus affert medicinam, infirmitas sanitatem, tristitia gaudium. Fortitudo tyranni violentiam expugnat, cuius crudelitatem enervat, carcerem respuit, mortem non metuit<sup>14</sup>. Homo, nil valet tua operatio, nisi columna fortitudinis roboretur. Nutat ædificium bonæ operationis, nisi innitur columnæ fortitudinis: hac fracta, totum ædificium corruit, et Samson, id est vir fortis, semetipsum interficit<sup>15</sup>. Hæc æquat adversa prosperis et prospera adversis, ut non magis erigatur quis prosperis, quam deprimatur.

adversis. Prospera judicat sumum, et quasi spumam transeuntem, adversa quasi nebulam fugientem. Ipsa magnanimitas ostendit quod infirmitas hominem in tribulatione facit potentem, quæ ex se nullam habet virtutem. Ceterarum cardinalium virtutum regina est prudentia. In ea formiam inveniunt, ab ea modum requirunt, sine ea, quæ virtus esse videtur, decidit in fatuatatem quod bonum esse appetit, labitur in temeritatem. Prudentia est quæ docet quid cogitandum, quid qua intentione agendum, quomodo ad finem perducendum. Hæc metitur vires humanas, hæc ponit cogitationibus metas, hæc dirigit motus mentis, intuitus rationis, hæc ponderat bona, examinat mala? Quid valet religio, nisi prudentia recipiat condimentum, quid jejunium, nisi sale sapientiae conditum. Quare, o homo, antequam quidquam aggrediaris, considera in speculo prudentiae, modum tuæ actionis, lege in libro prudentiae quid agendum sit, quid cavendum. Ille liber non fallit, ne niminem decipit, sed omnes ejus sententiae sunt assertiones veræ et honestæ.

### 90 CAPUT XXV.

#### *De temperantia vel modestia.*

Boc modo procedat prædictor in sermone de temperantia, vel modestia:

*Modestia vestra nota sit omnibus hominibus, Dominus prope est* (Phil. iv). Item Apostolus: *Sobrie, et juste, et pie vivamus in hoc sæculo* (Tit. ii). Item: *Sobrietatem sectantes* (*ibid.*). Et Hieronymus: « *Modicus et temperans cibus, utilis est animæ et corpori.* » Idem iterum: « *Omnia sunt virtuti continentiae preparata.* » S. Gregorius: « *Altitudo continentium munditia est continentium.* » Et alibi poeta:

*Medium tenuere beati.*

Et:

*Medio tutissimus ibis.*

Considera quantum natura poscat, non quantum gula concupiscat. Si continens fueris, eo usque pericies, ut te ipso contentus sis. Nam qui sibi satis est, in deliciis natus est. Impone concupiscentiae frenum. Omnia quæ blandimento, et quæ voluptati animum trahunt, rejice, ede citra saturitatem, bibe citra ebrietatem, desideria tua parvo redime; quia hoc tantum curare debes, ut desinant. Ad cibum accede non ad voluptatem: palatum tuum fames excitet, non sapores. Nunquam paupertas immunda tibi sit, nec parcimonia sordida, nec simplicitas neglecta, nec levitas languida; nec tua desleas, nec aliena mireris. Si continentiam diligis, turpia fugito, antequam accident<sup>9</sup>. Non acerba, sed blanda verba teneas. Esto vitiorum fugator ipse, aliorum vero non sis curiosus scrutator neque acerbus reprehensor, sed sine reprobatione corrector ita, ut admonitione hilaritatem prævenias, et erroris veniam facile dato. Non extollas quempiam supra modum, nec dejicias. Esto tacitus dicentium

A auditor<sup>9</sup>. Facile quærenti responde, contendenti facile cede, nec injuria, execrationesque descendas. Si vis esse continens, et animi et corporis motus observa, ne indecori sint; nec ideo illos contemnas quia latent; nam nihil refert quod nemo illos videat, cum ipse illos videoas. Paucis familiaris sis, omnibus æquus; superior vita quam vultu, ulti clemens, sævitæ detestator, optior bonæ famæ, non tamen inanis gloriæ seminator; imo, extra inanem gloriam occultator virtutum, sicut alii vitiorum; vanæ gloriæ contemptor et honorum; quibus prædictus eris non acerbus exactor. O quam

*Rara avis in terris, alboque simillima corvo,* quæ teneat mensuram hujus mediocritatis. O quam gloria virtus temperantiae quæ virtutem facit tenere medium, ne fiat lapsus in diniutum, vel excessus in superfluum. Hæc est spiritualis circumcisio, quæ singulorum sensum superfluum limationis præcedit. Hæc est ad quam Seneca invitans ait: « *Temperetur vita inter boños mores et publicos: magnus illo est qui sic fictilibus utitur quemadmodum argento; nec ille minor est qui sic utitur argento quemadmodum fictilibus.* » Idem ait: « *Nec sordeat, nec nimis splendeat habitus. In mediocritate virtus est, non in dejectione.* » O homo, temperantiae terminis te astringe, cave ne avarus sis, nec inhoneste contrahas prodigalitatis notam; cæteras quoque virtutes temperantiae regulam metire. In justitia temperantia tenenda est, ut reverentia disciplinæ ejus neque nimia communitate negligenter despacta vilescat, nec sæviori atrocitate gratiam humanæ amabilitatis amittat. Hæc in fortitudine mensuram ponit, ut sciat et prospera suscipere<sup>9</sup> et adversa non inconsulte appetere. Hæc ordinat prudentiam, ut non sapiat ultra debitum; sed sapiat ad sobrietatem, nec ultra mensuram inquisitionis turpiter obsolescat. Temperantia per omnia omnem substantiam bonis operibus exornat, circumstantiam informat. Hac ita metitur tempora, loca, personas 91 et causas, ut juxta limitem ejus ambulans, in hujus mundi abruptis, et vitæ temporalis præcipitiis ruinam pati non possit. Si quis hac armatus fuerit, nihil in eum potest livoris stimulus, detractionis cumulus; nihil inventit in eo diabolus quod accusat, nihil conscientia quod extirpet, nihil mundus quod derideat, nihil purgatorius ignis quod purget.

D CAPUT XXVI.

*Contra verbositatem et linguae evagationem.* Si quis a verbositate et effrenata linguae evagatione cavere studet, hæc quæ sequuntur diligenter attendat. Ait Apostolus: *Ineptas et viles fabulas devita* (1 Tim. iv). Hieronymus ait: « *Scurrilitas atque lascivia, te præsente non habeant locum.* » Omno quod non ædificat audientes, in periculum vertitur audientium; *Corrumpunt enim bonos mores colloquiis*

#### VARIAE LECTIONES.

<sup>9</sup> *In alio exemplari ita: Omnia tolerabilia præter turpitudinem concede.* <sup>9</sup> *Additur: Audientium promptius susceptor.* <sup>9</sup> *In alio, pro suscipere habetur sustinere.* <sup>9</sup> *Pro ultra habetur citra.*

*mala* (*I Cor. xv*). *Sixtus etiam ait*: « Lingua mali-  
loqua indicium est malæ mentis : » Lingua tua  
sensum tuum sequitur, verbum sine sensu oppro-  
brium est. Ad Nepotianum quoque Augustinus di-  
cit: « *Officii* tui sit, charissime, non tantum oculos  
servare castos, sed et linguam : nunquam ad  
luxuriam moveatur corpus, ad jocos vel inania  
verba nec moveatur lingua. » *Sixtus etiam ait*:  
« *Sermo vanus vanæ conscientiæ index est* : « Qua-  
lis sermo ostenditur, talis etiam animus compro-  
batur. O homo, qualis futurus es in factis, si dis-  
solutus inveniaris in verbis ? non major est gloria  
dicere nota, quam silere otiosa. Stultus est qui  
primum non inducit verbum ad limam rationis,  
quam educat ad linguam sui oris. Prius debet homo  
habere verbi scrutinium, quam dicendi usurpet  
officium. Cave ne in publico verba facturus, ver-  
bositas tua verecundiam pariat imperitis, indignationem peritis. Fluxus verbi significat animum  
fluxum ; et qualis sit homo in mente verbositas  
depingit in ore. Verbositas hominem mutat in scur-  
ram, transformat in minuni, in joculatorem dejicit,  
humanæ naturæ deponit dignitatem. Refrenanda  
est lingua, ut ait Jacobus (*cap. iii*), *quæ inflamat rotam nativitatis nostræ*. Rota autem nativitatis no-  
stræ est præsens vita, quæ ab ineunte ætate, in  
multipli volvitur volubilitate. Hanç inflamat  
linguæ mobilitas in adolescentia ad jocosa, in ætate  
virili ad fraudulenta, in senili ad detractoria. Se-  
danda est ista scintilla ne evadat in flammam ; C  
surculus ne exrescat in silvam ; gutta ne intu-  
mescat in torrentis abundantiam. Majus est refre-  
nare linguam quam capere civitatem, quia illud  
insultat interius, hoc exterius. Hic sumuntur arma  
contra te de te ipso, ibi vero pugnatur de alieno.  
Summa tamen verecundia est et depressa dejectio  
unicum non posse refrenare membrum, vile non  
posse sibi subjungare mancipium. Si in humido lo-  
cata est lingua, sistatur per constantiam ; si egredi  
vult, refrenetur per temperantiam, apponatur pes-  
sulum rationis, circumcidatur lima discretionis.  
Si equo frenum imponitur ne contra equitem eva-  
getur<sup>6</sup> ubi non imminet nisi corporis periculum,  
multo magis frenum apponendum est linguæ, per  
quam periculum imminet animæ<sup>7</sup>. Melior est vera  
simplicitas, quam abundans loquacitas : melior est  
sancta rusticitas, quam peccatrix eloquentia. Facile  
contemnitur qui frequentius non vocatus in gar-  
ritum resolvitur. Assuesce igitur linguam tuam  
bene loqui ; pretiosa est lingua quæ non novit nisi  
de divinis rebus verba construere ; et sanctum est  
os, unde semper coelestia proferuntur eloquia.  
Considera te redditum rationem de omni verbo  
otioso : *Otiosum autem est verbum* (*Matth. xii*), ut  
dicit Gregorius, et quod caret aut utilitate rectitudi-

A nis, aut ratione justæ necessitatis. » Verbositas est  
semen quod fructum non facit, sal infatuatum  
quod ad nullius rei valet condimentum, sed potius  
terram sterilem reddit, quia auditores in **92**. ca-  
chinnum convertit. Noli, homo, stude pluralitati  
verborum sed fructuose brevitati sententiarum,  
quia, ut ait Hieronymus, brevitatibus studens, non de-  
bes plura dicere. Et si castitatem habes in mente,  
non eam fredes in honesto sermone, et non loquendo  
et discurrendo, sed tacendo et sedendo te sapientem  
monstra. » Garrulus nunquam loqui erubescit,  
non considerat quid, sed quantum dicat, non me-  
titur sententiarum sed verborum abundantiam.  
**B** Sermo moderatus sancta reverentia est, sermo im-  
moderatus impudicitæ nota. Quidam, ut verbositati  
indulgeant, imprudenter Scripturas demonstrant,  
quas tamen non intelligunt, et cum aliis persuase-  
rint, eruditorum sibi supercilium assumunt. Re-  
vera garruli<sup>8</sup> sunt vitandi velut venenosa anima-  
lia, qui verbositate sua alios infatuant, et quæ nec  
sibi nec aliis prosunt imprudenter eructant ; et, ut  
Hieronymus ait : « Quidam rumores turpissimos fe-  
runt, et quod ab ipsorum egressum est labii, au-  
diisse se dicunt. » Quidam adversus alios sunt lo-  
quaces et garruli, pro se vero elingues et muti.  
Verbositas est speculum mentis, et garrula lingua  
littera cordis.

Audi quid dicat Evangelium: *Bonus homo de bono thesauro cordis sui profert bona* (*Matth. xi*). Salomon quoque ait: *In multiloquio peccatum non deerit, et qui moderatur labia sua prudentissimus est* (*Prov. x*). Qui custodit os suum, custodit animam suam ; qui autem inconsideratus est, sentiet mala (*Prov. xiii*). Homo sapiens tacebit usque ad tempus, lascivus autem et imprudens vel impudens non servabit tempus. Item David ait: *Vir linguosus non dirigetur in terra* (*Psal. cxxxviii*). Et Gregorius: *Vir linguosus imperitus est, prudens paucis uitur verbis*. Brevis sermo scientiam facit, loqui multum  
stultitia est. In principio audi, loquere novissimus,  
finis plus habet honoris ; melior novissimus sermo quam primus.

## CAPUT XXVII.

### Contra mendacium.

Qui vult mendacii vitare perniciem, his se infor-  
met sententiis; legitur in Evangelio: *Non falsum testimonium dices* (*Matth. xix*). Et Paulus ait: *Deponentes mendacium, loquimini veritatem unusquisque cum proximo suo* (*Ephes. iv*).

Salomon etiam ait: *Qui mentitur, testis est frau-  
dulentus. Abominatio est Domino, lubia mendacia :  
qui autem fideliter agunt, placent ei* (*Prov. xii*). Os quod mentitur occidit animam (*Sap. i*). Et David ait: *Perdes omnes qui loquuntur mendacium* (*Psal. v*). Item Isidorus ait: *Omne quod a veritate dis-*

### VARIÆ LECTIONES.

<sup>6</sup> *In alio exemplari sequitur*: Ne deseratur in præcipitia, ne decidat in abrupta. <sup>7</sup> *Subiunguntur sequentia*: Ne nos deserat in scurrilitatis lucum, in perditionis præcipitum, in detractionis venenum, et ad ultimum, in poenæ gehennalis abyssum. <sup>8</sup> *In alio habetur*: Rumigeruli sunt vitandi.

cordat, iniquitas est. O homo, quantum a sumnia veritate discordas, dum segmentis mendaciorum operam præstas! quomodo putas te venturum ad veniam, si es in verbis dissentiens a vero, nescio qua conscientia ea lingua quis rogit Deum qua eructavit mendacium. Nullum est peccatum quo ita cauteriatur conscientia, ac mendacii nota. Cum omne peccatum mortale hominem alienet a vero, nullum malum magis quam mendacium, quod derogat veritatis naturæ. Hoc est vitium quod falsa testimonia commentatus, fabricat adulaciones, invenit fraudes, consummat detractiones. Per hoc vitium corde et ore quis loquitur, et in semelipso diversificatur. Negat ore quod tenet in corde. Per hoc vitium, cor contradicit cordi, os obviat cordi. Hoc vitium hæresim parit; schismata facit, generat suspiciones, inauditos concinnat rumores, colorat probra, palliat denudata, denudat velanda. Hoc assistit perjuris, assidet actionibus dishonestis, contra omnes res lege naturali ad utilitatem proximorum tendit, cum ipsam etiam veritatem oppugnat. Hoc tantæ malitiæ rubiginem in se continet, quod ea nulla ratione excusari possit. Non hanc solvit a reatu in 93 obstetricibus naturalis pietas (*Exod. i.*); non in Gabaonitis rationabilis timiditas (*Josue xx.*), non in Petro error mentis (*Matth. xxvi.*), non in Anania providentia necessitatis (*Act. v.*).

Nullum est peccatum quod ita aspirat ad dolium, tendit ad fraudem, spectat ad deceptionem, anhelat ad prodictionem, sicut mendacii vitium, falsitatis flagitium. O filii hominum, usquequo gravi corde, ut quid diligitis vanitatem, et queritis mendacium (*Psal. iv.*)? nimis vultis sectari nostræ naturæ vanitatem, qui et in verbo commutatis veritatem. Sed si modo in mendacio fuerit culpa, in veritate in futuro non deerit poena; et qui nunc fuerit per mendacium falsus, in futuro erit in gehenna verus. Scis quoniam imitaris per mendacium, patrem mendacii diabolum, qui in veritate non stetit, sed per superbiam vanitatem decidit. Hujus filii sunt, qui recedunt a vero. Hujus sunt complices qui indulgent falsis. O homo, si in tuo mendacio est falsitas, in culpa erit veritas. O miserabilis mendacii effectus, qui propositione falsa consequenter infert verum supplicium. O quanta imprudentia, o quanta fatuitas, pro verbo mendacii sustinere verba æterni supplicii! Quantum deviat ab officio linguæ, qui commaculatur mendacii sorde! Satis homo suæ nativitatis exprimit rotam, quando labitur per falsitatis offensam. O homo, si vis cavere verba mendacii, linguam informa ad veritatem, a verborum scurrilitate averte. Mendacium servitum est, quod totam locutionis massam in sui amaritudinem convertit. Est autem triple mendacium: mendacium vanitatis, mendacium falsitatis, mendacium intentionis. De primo dicitur: *Vana locuti sunt unusquisque ad proximum suum*, etc. (*Psal. xi.*)

A De secundo dicitur: *Omnis homo mendax* (*Psal. cxxv.*). De tertio: *Perdes omnes qui loquuntur mendacium* (*Psal. v.*). Primus miserabile, secundum culpabile, tertium abominabile. Primus poenæ, secundum culpe, tertium malitiæ. Primum innatum, secundum excoxitatum, tertium elaboratum.

## CAPUT XXVIII.

## Contra detractionem.

B Hæ auctoritates remedium præstant contra detractiones; Hieronymus ait: « Cum factum aliquod a maledico fingitur, alterius fama vexatur. » Idem ait: Non juste potes in aliis reprehendere, quod ipse facis; nec arguere simulationem potes, cum ipse reus tenearis. Item: Cave ne aut linguam aut aures habeas prurientes, id est ne ipse aut aliis detrahias, aut alios audias detrahentes. « Nulli detrahias, nec in eo te sanctum putas, si cæteros laceres, si detractionibus tuis alios vulneres. Non est hoc emendare, sed vitio tuo satisfacere. » Item: Incongruum est latere corpore, et lingua per totum orbem vagari. Vide ne dum reprehendis vitia, vitium detractionis incurras. Item: Querulum est servorum genus, et quantumcunque tribulatur, illis minus est; non enim considerant quid, sed quantum detur, doloremque suum solis detractionibus consolantur. Idem: « Qui aliis crebro detrahit, quamplurimos offendit; turpe est lacerare absentes, et alienam vitam describere; minus disertus est, qui se excusat alieno errore. » Detractor scorpionis

C gerit imaginem, quia sicut scorpio præsert virginis vultum, et consequenter emittit aculeum, et a superiori vulnus infert acutum<sup>9</sup>; sic detractor in facie hominum verba favorabilia proponit, et in occulto aculeum detractionis concludit, et quasi a superiori vulnerans, melioribus detrahit. O homo, quid de te cogitas, dum jaculum detractionis vibras? Prima sagitta in te revertitur, et prius tibi quam aliis vulnus infertur. Male velas tui facti enormitatem, qui eam palliare cupis per alienam detractionem. Dum detrahis hominibus, suspectum 94 redidis, omnibus te odiosum facis, et quos honestis sermonibus amicare deberes, veneno detractionis eis inimicari studes. Dum alios deturpare niteris, te profundius inficias; et quod in alios commentaris falsum, in te invenis verum. De detractoribus dicitur: *Sepulcrum patens est guttur eorum*, etc. (*Psal. v. xiii.*) Sepulcrum dealbatum exterius, fetorem cadaveris tenet intus; sic detractor interiore malitiam colorare volens, in morsus detractionis exit. Sed per hoc potius sepulcrum aperitur, et interioris malitiæ fetor egreditur. Detractores canum gerunt imaginem; qui indiscrete latratibus intendunt et omnibus morsus inferunt. Hi sunt qui in scirpo inveniunt nodum, in immaculato maculam, in rotundo angulum, in splendido tenebrosum. Hæc est pestis hypocritarum, morsus invidorum; pestis illa nulli parebit, auget culpam, diminuit gratiam,

## VARIAE LECTIONES.

<sup>9</sup> In alio exemplari habetur arcuatum.

errat in proximum, peccat in Spiritum sanctum. A Hac maligna peste intonantes Scribæ et Pharisæi dicebant : *In Beelzebub principe dæmoniorum ejicit dæmonia* (*Luc. xii, Marc. iii*). Et alii clamaverunt : *Samaritanus es tu, et dæmonium habes* (*Joan. viii*). O homo, quæ commoditas in detractione? quæ utilitas in maledico dente? Dum proximo nocere erdis, magis honori ejus accedis; quia solet detrahi bonis, et in virtutem desævit tabes livoris. Designatur eniū lingua maledica in vitia exercere malitiam, et totam se armat ad proximi diminuendam justitiam, et sic suæ detractionis rubigine alterius famam expolit, suaque demorsione alterius gloriam purgat et extollit. Detractio invidiam prædicat animi malignitatem denudat; et quod interius est inconnitum, exterius vomit per detractionis venenum<sup>10</sup>. O homo, si arguis argue ad mensuram, reprehende ad cautelam, non ut proximus scandalizetur, sed ut corrigatur. Argue, non ut tuum facinus pallies, sed ut alterius vulnus sanes. Ad scurras pertinet detractio, qui adulantur ut emungant pecuniam; qui detrahunt ut divites stimulent ad largitiones faciendas; qui per adulaciones in auribus potentum citharizant; qui juxta doni mensarum laudes ponderant, qui per detractiones acquirunt quod per virtutes non possunt. Horum lingua quæ cibos venatur, erit cibus ignis æterni; et quæ per detractionem altrahit munera, gehennali distrahetur poena.

Detractio est inimica virtutum matri, scilicet charitati; quam a se fugat, qui proximum detractione sugillat, quia Spiritus sanctus detractioni effugiet segmentum, mendacium abhorret reprehensionis, detractionis peccatum. Nec hic, neque in futuro locum remissionis vix invenit, qui Spiritum sanctum offendit. O homo, qui cinis es et pulvis, quæ fronte, quo supercilium verecundiae perfusus charactere, in meliorem audes detractionis venenum evomere, aut in minus malum, vel parum, judici sententiam ferre? Si proximum judicas injuste, a majori judicaberis juste: pro judicio detractionis, æternæ senties judicium damnationis.

#### CAPUT XXIX.

##### *Exhortatio ad orationem.*

Hæc est doctrina ad orationem: *Omnia quæcumque petieritis in oratione, credentes, accipietis* (*Math. xxi*). Orate pro invicem ut salvemini; multum enim valet deprecatione justi assidua (*Jac. v*). Longe est Dominus ab impiis, et orationes justorum exaudiens (*Prov. xv*). Ante orationem præpara animum tuam, et noli esse quasi homo qui tentat Deum (*Eccli. xviii*). Deprecationem læsi exaudiens Deus (*Eccli. xxxv*). Fili, in infirmitate tua noli despicer te ipsum, sed ora Deum, et curabit te. Surge a lecto, averte te a

A delicto, et dirige manus, orationibus et lectionibus nocte ac die vaca, et cum somnus de oculis tuis ceciderit tunc sensus in oratione evigile. Sicut militi 95 sine armis exire ad bellum non convenit, ita Christiano cuiilibet sine oratione procedere non expedit. Unde Hieronymus: « Egradientem de hospitio armet oratio. » Quanto graviori tumultu carnalium cogitationum premimur, tanto orationi ardenter insistere debemus<sup>11</sup>. Melius est cum silentio cordis orare, quam solis verbis, sine intuitu mentis; psallendi enim utilitas, tristitiam cordis consolatur.

Tantus debet esse erga Deum orandi affectus, ut non desperet precibus consequi effectum. Inaniter oramus, si spei fiduciam non habemus. Qui a praceptis Dei avertitur, quod in oratione postulat non merebitur. Cæsarius dixit: Sic orationi et lectioni debemus incumbere, ut interdum etiam manibus aliquid possimus exercere. Sicut venenata anima fortiores herbæ, vel et pigmenta pellunt, ita et cogitationes sordidas oratio munda pellit. Noli, o homo, orationem aliqua circumstantia deformare; æterna petas, non temporalia. Si terrena petas, oratio tua caret materia; si non ex charitate, caret forma: pete ergo pie, ut informetur oratio; perseveranter, ut radicata sit intentio; et ea quæ ad salutem æternam spectant, ut stabili adhærent fundamento. Noli enormia petere, ne in peccatum tibi vertatur oratio, ut oratio Judæ. Noli petere ex rancore animi, ut filii Zebedæi, qui petierunt a Christo ut ignis descenderet de cœlo, qui Samaritanos vastaret (*Luc. ix*). Hi enim non postulaverunt intuitu justitiae, sed amore vindictæ. Si oras, exclude ab animo cogitationum tumultum, claudet tuæ mentis ostium, intra cordis tui cubiculum. Cum oras ad Deum, serva suavitatem tui unguenti, ne muscæ morientes perdant suavitatem thymiamatis sancti (*Eccl. x*); id est cave ne in oratione tua se pravæ cogitationes immisceant, quæ meritum orationis perdant. Si hostiam orationis offers Deo, abige cum Abraham aves a sacrificio (*Gen. xv*), ne hostiis insidentur easque inficiant; quia timendum est ne cogitationes immundæ corruptant suavitatem orationis propositæ. Multi enim sunt, qui habent in ore Deum, in mente diabolum; qui voce Deum laudent, mente autem blasphemant, et cum lingua sit in hymnis, animus est in patinis; ac quod ore latentur, animo dissentunt. Tales, quantum in ipsis est, Deum derident, divinam majestatem blasphemant, ac, cum linguae peccata remitti orant, ea in mente retinere non dubitant. Imo, quidam sunt qui os in orando polluant, et animam insciunt. De his Seneca ait: Nunc quanta est dementia hominum! Turpissima vota Deo insurrant,

#### VARIÆ LECTIONES.

<sup>10</sup> *Sequentia omnia deerant in nostro exemplari, desumpta autem sunt ex alio antiquiore.* <sup>11</sup> *In exemplari veteri additur: Hinc Isidorus: Citius ad precem flectitur judex, si a pravitate sua peccator corrigatur.*

si quis amoverit aurem, conticescent : quod homines scire nolunt, Deo narrant. « Sic cum hominibus vive, tanquam Deus videat, sic loquere cum Deo, tanquam homines audiant. » O homo, si vis exaudiri, digne digna pete, sic Deum postulabis, quod ad Deum pertinet dare. Est autem quædam oratio periculosa, qua petimus mala, qualis fuit oratio Judæ proditoris, quia petiit proditionem Salvatoris. Alia quæstiosa, qua petuntur temporalia, qualis fuit petitio filiorum Zebedæi, qua petierunt ut unus sederet a dextris, et alias a sinistris Dei in regno suo, quem credebat temporaliter regnaturum (Matth. xx). Alia est infructuosa, qua quis obstinatus petit salutem æternam, de qua dicitur : *Non omnis qui dicit mihi Domine, Domine, intrabit in regnum cœlorum* (Matth. viii). Alia est fructuosa in qua de contingentibus nihil omittitur, de qua dicitur : *Quodcumque petieritis Patrem in nomine meo, fieri vobis* (Marc. xi, Joan. xvi). Ubi potius intelligitur numen nominis, quam nomen numinis. Ille vere petit in nomine Jesu, qui salutari intentione petit, et ad salutem æternam. Hæc sola oratio allegat apud judicem, perorat apud cœlestem Principem. De hac in Canticis amoris dicitur : *Quæ est ista quæ ascendit per desertum sicut virgula sumi ex aromatis myrræ et thuris et universi pulveris pigmentarii?* (Cant. iii.) Hæc enim vere ascendit, quæ penetrat paradisum et ascendit usque ad Dei thronum.

**96** Hæc eleganter dicitur *virgula*, et directa, quia sicut virga ex directo in altum dirigitur, sic oratio fructuosa in terrena non curvatur, sed ad cœlestia inflexibiliter dirigitur. Eleganter autem comparatur fumo, quia sicut fumus ex igne nascens tendit in altum, sic oratio fructuosa ex camino charitatis orta, ascendit in altum. Eleganter etiam per desertum dicitur ascendere, quia animus per quem talis oratio effunditur, ab omni pravarum cogitationum strepitu separatur. Hæc est *ex aromatis myrræ et thuris*. Thus affert odorem, myrra amaritudinem. Per thus ergo significatur mentis devotio; per myrram, pœnitentiae amaritudo. Ergo ex amaritudine pœnitentiae de peccatis, et odore internæ devotionis, constare debet unguentum orationis. Quia quicunque orare fructuose desiderat, necesse est ut de peccatis pœnitens, mentis devotionem orando redoleat. *Et universi pulveris pigmentarii.* Pigmentarius est Christus, qui diversis pigmentis virtutum suos illustrat, et quasi pigmentario nectare inebriat. Hujus pigmentarii pulvis universus, est multiplex virtus, de qua orationis unguentum confidere debemus.

#### CAPUT XXX.

*De compunctione, seu contritione.*

His auctoritatibus potest aliquis informari ad com-

A punctionem et contritionem cordis; ait propheta : *Scindite corda vestra et non vestimenta vestra* (Joel. ii). Et Joannes : *Pœnitentiam agite, appropinquavit enim regnum cœlorum* (Matth. iii.) Et Psalmista : *Sacrificium Deo spiritus contributus* (Psal. 1). Item sanctus Augustinus : « Qui non habet compunctionem, non habet mundam orationem. » Et sanctus Isidorus : « Prius lacrymis purganda sunt vitia quæ gessimus, et tunc mundata mentis acie, id quod querimus contemplemur. » Compunctionis cordis, est humilitas mentis cum lacrymis, de recordatione peccati, et amore judicis, et timore judicii. Ille perfectior est compunctionis effectus, qui a se omnes carnalium desideriorum affectus repellit, et intentionem suam toto mentis studio in Dei contemplationem desigit. B Gemina quoque compunctione anima electi afficitur, id est dum operum suorum mala considerat, vel dum desiderio vitæ æternæ suspirat. Quatuor sunt affectionum qualitates, quibus mens justi compungitur salubriter. Prima est memoria præteriorum factorum; secunda, consideratio peregrinationis suæ in hac vita; tertia, recordatio pœnarum suarum; quarta, desiderium supernæ patriæ, quatenus ad eam citius valeat pervenire. Lacrymae enim pœnitentiae apud Deum pro baptisme reputantur. Dilige lacrymas, et tanto sis pronior ad lamenta, quanto pronior fuisti ad culpam. Magna peccata grandia lamenta requirunt : beatus autem est, qui habet compunctionem secundum Deum. Compunctionis sanitas est animæ, compunctionis remissio est peccatorum, compunctionis secunda est tabula post naufragium, secunda medicina post peccati remedium. Compunctionis est spirituale lavacrum internæ regenerationis, sine quo adultis non valet baptismus; sine quo, ad judicium sumitur Christi, corpus; sine quo infructuosa est confessio, sine quo inanis est satisfactio. Hæc est aqua mentem purgans, intentionem fecundans, confessionem irrigans, animam satians. Hæc est aqua quæ submergit Ægyptios, id est extinguit motus primos. Hæc est spirituale diluvium, quod omnem carnem interficit, id est omnem carnalem cogitationem extinguit<sup>11</sup>. Est autem triplex lavacrum, baptismi, pœnitentiae et martyrii. Primum est ingredientium, secundum **97** redeuntium, tertium pervenientium.

De primo dicitur : *Lavamini, mundi estote* (Isa. i). De secundo dicitur : *Amplius lava me ab iniqitate mea* (Psal. 1). De tertio : *Laverunt stolas suas in sanguine Agni* (Apoc. vii). Primum lavacrum est figuratum per aspersionem quæ siebat in Veteri Testamento ex aquis vivis; secundum per cineris aspersionem; tertium, per vitulæ rufæ sanguinem (Num. xix). Quid enim aqua viva, nisi baptismus? Quid aspersio cineris, nisi humilitas compunctionis,

#### VARIAE LECTIONES.

<sup>11</sup> In alio exemplari hic addebantur sequentia : O felix medicina, per quam peccatorum morbus expellitur, per quam virus culpæ evomitur! O felix tabula per quam naufragus redit ad portum salutis! Aqua solutaris qua peccatum diluitur, via per quam redditur ad patriam, spirituale remedium per quod redditur de invio ad viam!

per quam homo se cinerem ostendit, et sedet in cinere et cilicio? Quid etiam sanguis vitulæ rufæ, nisi martyrium, rubricatum sanguine, quod efficaciam habuit ex Christi passione? Sic itaque triplex est baptismus: baptismus fluminis, qui sit in aqua; baptismus flaminis qui sit in pœnitentia, ex Spiritu sancti gratia; baptismus sanguinis, qui sit in martyrii lucta. Per primum vestitur homo stola prima; per secundum, difformatus renovatur; per tertium, præparatur secundus. In primo, deletur vetus homo; in secundo, renovatur interior homo; in tertio, moritur caro. Primum est omnium, secundum multorum, tertium paucorum. O felix lavacrum pœnitentie, quod toties valet ad purgandum, quoties purgatione indiget cor humanum. Hæc est herba coelestis fullonis, qua vestes suorum deturpatas a sordibus purgat. Hæc est coeleste nitrum quod de rore divinae gratiae descendens, sole justitiæ decoctum, abstergit maculas peccatorum. Hæc est lixivium, quo interioris hominis caput, id est mens, vitiorum vermbus scaturiens abluitur, quod ex cinere humilitatis, et aqua compunctionis consicitur. Hæc est solum contra ruinas hominum solatium, quæ passionis Christi vicaria, contra peccata assert remedium, ne toties cogatur Christus mori, quoties homo labitur in abyssum peccati. Hæc est circumcisio spiritualis, quæ fit per petram, Christum, per hanc amputatur præputium carnis, id est concupiscentia immunditiæ carnalis. Si ergo in abyso peccati naufragaris, adhæreas tabulæ contritionis, hæc excludit naufragium, hæc adducit ad portum. Intra conscientiam tuam, disquire eam; primo considera statum tuæ prudentiæ; si visus te incurvaverit per concupiscentiam, si guttus per gulam, si auditus per enervantem melodiam, vel spontaneam detractionis audientiam, et si lingua claudicaverit in verbo, si olfactus erraverit in odoramento, si tacitus erraverit in furo, si gressus deviaverit in plano; si in his vel in aliquo istorum inveneris culpam, ablue per compunctionis notam; juxta quantitatem sordium, metire quantitatem ablutionis; juxta magnitudinem morborum, adhibe mensuram medicaminum; juxta excessum culpæ, pondera progressum vindictæ. Pœnitentia autem dicitur a puniendo, quia culpa deletur quæ contendo punitur; Pœnitentie vero mater et origo est timor, qui pœnitentiam concipit, et contritum parit. Unde Isaías: *A timore tuo, Domine, concepimus, et peperimus spiritum salutis* (*Isa. xxvi.*) Pœnitentia ergo est anteacta peccata desclere, et fenda non committere; nam qui sic alia plorat, ut alia iterum committat, adhuc pœnitentiam agere aut ignorat, aut dissimulat. Quid enim prodest alicui, si, verbi gratia, peccata luxuriæ desleat, et adhuc avaritiæ æstibus anhelat? ait Isidorus: Irrisor est et non pœnitens, qui adhuc agit quod pœnitit; nec videtur Deum poscere subditus, sed subsannare superbus. *Canis reversus ad vomitum* (*Prov. xxvi.*)

**A** est pœnitens ad peccatum rediens. Multi lacrymantur indesinenter, et peccare non desinunt. Quosdam accipere lacrymas ad pœnitentiam cerno, et affectum pœnitentiæ non habere conspicio, quia per justitiam mentis, non recordatione peccati lacrymas fundunt, et statim reviviscente usu ea quæ fleverunt iterando committunt.

*Hic desinebat antiquissimum exemplar nostrum, cum verbo: Explicit. In alio tamen exempli sub-jungebantur omnia sequentia.*

### 98 CAPUT XXXI.

*De confessione peccatorum.*

Auctoritates: *Confitemini alterutrum peccata vestra* (*Jac. v.*). Et alibi: *Dixi: Confitebor adversum me injustitiam meam Domino* (*Psal. xxxi.*) Job etiam ait: *Loquar in amaritudine animæ meæ* (*Job x.*) In amaritudine enim animæ sue loquitur, qui secundum contritionem cordis, ore peccatum confitetur. Apostolus queque ait: *Corde creditur ad justitiam, ore autem confessio fit ad salutem* (*Rom. x.*) In Veteri Testamento præceptum est, ut homo a lepra curatus, ostenderet se sacerdoti (*Lev. xiv.*) Per quod demonstratur, quod pœnitens curatus a spirituali lepra per contritionem, tenetur se ostendere sacerdoti per confessionem. Tu ergo, confitere peccata ut absolvaris, accusa ut excuseris. Si in præsenti non es accusator tui, tres habebis accusatores in die judicii: Deum accusatorem et judicem, conscientiam accusatorem et punientem, dæmonem accusatorem et punitorem. Hæc est differentia inter judicem soli et poli: qui apud judicem soli se accusat, pro reo habetur, sed apud judicem poli, qui peccatum suum confitetur, absolvitur. Apud judicem soli, locum habet relatio criminis vel remotio. Reus enim qui a se crimen removet, vel in aliud refert, quodammodo excusat, sed qui apud judicem poli sibi crimen adscribit, nec in aliud refert, nec causam peccati ascribit fortunæ vel fato, excusat. Potest autem esse quadruplex confessio, scilicet, confessio exactionis, confessio desperationis, confessio pœnitudinis, et confessio laudis. Confessio exactionis est, quæ quondammodo ex exactione provenit, ut, illa qua dæmones confessi sunt Filium Dei, dicentes: *Jesu fili Dei vivi, ut quid venisti ante tempus perdere nos?* (*Matth. viii.*) Confessio desperationis est illa qua Judas confessus est, dicens: *Peccavi tradens sanguinem justum* (*Matth. xxvii.*), et Cain: *Major est iniqtitas mea quam ut veniam merear* (*Gen. iv.*) Confessio pœnitudinis est, quæ ex pœnitentia provenit, de qua dicit Jacobus: *Confitemini alterutrum peccata vestra* (*Jac. v.*) Confessio laudis est, qua confitemur Dei bonitatem, dicentes: *Confitemini Domino quoniam bonus* (*Psal. cxxxv.*), qua et Christus confessus est, dicens: *Confiteor tibi, Pater, Domine caeli et terræ* (*Matth. xi.*) Duplex est autem peccati confessio, quædam generalis, quædam specialis. Generalis, quæ sit indies in sacrificio matutino et vespertino, id est in completorio, pro venialibus et occultis;

specialis quæ sit pro mortalibus, et manifestis<sup>13</sup>: ad quam tenentur clerici singulis Sabbatis, laici vero ter in anno tenentur specialiter confitei; videlicet in Natali Domini, in Paschate, et in Pentecoste. Quod figuratum est in veteri lege, per hoc quod præceptum est filiis Israël, ut ter in anno offerrent se Domino in Jerusalem, et non vacui. Sic et nobis præcipitur ut ter in anno nos Deo offeramus per confessionem in spirituali Jerusalem, id est in Ecclesia, et non vacui a bonis operibus. Sed hodie invaluit, ut vix laicus vel clericus semel confiteatur in anno, et dum confitetur, timendum est ne confiteatur, potius ut satisfaciat consuetudini, quam ex contritione animi. Quosdam arcet a confessione negligentia, quosdam verecundia, quosdam consuetudo prava, quosdam timor satisfactionis injungendæ; quosdam propositum vivendi in criminè. Hi sunt ranunculi, qui projecti in os canis, reddunt canem mutum. A quibusdam asseritur, quod calamites est rana in calamis habitans, quæ si in os canis projiciatur, canis mutus efficitur. Canis est peccator immundus, cui latratum, seu confessionis sonum auferunt prædictæ pestes, quasi ranunculi in os canis projecti. Hi sunt allophyli qui obturarunt puteum Abrahæ (Gen. xxvi). Per puteum Abrahæ significatur confessio, de qua fidelis haurit aquam salientem in vitam æternam: hanc obturant prædictæ pestes, ne homo de puto confessionis, aquam hauriat salutis. Hæc est cisterna Bethlehem 99, quam obsident Philistæ, de qua David bibere cupit (II Reg. xxii); quia fidelis per David figuratus, aquam confessionis et salutis cupit; sed cuneus Philistinorum, id est multitudo pestium prædictarum eam obsidet, et impedit ne fidelis haurire possit. Debet autem confessio universalis esse, non particularis, ut de peccatis cognitis in specie fiat confessio, de ignotis in genere; quia piarum mentium est ibi culpam reputare ubi culpa non est, et ibi cognoscere per confessionem, ubi manifesta non est, per agnitionem. Quia sicut universalis est remissio, ita universalis debet esse confessio; nam Spiritus sancti gratia nescit tarda rerum molimina; quem enim sanat, totum sanat.

Tria debent occurrere, ad hoc ut vera sit confessio: scilicet cordis contritio, oris professio, operis satisfactio. Unde, si aliquod istorum defuerit, non est confessio, sed tantum oris hiatio: confessio enim perplexa propositio est et tria notat. Hæc est via trium dierum per quam debemus ire in solitudinem, id est tendere ad patriam cœlestem, ut Deo nostro sacrificemus.

### CAPUT XXXII.

#### *De pœnitentia, seu satisfactione.*

*Facite fructus dignos pœnitentiae* (Matth. iii). Et alibi dicitur: *Pœnitentiam agite, appropinquarit enim regnum cœlorum* (*ibid.*). Et Job: *Ago pœnitentiam in savilla et cinere* (Job xlvi). Exterior ergo

A pœnitentia a Christo habuit exordium per prædicationem, a Job exemplum per satisfactionem. a David per magisterium et instructionem, qui dicit: *Tibi soli peccavi*, etc. (*Psal. xc*). Pœnitentiae autem fructus sunt remedia, orationes, jejunia, psalmodiæ, vigiliæ, oblationes, lectiones, eleemosynæ, asperitas habitus. Contra morbum luxuriæ, orationes et jejunia sunt medicinæ; orationes, ut Deus rore cœlestis gratia temperet ignem concupiscentiæ; jejunia, ut castigent jumentum carnis nostræ. Hoc genus dæmonii non ejicitur nisi in oratione et jejunio. Psalmodiæ et lectiones valent contra peccatum acediæ, ut animus excitetur a torpore et discat repellere otia, sectari seria. Eleemosyna quoque remedium fit contra avaritiam: tenuitas victus contra crapulam; quia, ut testatur Gregorius: « Contraria contrariis curantur. » Septem ergo principalibus vitiis, septem principales virtutes sunt opponendæ. Contra superbiam, humilitas; contra invidiam, charitas; contra iram, patientia longanimitas; contra acediam, mentis hilaritas; contra avaritiam, largitas; contra crapulam, sobrietas; contra luxuriam, castitas. Sicut tripliciter peccamus, tripliciter pœnitere debemus. Quia peccamus cogitatione; contra hunc morbum adhibeamus remedium contritionis; quia ore, adhibeamus antidotum confessionis; quia opere, opponamus medicinam satisfactionis. Est autem duplex pœnitentia: quædam est momentanea, et transiens, alia perseverans et permanens. Prima ad peccati deletionem insufficiens est, secunda ad reinissionem sufficiens. Prima est imperfecta, secunda perfecta. De prima dicit Isidorus: « Irrisor est et non pœnitens, qui agit quod pœnitet. » De perseverante dicitur, quod pœnitentia usque ad mortem finiri non debet. Peccator enim per pœnitentiam totum debet offerre de se satisfactionis holocausta, quot de se diabolo obtulerat vitia; ut caro nostra quæ prius protulit spinas et tribulos vitiorum, exareatur per pœnitentiam ad incrementa virtutum. Et sicut peccata nostra semper in memoria habenda sunt ad delendum, ita pœnitentia ad memorandum; ut pœnitentia memoriam pariat, memoria dolorem eliciat. In hoc igne purgatorio debet constitui in præsenti, ne crucietur peremptorie in flamma gehennali. Est triplex ignis, purgatorius, probatorius, peremptorius; purgatorius est, satisfactio, probatorius tentatio; peremptorius, 100 æterna damnatio. De primo dicitur: *Purgabit nos in spiritu et igne* (Matth. iii). De secundo legitur: *Igne nos examinasti* (*Psal. xvi*). De tertio: *Ite in ignem aeternum* (Matth. xxv). Est autem duplex ignis purgatorius, unus in via scilicet pœnitentia, alijs post vitam scilicet purgatoria pœna.

Si purgamer in primo, liberamur in secundo et tertio; si non experimur primum, sentiemus secundum, imo (quod gravius est!) peremptorium. Pri-

#### VARIÆ LECTIONES.

<sup>13</sup> Peccata manifesta hic dicuntur, quæ confitenti nota sunt.

mus purgatorius, duplum excludit ignem, scilicet secundum purgatorium et aeternum peremptorium. Primus enim purgatorius, quasi umbra est et pictura secundi; quia, sicut umbra et pictura materialis ignis nullum infert dolorem sed ipse ignis materialis cruciatum vel ardorem infert; sic ignis poenitentiae nihil habet amaritudinis juxta secundi purgatorii comparationem. Quia, ut dicit Augustinus, poena purgatorii multo gravior est qualibet temporali. O homo, patientia Dei te invitat ad poenitentiam, potentia ad timorem, benignitas ad amorem. Considera quanta est potentia ad puniendum, quanta patientia ad poenitendum! vide, quam pius est, qui dat tibi spatum poenitendi. Jam non vult mortem peccatoris, sed ut convertatur et vivat (*Ezech. xxxiii.*). Et hoc totum ex ejus dulcedine et dilectione procedit. Quia Pater *castigat omnem filium quem recipit* (*Hebr. xi.*), vel diligit.

#### CAPUT XXXIII.

##### *De eleemosyna.*

*Frange esurienti panem tuum, et egenos, vagosque induc in domum tuam* (*Isa. lviii.*). Et alibi: *Date eleemosynam, et omnia munda sunt vobis* (*Luc. xi.*). Item: *Omni potenti te tribue* (*Luc. vi.*). Item: *Beatus qui prævenit manum perituri. Item: Si vides fame pereunte et non subvenis, occidisti.*

O homo, eleemosyna est condimentum jejunii, ornamentum orationis, vigiliarum decus, largitatis insigne, peccati remedium speciale. Ad hanc invitatem Christus, exemplo pauperis omnia erogans, verbo opera misericordiae praedicans. Ab hac, nulla paupertate te excuses. Si pecuniam dare non potes, da frustum panis; si hoc non vales, saltem aquæ frigidæ potum. Si proximo non potes subvenire facto, subveni verbo, vel pro eo intercedens, vel eum instruens. Est enim eleemosyna multiplex, a manu, largiendo pauperi; ab officio, ministrando eroganti; a lingua, proximum instruendo, vel pro eo intercedendo; ab animo, peccanti compatiendo, vel injurias remittendo. Sunt autem quædam eleemosynæ ordinatae, quædam exordinatae. Ordinatae sunt, quæ suis circumstantiis formantur; exordinatae, quæ privantur iisdem. Circumstantiae eleemosynarum haec sunt: *Quis, quid, quantum, cui, ubi, quando, quare.* Quis, si sit dives vel pauper, gratior est enim eleemosyna pauperis quam divitis. Unde Dominus dicit in Evangelio (*Marc. xii.*), pauperculam mulierem quæ posuit duo minuta in gazophylacium plus misisse quam divites qui miserant magnas summas. Per quis, etiam intelligitur, utrum justus sit vel injustus. Quia si justus det eleemosynam, ad utrumque valet; si vero injustus det eleemosynam, valet ei ad fugam poenæ, non ad meritum gloriae. Per quid, insinuat quod de proprio debeat fieri eleemosyna, non de alieno. Non enim de furto vel de rapina recte fit eleemosyna; quia, ut dicit auctoritas: «Facere eleemosynam de substantia pauperis, hoc est filium mactare in conspectu patris (*Eccli. xxxiv.*)». Per quantum ostenditur quod non totum

A uni, sed plura pluribus particulatum distribuenda sunt. Per cui innuitur quod potius pauperi quam diviti largienda sit eleemosyna, potius cognato vel affini, quam extraneo; potius domesticis fidei quam dyscolis. Unde ad insinuandum quantum et cui, dictum est: *Dispersit, dedit pauperibus* (*Psal. cx.*), ubi scilicet in aperto ad aliorum instructionem, procul tamen omni humana laude remota. Unde ait Dominus: *Sic luceant opera vestra coram hominibus, ut glorificent Patrem vestrum qui in celis est* (*Matth. v.*). **101** Quando: tempore necessitatis. Quare: intuitu Dei, non terreni emolumenti, vel favoris humani. Eleemosyna est ros celestis, extinguis peccati caminum; quæ sola allegat apud Deum, quæ sola allegabit pro te apud dictuum B judicem. Pro quo enim laudabuntur a Christo beati in judicio? quod silentium tenuerunt? non. Quia continentes fuerunt? minime. Quia vigilis intenderunt? nequaquam, sed quia eleemosynis operam tribuerunt.

Eleemosyna gerit similitudinem olei, jejunium luminis. Sicut enim lumen subtracto oleo existin-gitur, sic jejunium sine eleemosyna meriti virtute privatur. Illi speciali et naturali precepto quo dicitur, *quod vis ut tibi faciant homines, et tu fac illis* (*Matth. vii.*), obviat, qui eleemosynam indigent negat.

Est autem triplex eleemosyna, frigida, tepida, calida. Frigida est, quæ non sit instinctu naturalis pietatis vel fervore charitatis, sed tantum humani favoris; tepida est, quæ sit instinctu naturalis pietatis, ut illa quæ sit infidelibus, motu naturalis affectionis; calida vero, quæ sit astu charitatis. Prima meretur poenam, secunda vitat eam, tertia consequitur gloriam. Eleemosyna non solum de superfluis, sed et de necessariis fieri debet. Unde dictum est: *Qui habet duas tunicas, det non habenti* (*Luc. iii.*). Ideo tunicam nominat, non pallium, quia tunica est magis necessaria; ad insinuandum quod non tantum superflua, verum etiam necessaria dare tenemur. Quod in beato confessore Martino claruit, qui asperitate temporis partem chlamidis qua sola induitus erat, pauperi erogavit. Sunt quidam qui ea quæ vix porcis exponenda erant erogant pauperibus, quibus sua peccata redimi putant; et hoc est quasi in Deum blasphemia, indignis honorare divos, et quæ proculcanda sunt a porcis offerre celestibus margaritis.

#### CAPUT XXXIV.

##### *De jejunio.*

Monet propheta (*Joel. ii.*) poenitentes in jejunio, et fletu, et planctu esse. Et Dominus ait: *Cum jejunatis, nolite fieri sicut hypocritæ tristes* (*Matth. vi.*). Gregorius quoque ait, quod peccator debet etiam indulgere jejunii, ut Deus aliquando convertat cor ejus ad poenitentiam. Jejunium carnem macerat, animam elevat, concupiscentiæ somitem refrenat, excitat rationem. Jejunio meruit Moyses Dei colloquium, Daniel interpretationem somnio-

rum, Elias subsidium, Ninivitæ remissionem peccatorum. Exemplum jejunandi nobis Christus dedit, qui in deserto quadraginta diebus et quadraginta noctibus jejunavit (*Math. iv*). Non tamen prodest jejunium corporis, absque jejunio mentis; aliter fallax est et deceptorum. Quid enim valet, si os jejunet a cibo, dum lingua resolvitur mendacio? dum oculus epulatur in vanis? auris deliciatur in fabulis, nares otiantur in odoramentis? latetus discurrevit in planis, manus in rapina, pes extra ordinariam viam? Jejunent ceteri sensus cum gustu, ut qui fuerunt comites delectationum, socii sint passionum.

Est autem multiplex jejunium, jejunium consuetudinis, quod non fit ex charitate, sed ex sola consuetudine, ne homo videatur contra publicum navigare. Istud ad hoc solum proficit, ut vitet pravum exemplum, ne præbeat scandalum. Est jejunium avaritiae et cupiditatis, ubi sic evacuat stomachus, quod impleatur loculus et istud est perniciosum. Est jejunium infirmitatis, ut consequatur sanitas; et istud indifferens est, quia nec bonum nec malum. Est etiam jejunium crapulæ et gulosis, ut affectuosi sumatur cibus: et istud est pessimum. Est jejunium laudis et apparetiae, quo utuntur hypocritæ ut inde laudem humanam consequantur: et istud est malum.

**102** Est jejunium indigentiae et necessitatis, quo jejunant pauperes: et istud est indifferens. Est jejunium coactionis, quo multi utuntur clausurales; et istud est insufficiens. Ceteris ergo omissionis jejunis, ad istud est aspirandum, quod est charitatis: quo castigatur corpus, imperat spiritus, et sic homo vivit ut angelus. Per jejunium enim fit homo spiritus, per mediocre edulium, homo; per superfluum, pecus.

Multæ sunt autem jejunii circumstantiae, quæ informant ipsum jejunium, scilicet: **A** quo, ubi, quando, et quare. A quo, ut a cibis deliciosis abstineat, quid enim prodest jejunare a cibo, si quod amisit in tempore, recuperet delectatione vel quantitate? Tempore enim prandii debet jejunans mediocre cibo uti, ut in parte subveniat proximo, et sic affligat se ipsum, ut reficiat proximum. Considerandum est etiam, ubi, servanda etenim est D patriæ consuetudo; ut,

*Si fuerit Romæ, Romano vivito more.*

Unde Augustinus ait: « Cum Romæ sum, in Sabbato non jejuno, cum Mediolani, jejuno. » Quando, ut in diebus constitutis fiat jejunium. Sunt enim quidam dies in quibus non est jejunandum, ut in diebus Dominicis, et quibusdam magnis festivitatibus, propter scandalum. Quare, ut intuitu Dei ex charitate fiat. Quot sunt a carnalibus abstinentiae, tot sunt species jejuniorum diversæ. Est jejunium in continentia, in abstinentia, in humilitate, in mansuetudine, in exultatione. De jejunio dicit Augustinus: « Laudent te jejunia, non viscera eructantia. »

**B** Jejunium ad medicinam corporis et animæ vallet. Conservat enim corpus a morbo, animam a peccato. In hac medicina, cœlestis philosophia cum naturali concordat. Hæc enim medicina et stomachum purgat a vitio crapulæ, et animam ab indignatione. Si Adam in paradiſo jejunasset ab esu vetito, non esset damnatus exilio (*Gen. iii*). Si jejunasset Esau a lenticula, non perdidisset primogenita (*Gen. xxv*). Si Noe jejunasset a vino, non denudasset se in pudenda (*Gen. vii*). Ergo, per jejunium purgatur corpus ut recipiat eucharistiam sacramentaliter; spiritus, ut recipiat spiritualiter. Hoc debet esse præambulum ad eucharistiae sumptionem. Contemnat ergo homo in præsenti escam materialem, ne in futuro sentiat ignem gehennalem. Adsint tria ista quæ informant jejunium, bona intentio, eleemosynarum largitio, charitatis inflammatio. Si caro optat delectamenta ciborum, consideret homo, quia non refert unde flat materia stercorum. Si velit caro prævenire horam prandii, confugiat ad asylum exercitii, ne otium gula excitet, appetitum augeat. O homo, si consideres Patres antiquos, qui bis tantum aut semel in septimana utebantur tenui esca, nulla vel modica tua tibi viderentur jejunia. Sed, si te non movent antiquorum exempla, saltem moveat beati Nicolai infantia, qui quarta vel sexta feria semel tantum sugebat ubera.

C Pudeat non jejunasse adulturn, dum viderit jejunasse parvulum. In nostri confusione cedit exemplum parvuli, dum nos corrigunt infantes et pueri.

#### CAPUT XXXV. Informatio ad vigiliam.

**D** Beatus ille servus, quem cum venerit Dominus invenerit vigilantem (*Luc. xxii, Math. xxiv*). Item: Si sciret patersfamilias, qua hora fur veniret, vigilaret utique, etc. (*ibid.*) Item: Vigilate ergo, quia nescitis qua hora Dominus vester venturus sit (*Math. xxiv*). Item: Vigilate et orate, ut non intretis in temptationem (*Math. xxvi*). Et Salomon: Qui mane vigilant, invenient me (*Prov. viii*). Ad vigilias exemplariter nos invitat Christus, in oratione pernoctans, ad nostri invigilans instructionem. Materialies celebrandæ sunt vigiliæ ad corporis exercitium, ad torporem excludendum, ad vitandum nocturnales illusiones, ad cavendum lubricas carnis passiones; ut detur locus orationi, **103** denegetur hosti. Debet enim unusquisque fidelis tanquam vir fortissimus ambire lectum Salomonis (*Cant. iii*), et tenere gladium super femur suum, propter timores nocturnos. Quod non solum vigiliis materialibus, verum etiam spiritualibus debet unusquisque fidelis providere Ecclesiæ Dei, quæ est lectus Salomonis, id est Christi; in quo requiescit ipse, quia deliciae sunt ei, esse cum filiis hominum (*Prov. viii*). Debet quoque tenere gladium super femur suum, id est uti gladio discretionis, ad refrenandum motus carnis et in-

sultus diaboli, qui maxime in tenebris hujus mundi cavendi sunt, et timendi. Magis autem indulgendum est spiritualibus vigiliis quam materialibus, ut mens uniuscujusque vigilet super gregem suum, id est motus animi, ne lupus insidians, id est diabolus, cogat aliquem motum a recto deviare. Vigilare debemus ne fur, id est diabolus, claustrum nostri pectoris intret per luxuriam, thalamum mentis per desidiam, et suretur vestimentum animæ, id est ornamenta virtutum. Fur iste invisibilis aliquando est latro, quando sœvit per tyrannidem principum: aliquando ut fur nos infestat per hæreticum; nunc ut avis, cum effertur per superbiam; nunc ut aspis, cum fallit per luxuriam; nunc ut leo, cum surit per apertam sœvitiam; nunc ut draco, cum per tentationem occultam. Quatuor sunt partes noctis peccati; prima dicitur, intempestum, quando quis delectatur in prava cogitatione. Secunda, conticinium, quando homines, scilicet rationales motus, jacent sub seducta voluntate. Tertia, galli cantus, cum voluntas sonat in opere. Quarta, antelucanum, cum opus est in manifestatione. Non immerito enim nocturnæ institutæ sunt vigilæ, quibus significatur, ad nocturnos hymnos surgendum media nocte, ut nec illa vacet a laude divina, et materialis vigilia excitet spiritualem. Pudeat hominem solis ortum suas prævenire vigilias, et gallum in nocte suis indulgere cantibus, dum ipse vacat a divinis laudibus. O homo, cave a virga vigilante, ne te inventiat dormientem; cave a fure ne suffocet torpem. Virga vigilans, seu virga vigiliarum est virga qua intromissa in domum, fur tentat utrum paterfamilias dormiat, aut familia torpeat. Si enim paterfamilias dormit, omnia quæ invenit deprædatur; si vigilat, ausigit. Spiritualiter, virga vigiliarum est Christus, de qua dicit Jeremias: *Virgam vigiliarum ego video (Jer. 11)*. Haec est quæ sua discretione tentat utrum paterfamilias in domo sua dormiat, id est homo in propria continentia torpeat. Si dormientem invenerit, damnat; si vigilantem reperit, in eo non invenit unde ei noceat. Similiter diabolus qui fur est spiritualis, si hominem vigilantem invenit, fugit; si dormientem, omnia diripit. Quia Isboseth in meridie dormivit, a latronibus est interemptus (*II Reg. iv*); Samson soporatus, est ab hostibus captus (*Judic. vi*); Sisara dormiens, est a muliere interemptus (*Judic. iv*); Gedeon hostes somnolentos interemit (*Judic. viii*). Christus imminentे passione, discipulos dormientes increpavit.

#### CAPUT XXXVI.

##### *Exhortatio ad doctrinam.*

Sic disce, quasi semper victorus; sic vive, quasi eras moriturus. Item Apostolus: *Libros lege. Et affer tecum libros (II Tim. iv)*. Item Seneca: « Vita sine litteris mors est, et vivi hominis sepultura. » Item Hieronymus: « Jam caput meum canis aspergebatur, nec videbat finem studium discendi. » Et alibi: « Malo ab aliis cum verecundia discere, quam

A mea impudenter ingerere. Lectio, sensum acuit, intellectum multiplicat, animositatem discendi parat, facundiam ministrat, temorem mentis calefacit, torporem expellit, tela libidinis extinguit, genitum cordis excitat, **104** lacrymas elicit, Deo nos proponquos facit. Amorigraphus ait:

*Olia si tollas, periere Cupidinis arcus*

(Ovidius.)

Si legis, effugit otium, diabolus te invenit occupatum. Intra in cellam vinarium (*Cant. ii*), in qua ordinata est charitas; id est Scripturas lege, sententias disquire. In hac enim cella homo sic inebriatur, quod sobrius redditur; et cum multa legaris, unum specialiter tibi deputa, unum medullitus rumina, quod magis tuo sedeat animo, quod magis placet mentis palato.

B Si ad aliquam lectionem accedis, non eam in momento relinquas, sed ei fideliter adhæreas, nec quasi fastidiens ad aliam transeas; quia, ut ait Seneca: « Planta quæ sœpe transfertur, non convalescit; et medicamentum sœpe mutatum, ad vulneris cicatricem non pervenit. » Et si contigerit aliquando te transferri a libris theologicæ ad libros terrestris philosophiæ, transeundo aspicias, utrum ille forte invenias quid, quod mores instruat, quod fidei catholicæ competat, ut his quibus spoliantur Ægyptii, ditentur Hebræi: et mutuetur aurum ab Ægyptiis, ad ædiſiū tabernaculi et ligna ad ædificium templi. Largiatur opes Hiran rex Tyri, et de puteis Amorrhæorum bibant filii Israel. Et de proprio Goliæ gladio ejusdem retundatur hostilitas. Sic tamen transire debemus in aliena castra, ut simus exploratores et peregrini, non incolæ. O homo, ad hoc lege ut intelligas, ad hoc intende ut legas; quia ut dicit moralis philosophus: « Legere et non intelligere, negligere est. » Considera verba Papiliani philosophi qui ait: « Si nunc alterum pedem tenerem in sepulcro, adhuc aliquid addiscere vellem. » Nec deditetur major a minore discere, quia aliquando revelatur minori, quod non majori. Et Apostolus ait: *Si minori revelatum est, major taceat (I Cor. xiv)*. Moyses peritus in omni scientia Ægyptiorum, non aspernatus est a Jethro gentili consilium accipere. Et Salomon,

D cui datus est thesaurus scientiæ, non dignatus est a regina austri sapientiam audire. Descendit enim aqua per canales lapideos, in areolas aromatum. Plato gentilis, multas passus tempestates, descendit in Ægyptum ut Genesim legeret; et Christianus dignatur quod præsens est, quod appositum et parabile, quod ipsum instrueret. Clerici namque nostri temporis, potius sequuntur scholas Antichristi, quam Christi, potius dediti gulæ quam glossæ; potius colligunt libras quam legant libros: libertius intuentur Martham quam Marcum; malunt legere in Salomone, quam in Salomone (*sic.*) Jam omnis scientia vilet, omnis lectio torpet, non est qui legat libros. *Non est usque ad unum: omnes declinaverunt, simul inutiles facti sunt (Psal. xiii)*. Jam

deserta est schola Christi, quæ in duobus versatur, in vita et doctrina; sed vera vita contemnitur, doctrina sepelitur. Olim, et si bona vita non amabatur, doctrina tamen amplectebatur; sed jam summa est exorbitatio, summa obstinatio, summa alienatio, cum non solum mores boni postponuntur, sed etiam decor eorum, id est doctrina, contemnuntur.

Et si forte quis discit, ille non refert ad Deum, sed ad terrenum emolumentum, vel favorem humanum; qui in lectione non querit Christum, sed nummum; terram, non cœlum. Iste tales deflorant virgines, id est corrumpunt scientias virginales, quoniam eas pro lucro prostituunt, et quantum in ipsis est, eas iniciunt, et quod pejus est et omni monstru monstruosius! auditores theologæ aures vendunt ut audiant, doctores eas emunt, ut scientiam suam jactanter exponant. Jam theologia venalis prostituitur, et in quæstu pro meretrice sedet. Olim in summo honore habebantur magistri, sed modo, jure reputantur insipientes et fatui. Modo non queritur quid sit in mentis armario, sed quid sit in æario. Qui sunt qui honorantur? divites. Qui sunt qui despiciuntur? doctores. Qui sunt qui assistunt palatiis regum? pecuniosi. Qui sunt qui excluduntur ab aula? litterati. Jam honoratur familia Cresi, contemnitur familia Christi. Quam gloriosum est legere, quam fructuosum Scripturis insudare, perscrutari mentem Dei, investigare instructionem sui! Debet autem quisque in triplici libro legere; in **105** libro creaturarum, ut inventiat Deum; in libro conscientie, ut cognoscat seipsum; in libro Scripturæ, ut diligit proximum.

### CAPUT XXXVII.

#### *De hospitalitate.*

Paulus ait: *Hospitalitatem nolite oblivisci* (*Hebr. xii*). Similiter et Petrus: *Hospitales invicem sine murmuratione* (*I Petri iv*). Et Isaias: *Egenos vagosque induc in domum tuam* (*Isa. lviii*). Hinc Veritas ait: *Hospes eram, et suscepistis me* (*Matth. xxv*). O homo, Christus in membris suis clamat ad ostium, petit hospitium. Suscipe peregrinum in terra, ut te recipiat exsultantem in patria. Abraham quia angelos suscepit sub specie hospitum, meruit donari filio (*Gen. xviii*). Loth quia angelos quasi hospites suscepit, meruit liberari a Sodomorum incendio (*Ibid. xix*). Vidua quæ hospitiis beneficio Eliam honorabat, meruit suscitationem illi (*III Reg. xvii*). Euntes in Emmaus discipuli per Christi doctrinam illuminati sunt, sed per hospitalitatis obsequium, plenius et perfectius ab ipso illuminare meruerunt (*Luc. xxiv*). O homo, si scias te advenam et peregrinum in hoc sæculo, si recognoscis peregrinationis tuæ statum, non negabis peregrino hospitium. Nam, si pauperem Christi excludis a tecto, ipsum Christum excludis a pectoris tui hospitio. Audi quid ipse dicat: *Quod uni ex misericordiis meis fecisti, mihi fecisti* (*Matth. xxv*). Debet

A autem ipsa hospitalitas esse læta, munifica, humilitatem exhibens, largitatem amplectens. Magno enim pars hospitalitatis honestæ, est vultus serenitas. Unde dictum est:

*Super omnia, vultus*

*Accessere boni.*

Munificientia quoque hospitalitatis est portio, u non suscipiamus postulantem victi fastidio, sed etiam præveniamus præcellentis officio. Exemplum enim illorum euntium in Emmaus non solum hospites invitandi sunt, sed trahendi. Exhibenda est quoque hospitibus humilitas, ut gratia humilitatis, quæ etiam totam consummat hospitalitatem, gratius sit obsequium quod impendit. Recipiamus igitur in peregrino, illum qui pro nobis in terra peregrinatus est de cœlo; qui pro nobis egressus de patria, mendicus exstitit in via. O felix hospitium, quod exhibetur Christo in paupere! O felix lectus, in quo requiescit Christus in corpore! Felix mensa, ad quam sedet homo, Deus in homine! O homo, apud gentiles jura hospitalitatis servantur, apud fideles franguntur. Bruta animantia in adventu similium gaudent, et eis quodammodo jus familiaritatis exhibent; homines vero humanitatis officium inhibent. *Erubesce Sidon*, ait mare (*Isa. xxiii*), erubescat mare a fluminibus adjuvari. Erubescat rationale ab irrationali instrui. Erubescat sol a camino et facibus caelestieri.

Sicut autem fidelis tenetur Christo in membris suis exhibere charitatis officium, sic tenetur ipsi Christo capiti, in mente sua spirituali ministrare obsequio. Ad domum mentis suæ unusquisque Christum invitare debet internis cordis clamoribus, et ei in domo mentis, honestis et mundis cogitationibus mensam parare, vinumque charitatis offerre. Tertium quoque debet quisque fidelia Christo parare hospitium, scilicet, ut recipiat celeste viaticum, spiritualem eucharistiam, carnem Dominicam. Ad adventum tanti hospitis, purget dominum proprii corporis; emundet eam a sterquilino luxuriæ, a pulvere vanæ gloriæ, a luto gulæ; ut ipse adveniens, placide dignetur ibi quiescere, sicut idem ait: *Ego et Pater veniemus, et mansio nem apud eum faciemus* (*Joan. xiv*); ne immunditia hospitiis, oculos offendat tanti hospitis.

### **106 CAPUT XXXVIII,**

#### *Quod Prælatorum tantum debeat esse prædicatio.*

Dictum est quid sit prædicatio, qualis debeat esse et de quibus fieri debeat; nunc restat ostendere, quorum debeat esse prædicatio. Prælatorum debet esse prædicatio, et ab eis est proponenda. Ad hos enim duo pertinent, doctrina et vita: doctrina, ut alios instruant; vita, ut aliis bene vivendi exemplum præbeant. Ad quod significandum, præceptum est, ut os turturis in sacrilicio reflectatur ad axillas (*Lev. i*). Per turturam, prædictoris simplicitas figuratur; per reflexum ad axillas, intelligitur quod prædictor debet habere in opere, quod proponit in voce.

Idem quoque figuratur per recurructionem virginæ pastoralis, ut quod prædicat aliis, in se reflectat, ratione bonæ operationis. Ad insinuandum hæc duo, scilicet prudentiam et bonam vitam, de dispensatore dicitur : *Quis putas est fidelis servus et prudens? etc.* (*Matth. xxiv*). Fidelis enim debet esse prædicator, in verbo et in facto; fidelis in verbo, ne veris falsa misceat; fidelis in verbo, ne intuitu favoris humani verbum proponat; fidelis in verbo, ne pro terreno emolumento prædicationem vendat; fidelis in verbo, ne verbis suis contradicat operibus. Unde de falsis prædicatoribus dicitur : *Caupones nostri miscent aquam vino. Aquam enim vino miscent, qui falsa cum veris prædicant, ut hæretici faciunt; item qui verbum pro favore humano vendunt, ut hypocrita; qui per prædicationem terrena emungunt, ut mercenarii; qui verbo opere contradicunt, ut falsi Christiani.*

Fidelis etiam debet esse in facto, ut quod facit, recta intentione faciat, et ipsius facti finem constituat Deum. Prudens itaque debet esse in verbo et facto. In verbo, ut sciat quæ sint prædicanda, et quæ non. In facto, ut sciat, quibus et quando sint prædicanda; scilicet, majora majoribus, minora minoribus. Quibus, ne indignis velut canibus, sanctum Dei proponatur, nec margaritæ pedibus porcorum conculcandæ tradantur (*Matth. vii*). Quando, ut cum tempus exegerit, verbum proponat, cum temporis opportunitas defuerit, taceat; quia ut ait Salomon : *Est tempus loquendi, et tempus tacendi* (*Eccles. iii*).

Ad prædicatores pertinet scientia, ut sint exercitati in utroque Testamento, et sententiarum examine discreti, in sermonibus facundi, in omnibus actibus suis circumspecti, contemptores mundi, in officio suo assidui. De prælato enim dicit Malachias : *Labia sacerdotum custodiunt scientiam, et legem requirunt ex ore ejus, quia angelus Domini exercituum est* (*Malach. i*). Et Jesus filius Sirach, ait : *Si habes scientiam, responde proximo tuo; si non, manus tua sit super os tuum; ne cupiaris verbo indisciplinato* (*Eccles. v*). Valde enim timendum est illud evangelicum : *Si cæcus cæcum ducat, ambo in soveam cadunt* (*Matth. xv, Luc. vi*). Et istud Apostoli : *ignorans ignorabitur* (*I Cor. xiv*). Et quid dicturus est Dominus fatuis virginibus? *Amen dico vobis, nescio vos* (*Matth. xxv*). Et illud : « maledictus elementarius senex. » Item : *Maledictus peccator centum annorum erit* (*Isa. lxv*). Est autem quædam ignorantia affectata, quando aliquis potest scire et non vult, hæc est crassa et supina, et vincibilis, et ideo inexcusabilis. De hac dicitur : *Noluit intelligere ut bene ageret* (*Psal. xxxiv*). Item : *Homo cum in honore esset, non intellexit, comparatus est jumentis insipientibus, et similis factus est illis* (*Psal. xlviii*). Hæc ignorantia pertinet ad prælatos, qui ex contemptu labuntur in ignorantiam; ex superbia remanent in insipientia: sine ratione presbyteri et prophetæ; præceptores impossibilium, indices occultorum.

**A** O vilis ignorantia, abominabilis insipientia, quæ prælato imponit silentium, canem nostrum, id est pastorem, reddit mutum, hæc est *calamites*, quæ in os canis projecta, auferat latratum. Prælati nostri temporis prius sedent **107** in cathedra, quam erudiantur sub ferula; prius suscipiunt honorem magisterii, quam sustineant onus discipuli. Isti volunt præsesse, non prodesse, pretium honoris, non pondus oneris. Prælato tali potest dici : *Medice, cura te ipsum* (*Luc. iv*); orator pro te ipso allega; tu qui es vicarius Christi, imitare ipsius opus, qui *cæpit facere et docere* (*Act. 1*). Qui enim docens non facit, Christo contradicit; subditis suis onera importabilia imponit, digito autem non vult ea movere. Quidam talentum divinæ sapientiæ sibi commissum abscondunt in sudario; scilicet, qui ex negligentia prædicare nolunt: quidam abscondunt in sterquilinio, scilicet qui operibus contradicunt verbis suis; alii in luto, qui ex invidia verbum abscondunt.

### CAPUT XXXIX. Quibus proponenda sit prædicatio

Dicto, quorum debeat esse prædicatio, et quales esse oportent prædicatores, restat ostendere, quibus proponenda sit prædicatio. Fidelibus videlicet, qui quodam mentis appetitu verbum Dei audire desiderant; de quibus Dominus dicit : *Levate oculos vestros, et videte quia regiones jam albescunt ad messem* (*Joan. iv*). Regiones albæ ad messem, dicuntur mentes hominum, paratae ad suscipiendum verbum Dei. Hæc est terra bona, quæ semen recipit et fructus facit. Indignis vero et obstinatis subtrahenda est prædicatio, quia qui verbum Dei respunnt, se indignos faciunt. Unde et apostoli dixerunt Iudeis prædicationem illorum respicientibus : *Quia repulisti verbum Dei, et indignos vos judicatis vita æternæ, ecce convertimur ad gentes* (*Act. xiii*). Minuit enim majestatem secretorum, qui indignis secreta divulgat; et vasa Domini Babylonis non sunt exponenda. Minoribus autem decet in parabolis loqui, majoribus revelare mysteria regni Dei. Parvuli liquido cibo sunt nutriendi, adulti solido corroborandi; ne parvulus enectetur per solidum, et adultus abominetur liquidum, ut sic singula quæque locum teneant sortita decenter. Pertinet ad prædicatorem gerere statum materialis physici, vel medici. Sicut enim materialis medicus pro diversitate morborum, variat genera remediorum; sic prædicator debet adhibere remedia admonitionum. Ut, si luxuriosis prædicat, contra luxuriam auctoritates afferat, rationes inducat; ostendat illam abominabilem apud Deum et apud homines; quonodo feteat infamia, feteat in carne propria, feteat apud proximum, feteat apud Deum. Nunc ferro secet per comminationem, nunc foveat per consolationem. Simili modo contra alia vitia disputet, secundum quod auditores viderit variis vitiis irrititos. Si pauperibus prædicat, de paupertate disserat, commendans paupertatem; exemplum sumens

a capite nostrō Jesu Christo. Qui cum dives esset in cœlis, pauper factus pro nobis est in terris, ut sua paupertate nos divites faceret. In exemplum etiam veniant antiqui Patres, qui nudi Christum nudum secuti sunt. Ostendat quomodo beati pauperes spiritu (*Matth. v.*), non divites censu. Si divitibus prædicant, invitent eos ad eleemosynam, ad contemptum divitiarum, ad amorem cœlestium talentorum; ut si divitiæ affluant, cor non apponant; si eas habeant, non tamen ambiant; habere enim est in substantia, ambire est in culpa.

Si militibus prædicat, moveat eos ut proprii contenti sint stipendiis, non imminentes alienis; nil violenter exigant, neminem concutiant, sint defensores patriæ, tutores orphanorum et viduarum; sic exterius gerant arma mundi, ut interius armantur lorica fidei.

Si oratoribus, moneat eos, ne injustam causam foveant pro munere, **108** vel justam insirment ex odii rancore, ne linguam suam vendant, ne sapientiam prostituant, nec sectentur falsa, ne venerentur mendacia.

Si doctoribus prædicat, moneat eos ut intuitu Dei doceant, Deum tantum finem sui laboris constituant; non venentur auram favorabilem, vel terrenam mercedem; demonstrent in facto, quod proponunt in dicto.

Si ad prælatos sermonem dirigit, hortetur eos de regimine subditorum, ut eos spe cœlestium erigat, comminatione corrigit, blandimento dirigit.

Si prædicat principibus terrarum, moneat eos ut sectentur prudentiam, abominentur avaritiam, ut non recedant a tramite justitiae, ut rigorem temperent mansuetudine.

Si loquitur viris claustralibus, et religiosis, aferat ad eorum instructionem, exempla antiquorum Patrum, qui vitam presentem duxerunt in nimia corporis castigatione: ostendat quod parum sit incipere, nisi incepsum concludatur bono fine, quia nemo mittens manum ad aratum, et respiciens retro uptus est regno Dei (*Luc. ix.*). *Et uxor Loth retro respiciens, mutata est in statuam satis* (*Gen. xix.*)!

Si conjugatus proponat sermonem, commendetur status conjugii, fides tori, virtus sacramenti. Ostendat quomodo conjugium in paradiſo habuerit initium, quomodo antiqui Patres in conjugali statu meruerunt vitam æternam adipisci.

Si viduis, demonstrentur onera conjugii in cura filiorum, in acquisitione necessariorum, in dispensatione rerum familiarium; quam gloriosum sit probatos carnis luxus vitare, et libere Deo servire.

Si virginibus, commendentur a munditia corporis, a puritate mentis, per quam homo sit supra hominem, superans carnem, et angelorum gerens similitudinem.

#### CAPUT XL.

*Ad milites.*

Militibus ait Joannes Baptista: *Neminem concu-*

*A tatis, nemini injuriam faciat: estote contenti stipendiis vestris* (*Luc. iii.*). Habeant exemplum vitæ suæ milites, beatum martyrem Sebastianum militem, qui sub Diocletiano imperatore ita temporalem exercuit militiam, quod spiritualem non deseruerit agoniam: reddens quod Cæsaris erat Cæsari, et quæ Dei, Deo. Beatum quoque Victorem, beatum Hypolitum, et multos alios, qui per materiale militiam strenue ministratam, ad æternam sumini regis militiam, feliciter sublimari meruerunt. Thebæ etiam cohors, sic exterius utebatur militiæ cingulo, quod interius devote militabat Deo. Militia enim exterior figura est interioris militiæ, et sine interiori, exterior est inanis et vacua. Sicut autem sunt duæ hominis partes, corporalis et spiritualis, ita sunt duo gladii pertinentes ad propulsandos diversos insultus hominum; materialis, quo repelluntur injuriæ; et spiritualis, quo repelluntur molestiæ mentis. Unde dictum est: *Ecce gladii duo hic* (*Luc. xxii.*). Accingatur ergo miles exterius ad reformatam violentiam pacem temporis; interius quoque gladio verbi Dei, ad restaurandam pacem proprii pectoris. Ad hoc specialiter instituti sunt milites, ut patriam suam defendant, et ut repellant ab Ecclesia violentorum injurias, sed jam milites facti sunt prædarii duces aliorum, facti sunt abigeri; nec jam exercent militiam, sed rapinam, et sub specie militis, assumunt crudelitatem prædonis: nec tam militant in hostes; quam grasantur in pauperes; et quos debent tueri clypeo militaris muniminis, persequuntur gladio feritatis. Jam suam prostituunt militiam, militant ut lucentur; **109** arma capiunt ut prædentur. Jam non sunt milites, sed fures et raptores; non defensores, sed invasores. In viscera matris Ecclesie acuunt gladios, et vim quam debent in hostes expendere, expendunt in suos; hostes autem suos (aut torpore dejecti, aut timore perterriti) desistunt invadere, et in Christi famulos imbelles, cogunt gladios deservire. Honestæ militiæ et temporalia donativa debentur, et æternæ remunerationis stipendia non negantur. Et cum quidam pro officio teneantur militiam exercere corporalem, omnes tenentur ex præcepto, militiam suscipere spiritualem. Miles materialis habitat in castris, vacat ab amplexibus uxoris, tenuibus contentus est cibis, intentus vigilii, vestitus armis, resistens hostibus, providens suis commilitonibus. Talis debet esse quilibet homo in spiritu, qualis est materialis miles in actu. De milite Christi dicitur: *Militia est vita hominis super terram* (*Job vii.*). Et alibi: *Non habemus hic certani mansionem* (*Hebr. xiii.*). Item Apostolus ait quod hic sumus hospites et advenæ, tamen in futuro, cives sanctorum et domestici Dei (*Ephes. ii.*). Christianus ergo in peregrinatione hujus vitæ, debet vivere velut in castris, ut non putet se hic habere certam mansionem, sed exspectet in cœlis æternam habitationem. De quibus habitationibus dictum est: *In domo Patris mei mansiones multæ sunt* (*Ioan.*

xiv). Ut vivat tanquam in momento morituru, ut habet in tabernaculo carnis, quasi in momento exiturus, vacet ab amplexibus terrenæ delectationis, fugiat diluvium gulositatis; vigilet contra insidias spiritualis furis, vestiatur spiritualibus armis, induatur lorica fidei, accingatur gladio verbi Dei, armetur lancea charitatis, assumat galeam salutis. His armatus, dimicet contra triplicem hostem: contra diabolum, ne rapiat; contra mundum, ne alliciat; contra carnem, ne illicita appetat. Provi-deat commilitonibus suis, id est fidelibus: largiendo, si egeant; admonendo, si indigeant; compatiendo ægis, congaudendo sanis.

#### CAPUT XLI.

##### *Ad oratores, seu advocates.*

Ad oratores dicit Scriptura: *Judicate pupillo et humili* (*Psal. x.*). Et Isaías: *Subvenite oppresso, defendite viduam* (*Isa. i.*). Orator enim debet esse veritate munitus, discretione promptus, charitate servitus, aspernator avaritiae, sectator justitiae, ne vel falsitas ejus obnubilet rationem, vel indiscretio enervet sermonis veritatem, olim ingerat suspicionem. Non avaritia incurvet animum, non in-justitia deducat in invium, non lingua venetur pecuniam, non lepore verborum popularem capiet auram, sed orationis finem constituat rectum, sermonis terminum faciat honestum. Non prostituat lin-guam, non venalem exponat loquela, non vendat Dei donum, non locet gratuitum Dei beneficium. Quod accepit de solo munere gratiae, non proster-nat venditione. O quam execrabilis simonia est, vendere patrimonium pauperis, locare subsidium inopis.

Inter eleemosynas non minimum obtinet locutus, qui viduæ in causa præbet subsidium; quia qui ei rationis virtute, proprium conservat, non solum defendit, sed etiam præbet. Non tamen oratores alicujus paupertas vel miseria debet incurvare in falsum; nec alicujus felicitas reducere in injus-tum.

Semper veritas robur rationi præbeat, et opem inopis sermone ferat. Qui rectum non tueri cum tueri valeat, idem est ac si injusto assensum præbeat. Hoc est enim in carcere visitare miserum, oppreso in causa ferre patrocinium. Hoc est vestire nudum; nudato patrocinio, in causa ferre patrocinii subsidia: hoc est esurientem pasceré, si-tienti potum dare **110**, medicinam largiri infirmo, peregrinum recipere, destitutum ab omni auxilio, ad patrocinandum in causa suscipere. Qui ergo in justa causa indigenti patrocinium præbet, omne opus misericordiae implet. Orator, cur defendere viduas in suis necessitatibus omittis? In tua scien-tiæ expositione nihil amittis, nihil in hujus thesauri largitione perdis. Ille est nobilis possessio, quæ avarum designatur possessorem, cumque non pu-blicatur, elabitur. Spiritualis etiam orator, id est vir justus cuius oratio perorat apud Deum, alleget pro reo, apud Deum, pias preces, ut quamvis reo

A exigentia meriti debeatur damnatio, ei propitia divina miseratio, conferat spatum veræ pœnitentiæ, et emendationem vitæ. *Multum enim valet oratio justi assidua* (*Jnc. v.*). Alleget justus pro reo apud divinam misericordiam, ut quia sine miseratione divina nihil potest humana infirmitas, ejus gratia reus liberetur a noxis, et ad salutem diriga-tur. Et quamvis oratio justi non semper consequatur optatum finem in altero, tamen orans semper consequitur finem in se ipso; quia et si illi pro quo orat, peccatum non remittatur, oratio in sinum orantis revertitur; quia nec semper medicus sanabit, nec orator semper persuadebit; sed, si de contingentibus nihil omiserit, finem suum conse-cutus est.

B

#### CAPUT XLII.

##### *Ad principes et judices.*

Ad principes terrarum dicitur: *Diligite justitiam qui judicatis terram* (*Sap. 1.*). Et alibi: *Et nunc, reges, intelligite, erudimini, qui judicatis terram* (*Psal. ii.*). O mundi principes, quos constituit Do-minus super capita hominum, nolite superbia erigi, avaritia excæcari, crudelitate debacchari. Considerate super vos majorem potestatem, quæ judicabit vos in judicio. Si princeps pompa familiae fuerit vallatus, si in throno regio constitutus, non tamen valebit divinæ voluntati contraire; potestati enim ejus quis resistet? humiliet ergo se quilibet prin-cipes sub potenti manu Dei. Nabuchodonosor quia supra se non cognovit divinam potestatem, habi-tum induit bestialem; quia Manasses rex Israel super se divinam potestatem non cognovit, divinæ potentia ipsum extremæ captivitati subjecit. O princeps, si vis recte judicare terram mundi, recte judica terram corporis tui. Est enim triplex terra; terra quam terimus, terra quam gerimus, terra quam querimus. Terra quam terimus, materialis terra est, quæ calcanda est. Terra quam gerimus, est terra corporis nostri, quæ excolenda est. Terra quam querimus, est vita æterna, quæ incolenda est. Sicut ergo rex materialem terram custodit ne hos:is invadat; sic custodire debet terram corporis sui, ne diabolus subripiat bona terræ, id est doles corporis et animæ.

D

Et sicut in terra materiali est diversitas habitantium, inter quos alii sunt imperantes, ut principes; operantes, ut milites; alii obtemperantes, ut plebæ homines; sic in terra corporis sui, rex debet ordinare trium motuum diversitates. Motus rationis, qui imperant; motus sensualitatis, qui operantur; motus carnis, qui obtemperant. Et sicut ad pacem terræ materialis laborare decet principem, id est ad observandam pacis tranquillitatem, ita ad prin-cipes hujus terræ dicitur: *Erudimini*, id est rudi-tatem carnalitatis erudiatis, *qui judicatis terram*, id est qui in vestris corporibus damnatis terrenitatem. Quid tibi tunc animus dictabit, o princeps terræ, cum pauper te judicabit in die judicii, si male rexeris orbem, si injuste judicaveris paupo-

rem. O rex ! non reputes tuum principatum honorem, sed potius considera, quod terrenus honor non est naturæ, sed fortunæ. Nam quod non sint honores, lubrici casus veritatem probant et **111** mutabilitas vanitatem demonstrat. Multi Reges cum honore funeris deducuntur ad tumulum, et corpora cum quadam superficiali felicitate deducuntur ad sepulcrum, sed miserae animæ horribili dæmonum caterva vallatae cruciantur miserabiliter in gehenna. Ubi tunc honor sacerularis ? ubi aura popularis ? ubi turba familiæ ? ubi sacerulares divitiae ? Ubi nobilitas generis ? ubi secunditas prolis ? ubi pulchritudo uxoris ? Ista non proderunt post mortem animabus miseris; imo, cedent in augmentum doloris.

## CAPUT XLIII.

*Ad claustrales.*

Ad claustrales loquens Scriptura, ait : *Ecce quam bonum, et quam jucundum habitare fratres in unum* (*Psal. cxxxii*). Et alibi, Psalmista in persona claustralium : *Unam petii a Domino, hanc requiram, ut inhabitem in domo Domini*, etc. (*Psal. xxvi*). Cum apud moralem philosophum, unitas celeberrimis adnotetur laudibus; apud theologum non mediocribus subjacet sacramentis. Nam sine unitate spirituali, nec in præsenti gratia habetur, nec in futuro gloria conferetur. Sine unitate, omnis exsufflatur religio, languescit superna dilectio, fides ipsa perit, obedientia deficit.

Unitas in divinis parit consonantiam, in angelis concordiam, in ecclesiis obedientiam. Est enim unitas supercoelestis, unitas coelestis, unitas subcoelestis. Unitas supercoelestis est in concordia Trinitatis, ubi est unitas uniens et unita. Unitas uniens et unita, est Spiritus sanctus, qui Patrem unit cum Filio; unde dicitur : *Unum Patri cum Filio*. Et alibi dicitur esse osculum et amor Patris et Filii. Et est unita unita, quia unitur Patri et Filio, mediante divina natura. Unitas uniens non unita, est divina natura, quæ tres personas sibi invicem unit, sed ipsa iis non unitur, quia ipsa non est persona. Unitas unita non uniens, est Pater, quia unitur Filio et Spiritui sancto, sed neuter eorum unitur eo, seu per eum. De Unitate uniente et unita etiam dicitur : *Nunc sancte nobis Spiritus, unum Patri cum Filio*. De unitate non unita etiam dicitur : *In majestate unitas*. De unitate vero unita non uniente, dicit Hilarius : *In Patre unitas est, etc.*

Unitas autem coelestis, est in angelorum concordia; et est ibi triplex unitas : unitas naturæ, unitas gratiæ, unitas gloriæ. Unitas naturæ, quia omnes sunt spiritus administratorii : unitas gratiæ, quia sunt in gratia confirmati : unitas gloriæ, quia omnes in æterna beatitudine glorificati. In hac triplici unitate est diversitas in dignitatum magisteriis, in cognoscendis arcanorum mysteriis. Est etiam ibi concors dissonantia, consonans discordia, diversa unitas, unita diversitas, dissensus consentiens, di-

**A** versitas uniens. Unitas vero subcoelestis in ecclesia esse debet, et est, trina : unitas fidei, unitas charitatis, unitas obedientiæ. Ut superioribus inferiores obedient, superiores minoribus moderata consuetudine condescendant. Ad insinuandum ergo hujus unitatis meritum, unus descendens in piscinam, sa-natur (*Joan. v*); unus filius viduae suscitur (*III Reg. xvii*); arca in uno cubito consummatur (*Gen. vi*); ad nuntianum David victoriam unus mittitur; unus nuntiat Job mortem filiorum, qua solus a periculo liberatur (*Job i*). Omnia quæ ad ecclesiasticum statum pertinent, amplectitur unitas, omnia informat singularitas : est enim unus Deus, una fides, unum baptisma (*Ephes. iv*), una lex, unus rex, una Ecclesia, una gratia, una gloria. Inter re-

**B** ligiosos itaque similiter debet esse trina unitas : unitas religionis, unitas possessionis, unitas charitatis. Unitas religionis, ut sint uniformes in habitu, in victu, in vigiliis, in jejunii. Sed quidam anomali, se a regula hujus unitatis excipiunt, cupientes mollioribus accumbere stratis, paucioribus interessere vigiliis, delicatioribus uti cibis, modo vel nullo uti sileatio. Quidam **112** enim monachi villem habitum quoquo modo insigniunt, aut pulveris excusione, aut quadam partium eleganti dispositione; quia aut pedes in calceis arctius ponunt, aut manicas stringunt, aut caputum super aures reflecent. Cibos quoque pro posse suo delicatores appetunt, et in quantum possunt, si non materialia, saltem mutant formam; quia si unus vult fabas vel alios cibos tenues parari uno modo, alius vult alio. Quidam silentium frangunt, et si non verbis, saltem signis, et sic faculas verborum redimunt pluralitate signorum. Quidam vigilias aut intermit-tunt, aut intercidunt. Unitas quoque debet esse in possessione, ut omnia sint eis communia. Nihil enim proprium debet habere monachus, quia nec proprium debet habere in possidendo, nec proprium in volendo. Quod autem nihil debeat habere proprium in re, intelligent exemplo Ananiæ, qui ad pedes Petri exspiravit (*Act. v*), eo quod proprium retinuerat. Et ad instructionem claustralium dicit Dominus : *Nisi quis renuntiaverit omnibus quæ possidet, non potest meus esse discipulus* (*Luc. xiv*).

**C** Nec tamen sufficit propriis abrenuntiare in re, nisi abrenuntientur voluntate, unde et Petrus de hac abrenuntiatione voluntatis ait : *Ecce nos reliquimus omnia, et secuti sumus te* (*Matth. xix*). Claustralis ergo qui proprium habere desiderat, retro respicit cum uxore Loth, manum ab aratro retrahit, cum Dina filia Jacob, ornatum alienigenarum appetit. Qui ergo a communione possessionis aliquid proprium excipiunt, locum Judæ proditoris et furis emunt. O claustralis, qui in mundo multa reliquisti, noli ad mundum redire unius nummi desiderio. Non capiat te unius nummi appetitus, quem non decepit divitiarum thesauros; timeas ne decipula diaboli capiat te in minimo, quæ non decepit in maximo. Propriam etiam debet claustralis abjicere

voluntatem, ut sicut communitas est in religione, A *ut sit in voluntate; ut non solum eis omnia sint communia quantum ad censem, verum etiam quantum ad consensum, ut omnes convenient in voluntate una, omnes consentiant in una charitate, ut de eis vere possit dici : Erat eis cor unum, et anima una (Act. iv).* Tenentur etiam claustrales habere unitatem charitatis, ut in proximi sui profectu, suum profectum inveniant; in alterius quoque defectu, defectum suum lugeant. Sapientior minus peritum instruat, sanus ægrotō condoleat, incolmis sano congaudeat, et sic vita claustralim imago sit vitæ cœlestis; ut sicut in vita æterna in dispari claritate, par erit gaudium; ita in claustrali, in dispari charitate, uniforme amoris vinculum. Ab hac triplici unitate, claustralim dicitur monachus, quasi unitatis custos. Nam, si primam non servat unitatem, fit anomalus; si secundam, apostata; si tertiam, schismaticus. Sit in conventu claustralim unitas uniens, et unita, id est, prælatus subditos uniens auctoritate, subditis unitus charitate; sit ibi unitas unita, non uniens, id est subditus qui, etsi alios non uniat, alii tamen se charitate jungat. Sit ibi unitas uniens non unita, id est charitas, quæ etsi claustrales uniat, nulli tamen in præsenti se firmiter copulat. Sit in eis unitas naturæ, ut in se cam diligent; sit unitas gratiæ, ut sibi invicem gratiam collatam impertiant. Sit unitas gloriæ, ut una spe ad æternæ vitæ gloriam tendant. Sit unitas fidei, ne sint hæretici. Sit unitas charitatis, ne sint schismatici. Sit unitas spei, ne sint obstinati; ut de eis specialiter possit dici : Ecce, quam bonum, quantum ad hominum opinionem, et quam jucundum, quantum ad mentis devotionem, habitare fratres in unum (Psal. cxxxii). Religionis, in unum possessionis, in unum charitatis; ut ad illam pervenire valeant unitatem, de qua dictum est a Propheta : Unam petii a Domino, etc. (Psal. xxvi).

### 113 CAPUT XLIV.

*Ad sacerdotes.*

Ad sacerdotes ait Dominus : *Vos estis sal terræ, quod si sal infatuatum fuerit, in quo salietur? (Matth. v.)* Sal quatuor facit ; terram sterilem reddit, cibos condit, carnem a putredine custodit, vermes ab ipsa carne excludit. Hæc quatuor spirituali sali, id est sacerdoti, convenient, qui terram subditorum, id est eorum cogitationes terrenas vomere prædicationis exarare debet, ne pullulent in spinas et tribulos vitiorum, et ita sterilem a pravis operibus debet reddere; a terra etiam propria, id est a carne sua tenetur vitiorum fertilitatem excludere, ipsamque carnem a putredine, id est a luxuria et gula immunem servare. Eleganter autem luxuria putredini comparatur, quia sicut putredo carnem corruptit, et fetore facit, sic luxuria hominem fetore facit per infamiam, carnem per immunditiam, hominem per pravam conscientiam. Crapula etiam comparatur putredini, quia per crapulam, homo in

A corpore corruptitur, fetore inficitur, citius tendit ad non esse.

B A veribus debet custodire carnem suam, ne caro pravas cogitationes, ne in appetitus inordinatos evadat. Cibum quoque sacrae Scripturæ debet condire diligenter inquisitio, quia sacra Scriptura in quibusdam locis videtur insipida, nisi diligenter inquisitione perquiratur. Condire debet cibum Eucharistiae, bona operatione, quia nisi digne sumatur cibus qui in se dulcis est, amaricatur, et quod justis est electuarium, injustis est absynthium. Condire debet cibum doctrinæ exemplo vite bonæ, ne si ejus vita despiciatur, ejus, jure, prædicatio contemnatur. Sed, si sal illud infatuatum fuerit, in quo salietur? Infatuatur sal istud tripliciter : per ignorantiam, per negligentiam, per avaritiam, quia sacerdotes nostri temporis sunt senes elementarii, centum annorum pueri, de quibus ait Dominus per prophetam : *Tenentes legem nescierunt me (Jer. ii).* Tales quomodo alios condire poterunt? qui nec se ipsos, nec alios instruere sciunt? Quia sæpe contingit, cum sacerdotes lumen scientiæ, sua culpa, non habeant, ut per eorum ignorantiam hi etiani qui sequuntur offendant.

C Unde Dominus : *Si cæcus cæcum ducat, ambo in foream cadunt (Matth. xiii).* Tales si sint infatuati errore ignorantiae, quis condiet illos sale sapientiae, cum docere debeant, non doceri? instruere, non instrui? cum supra se majores non habeant qui corrigan, nec prudentiores habere debeant qui eos instruant? Infatuantur autem per negligentiam, quia in omnibus eorum operibus, negligentia torporem ingerit, fructum operum perdit.

In Psalmis est nulla devotio, in lectione nulla sollicitudo, in injunctione pœnitentiae, nulla diligentia, in missæ celebratione nulla cautela, in subditorum regimine nulla discretio, in bonis operibus nulla exercitatio.

D Sed si infatuati sunt, a quo ipsi salientur? quis enim poterit eos a tanto negligentiarum præcipitio liberare? quis eos poterit sapore diligentiae condire? Infatuati quoque sunt per avaritiam, quia ipsum Christum pro pecunia vendunt, sique locum Judæ proditoris obtinent : baptismum emptioni exponunt, sepulturas ad vendendum prostituunt; subditorum vitia palpant, ut emungant pecuniam; adulantur vitiis, ut impleant bursam. Tale sal in sacrificium Domini non offertur, sed foras ejicitur, pedibus conculcatur, et in sterquilinum redigitur; quia tales sacerdotes non digne se Deo in sacrificio offerunt, nec sacrificia sua sale sapientiae condunt, indigne sacramenta pertractant, indigne consecrant, sique sal hostiæ subtrahitur, cum tamen a Domino hostia sine sale offerri prohibetur; et sic, sal foras ejicitur; quia tales sacerdotes et si sint de ecclesia nomine et numero, non tamen sunt numine, et mortali, sed digni qui pedibus conculcentur. 114 Pedes sunt subditi, quibus providere tenentur sacerdotes ecclesiastici, ne in via hujus vitæ offendantur

ad scandalum culpæ. His pedibus conculcantur pravi sacerdotes, quia cum subditos eos vident obtenebratos ignorantia, dejectos ignavia, quos debebant habere in forma boni, habent in exemplum mali, et qui debebant esse gregis forma, sunt populi fabula, et ita vertitur sal in sterquilinium, nam scilicet tales sacerdotes odore infamiae, putrescent corruptione culpæ, computrescent in stercore consuetudinis pravæ. Sit ergo sal in sacerdotibus, et pacem habeant inter se.

## CAPUT XLV.

*Ad conjugatos.*

Paulus apostolus ait : *Unusquisque habeat suam uxorem, propter fornicationem (I Cor. vii).* Item : *Melius est nubere, quam uri (ibid.).*

Dominus etiam constituens in paradyso conjugium, ait : *Crescite et multiplicamini (Gen. ii).* In Evangelio quoque Christus ait : *Quod Deus conjunxit, homo non separat (Matth. ix; et Marc. x).* O quanta est dignitas conjugii quod in paradyso habuit initium, quod incontinentiae removet vitium, quod in se complectitur cœleste sacramentum : quod servat tori fidem, quod inter conjuges individuum retinet vitæ societatem, quod prolem ab infamia liberat, quod excusat carnale commercium a culpa. In hoc enim statu patriarchæ salvati, in hoc quidam Apostolorum sunt electi. O quanta virtus hujus sacramenti, per quam ne in luxuriæ vel incontinentiae præcipitum quis labatur, honestate conjugali excipitur ! O quantum expugnat honestatem, qui rumpit tori fidem ! dum relicto conjugali toro, adulteratur in alio, sacramentum quantum in se est, commaculat ; in corpus suum proprium peccat, unitatem dividit matrimonii, jura frangit conjugii. O quantum in adulterio periculum, ubi peccatur in Deum, ubi offenditur proximus, ubi crebro homicidium perpetratur, ubi frequenter filius legitimus exhæredatur, ubi saepè filia nubit patri, soror fratri ! Adulterium multiplicis solet esse causa flagitiæ. Ex adulterio enim David in homicidium labitur ; Ruben paternæ maledictioni subjicitur. In commendationem autem conjugii, Christus de despontata nascitur ; in Cana Galileæ, nuptiæ ejus præsentia dedicantur. Sed quamvis a peccato excusat carnale commercium, celebratur tamen ad susceptionem prolis, non ad voluptatem carnis. Temperet ergo se connexa communio carnalis, ratione loci, ratione temporis, ratione religiosi officii. Observet etiam homo spirituale conjugium inter carneum et spiritum, ut caro tanquam mulier spiritui obediatur, spiritus tanquam vir, carnem ut uxori regat.

Sit ibi fides tori, ne vel caro regimine spiritus relicto, adulteretur cum mundo, vel ratio seducta ipsa carnis illecebra fornicetur cum illa, juxta illud quod dicitur, quod « vehemens amator uxoris, adulter est. » Sit etiam ibi spes prolis, scilicet, boni operis intentio : sit ibi sacramentum spiritualis conjunctionis, procreentur tanquam filii, bona ope-

A ra ; sit ibi commercium carnis et spiritus rationabilis copula.

## CAPUT XLVI.

*De viduis.*

De viduis dicit Apostolus : *Non nuptias et viduis, bonum est illis si sic permaneant sicut et ego, id est caste (I Cor. vii).* Et alibi : *Volo autem et omnes homines esse sicut me ipsum (ibid.), id est continentes esse. Cum bonus sit status conjugalis, expeditior tamen est status viduialis.*

**B** 115 In conjugio enim est periculum in fide tori observanda, periculum in temperando carnalis commercii jura ; ibi labor in sollicitudine rei familiaris ; ibi onus in educatione prolis, dolor uxoris in pariendo, dolor dum gestat ulerum, ibi uxor constituitur sub potestate viri, etiam violente ; ibi timor mariti, ne uxor fiat adultera, ibi marito non est potestas absoluta, ibi inordinatus motus, quamvis venialis. Vidua ergo ad secundas non transeat nuptias ; secundæ enim nuptiæ, suspicionem ingerrunt luxuriæ, argumentum sunt incontinentiae ; viro viduata terrestri, sponsò copuletur cœlesti, ubi sine labore conceptus, sine dolore partus, ubi arcta iustitia, ubi Deus vita æterna, ubi conceptio voluntas ordinata, ubi partus operatio bona ; ubi concupiscentia charitas, ubi fides tori longanimitas, ubi sacramentum sacramenti veritas, ubi torus castitas, visus contemplatio, alloquium oratio, contactus æterna dilectio, ubi osculum mentis tranquillitas, ubi carnale commercium æterna jucunditas. O vidua, si de statu viduali exemplum quæreris, in Anna prophetissa viduitatis formam invenis (*Luc. ii*). Hæc merito suæ continentiae meruit prophetiam, merito castitatis meruit videre messiam. Ad castitatem ergo te invitet fidei turturis viduitas, quia viduatus pari, nec amare petit, nec amat.

Qui si pare caret, nec ramo viridi, nec herbae virenti insidet. Quod te admonet, o vidua, quod tempore viduitatis, senescientis mundi despicias florem, viorem mundanæ delectationis contemnas. O vidua, si marito temporali jungeris, cœlesti sponsò minus libere servis. *Nemo enim potest duabus dominis servire (Matth. vi),* et dum intendis carni, minus intendis spiritui.

## CAPUT XLVII.

*Ad virginem.*

Ad virginem dicitur : *Despondi vos uni viro virginem castam exhibere Christo (II Cor. xi).* Et propheta ait : *Audi filia et vide, etc. (Psal. xliv).* O virgo, quæ signata es virginitatis sigillo, pudicitiae titulo, noli prodere illud, quod natura specialius tibi commisit, quo te gratius insignivit.

Noli pro modica delectatione perdere, quod nullo modo poterit reparari. Hic est thesaurus naturæ, qui amissus non reddit : hic est flos quæ efflorens minime reslorescit.

Hæc est stella quæ occidens ad ortum non revertitur : hoc est donum quod amissum non compensatur, et quia solum est quod reparare non potes,

diligentius servare debes. Per hoc solum homo in carne vivens, imitatur angelum; per hoc solum homo vincit se ipsum; hoc servat famæ integritatem, custodit ab immunditia carnem. Audi ergo filia, non solum aure corporis, verum etiam aure mentis, et vide oculo cordis ut intelligas, et inclina aurem materialem ut obedias, et sic *obliviscere populum tuum* (*ibid.*). Populus est conventus carnarium cogitationum, qui virginis suggestio ut potiatur nuptiis, ut gaudet amplexibus conjugis, ut secundetur prole, ut carnali fruatur delectatione.

Sed, talem *obliviscere populum*, quia populus est Babylonis; gens confusionis, quæ filiam Sion conatur ducere captivam. *Obliviscere etiam domum patris tui* (*ibid.*). Pater tuus est fomes peccati qui te genuit, qui te de matre produxit, cuius domus et habitatio est concupiscentia, in qua fomes ille imperat, regnat, dominatur et præcipit. *Et sic concupiscet rex decorem tuum* (*ibid.*), ille scilicet rex, qui est Rex regum, et Dominus dominantium **116.** de quo dicitur: *Latera aquilonis, civitas Regis magni* (*Psal. XLVII.*). Et alibi: *Domini est terra et plenitudo ejus* (*Psal. XXIII.*). O virgo, si terrestri viro nubere vis, propter juventutis florem, considera quia illum florem aut mors decerpit, aut saltem in hieme senectutis efflorescit.

Nube ergo illi viro qui solus habet immortalitatem, apud quem non est transmutatio, nec vicissitudinis obumbratio (*Jacob. I.*). Si vis nubere terrestri marito propter divitias, considera quod terrenæ divitiae fallaces sunt et transitoriae, quia aut in praesenti vita transeunt, aut saltem in morte recessunt. Nube ergo illi, apud quem thesauri sunt incomparabiles, et divitiae immutabiles; *quas nec pur furatur, nec linea demolitur* (*Math. VI.*). Si autem vis nubere terrestri viro, quia pulchritudine insignitur, considera quia pulchritudinem aut infirmitas extenuat, aut senectus exstirpat, aut saltem articulus mortis exterminat. Nube ergo illi, e cuius pulchritudinem sol et luna mirantur. » Si vis nubere terrestri viro, propter generis nobilitatem, nube illi de quo dicitur: *Generationem ejus quis enarrabit?* (*Isa. LIII.*) Si vis nubere terrestri marito propter mundanum honorem, vel terrenam dignitatem, considera quia summis negatum est stare diu, uimioque graves sub pondere lapsus. Nube ergo illi de quo dicitur: *Potestati ejus quis resistit?* (*Job IX.*) Et alibi: *Regni ejus non erit finis* (*Luc. I.*).

#### CAPUT XLVIII.

*Ad somnolentos.*

*Scientes quia hora est jam nos de somno surgere* (*Rom. XIII.*): notandum est, fratres charissimi, quod triplex est somnus. Est somnus, quando quis raptur ad contemplationem cœlestium, et tunc quietescunt naturales vires; de quo dicitur: *Misit Dominus soporem in Adam* (*Gen. II.*); et aliis somnus, quando quiescent animales virtutes, et operantur naturales; de quo dicitur, quod *angelus apparuit in somnis Joseph* (*3<sup>rd</sup> Matth. I, II.*). Tertius somnus est

A quando dormit ratio, et sensualitas exorbitat. Primus somnus sit supra hominem; secundus secundum hominem; tertius infra hominem. Primus miraculosus, secundus imaginarius, tertius monstruosus. Per primum sit homo Deus, per secundum spiritus, per tertium pecus. In primo somniet vera, in secundo monstruosa; tertius vero sit nocte peccati, in tenebris viti, in umbra delicti. Nunc ergo in tempore gratiæ, hora est jam nos de somno erroris surgere, de somno peccati exsurgere. Quatuor enim nos debent excitare a somno: sol oriens, galli cantus, timor furis, sollicitudo rei familiaris. Sol justitiae nos excitat a somno peccati, qui nobis jam ortus est per gratiam in baptismo, quando abrenuntiavimus peccato. Per hoc ergo quod jam accepimus gratiam, invitamus B ad sollicitudinem mentis, et ad ejus custodiæ.

Galli cantus nos excitat a somno, id est prædictoris admonitio. Timor etiam furis, id est diaconi, qui si nos invenit dormientes, intrabit corpus per luxuriam, animam per superbiam, auferens purpuramenta virtutum, divitias bonorum operum. Sollicitudo etiam rei familiaris nos excitare debet a somno peccati. Excitemur ergo, quia tot excitant nos; vigilemus, quia tot ad vigilias nos invitant, et quia propior est nostra salus, quam cum credidimus; perseveremus in gratia, quia imminet gloria. Curramus per stadium, quia imminet bravium. Duplèciter autem justus appropinquat saluti æternæ: per diætam vitæ naturalis, per diætam vitæ spiritualis, quia quanto plus justus explet de diæta temporalis vitæ, tanto plus accedit ad vitam gloriæ.

Quanto magis compleat diætam vitæ spiritualis, tanto magis appropinquat saluti vite æternalis. Quanto ergo justus sanctior, tanto saluti propinquior, quantoque senior, tanto eidem vicinior. *Propior est nostra salus quam cum credimus* (*Rom. XIII.*), quia cum primo est nobis fides collata major pars restabat de vitæ diæta, et ideo major pars justitiae erat **117** consummata. *Nox etiam præcessit, et dies appropinquavit* (*ibidem*). Triplex est nox, nox ignorantiae, nox culpæ, nox tribulationis mundanæ. De nocte ignorantiae dicitur: *Nox præcessit, Dies autem appropinquavit*. De nocte culpæ dicitur: *Lavabo per singulas noctes lectum meum* (*Psal. VI.*). De nocte tribulationis mundanæ dicitur: *In die mandarit Dominus misericordiam suam, et nocte canticum ejus* (*Psal. XL.*). In prima ambulant fatui, in secunda impii, in tertia miseri. Nox autem ignorantiae recessit, quia jam instructi sumus per legem, informati per rationem, docti per creaturam omnem. Lex enim docet quid agendum, ratio quomodo agendum, creatura pro quo agendum. Omnis enim creaturæ Creatori servit, ad servendum Deo nos instruit. Recessit etiam nox culpæ, quia ex quo gratia nobis in baptismo est collata, culpa a nobis est relegata. Recessit nox tribulationis mundanæ, quia cum primitiva Ecclesia varias sustineret tribulationes, ab insulto tyrannorum, ab impetu falsorum fratrum, ab impugnatione hæreticorum; jam ex parte lem-

pestas est sedata, ut Ecclesia quiete possit Deo militare. Ergo, *dies appropinquavit*, scilicet dies scientiae, ut illuminet nescientem; dies gratiae, ut dirigat deviantem; dies prosperitatis mundanae, ut mulceat laborantem. *Abjiciamus ergo opera tenebrarum* (*Rom. xiii*). Sicut variae sunt species noctis, ita diversae sunt species obtenebrationis. Sunt enim tenebrae ignorantiarum, de quibus dicitur: *Populus gentium qui ambulabat in tenebris, vidit lucem magnam* (*Isa. ix*). Sunt tenebrae peccatorum, de quibus dicitur: *Qui ambulat in tenebris, nescit quo vadat* (*Joan. xii*). Sunt tenebrae poenarum, de quibus dicitur: *Projicite eum in tenebras exteriores* (*Matth. xxii, xxv*); tenebrae ignorantiarum, sunt interiores; tenebrae peccatorum, intimae; tenebrae poenarum, exteriores. *Abjiciamus ergo opera tene-*

*brarum* (*Rom. xiii*), ut bene agamus, fugiamus opera poenarum, ne misere vivamus. Abjiciamus opera ignorantiarum, ut simus prudentes; opera peccatorum, ut simus simplices; opera poenarum, ut simus felices. Et sic induamus arma lucis (*ibid.*), muniti luce sapientiae contra haereticos, luce gratiae contra diabolum, luce glorie contra infernum. *Sicut in die honeste ambulemus* (*ibid.*). Qui in nocte ambulat, frequenter in honeste ambulat, quia aut offendit in scandalum, aut incidit in lutum, aut labitur in præcipitum, aut ruit in lacum: sic qui in nocte peccatorum ambulat, aliquando offendit in montem superbiae, incidit in præcipitum gulae, ruit in lacum avaritiae. Ambulemus ergo honeste in die bonae operationis, ut perveniamus ad diem æternitatis.

# MAGISTRI ALANI DE INSULIS SERMONES OCTO

Ex antiquissimo codice bibliothecæ B. Mariæ de Alna, ordinis Cisterciensis, in diœcesi Leodiensi nunc primum in lucem producti.

## 118 SERMO I.

DE SPIRITALI UNITATE ABBATIS ET MONACHORUM.

*Osculetur me osculo oris sui*, etc. (*Cant. 1.*)

Notandum, fratres charissimi, quæ petat, quid petat, et a quo petat. Virgo virginum petit, osculum petit, a vero sponso, id est a Christo petit. Quod osculum? non illud a quo defluit fermentum luxuriæ; sed, a quo distillat favus cœlestis gratiae. Triplex autem osculum virgo petiit, quæ postulatum obtinuit.

Est autem primum genus osculi, quod fit per spirituali conjunctionem animæ et Dei; secundum osculum est, quo pater osculatur Filium, est enim Spiritus sanctus Patris et Filii amor et nexus. Tertium osculum est Incarnationis, quo Christus per humanitatem assumptam, osculatus est virginem Mariam. Primum osculum est, inspirationis; secundum, spirationis; tertium, incarnationis. Primum osculum, est cordis; secundum, oris; tertium, corporis. Primum reddit favum, secundum balsamum, tertium oleum. Ante Incarnationem ergo, virgo petit osculum internæ visitationis, ut per hoc servaret integre sigillum virginitatis: nec sua fuit petitione fraudata, sed interna inspiratione visitata.

Ergo primum osculum sensit, quando virginitatis sigillum non amisit, et sic per visitationem in-

B ternam, se quodammodo reddidit Verbi incarnatione dignam. Sed qua dignitate? dignitate triplici: dignitate præelectionis, dignitate electionis, dignitate subelectionis. Dignitas præ electionis fuit, quando ab æterno decreto prædestinationis, ad hoc fuit præelecta, ut esset Dei mater intacta, sed postquam Spiritus sanctus eam obumbravit, ad hoc elegit ut Filium Dei conciperet, et conceptum infertilis parti in lucem produceret; subelecta etiam fuit, respectu illius humanæ naturæ quæ verbo Dei amica fuit ineffabili amore.

Illa ergo humana natura principaliter electa est, cui uniretur beata virgo subelecta, ut ex ea Filius Dei nasceretur. Secundum autem et tertium osculum petiit, cum ab Angelo audiens: *Spiritus Sanctus superveniet in te, et virtus Altissimi obumbrabit tibi* (*Luc. 1*). Ipsa ait: *Ecce ancilla Domini, fiat mihi secundum verbum tuum* (*ibid.*). Et ex quo hoc dixit, utrumque osculum recepit, Spiritum scilicet ad sui confirmationem, Filium vero Dei in conceptione.

Sed sicut hoc nomen, osculum, in sacra pagina nunc aureis, nunc tetris **119** litteris scribitur, sic diversa etiam sunt oscula; nam sicut Christus sua habet oscula, ita et Antichristus, id est diabolus, sua habet basia, id est suavia: *Osculatur enim*